

義

縣

志

王九如



五十

卷中

第

十七

冊

藝文志

下

133538

藝文志

義縣志中卷

藝文志下卷

目次

詩 共二百六十九首

五言古

北朝魏

贈御史中尉李彪

清

留別崇陽諸生

賀英堂婿來京秋試同煜庭婿共飲喜成

七十自壽

義州懷古

民國

再留別義縣紳學商農各界

和再留別義縣紳學商農各界

前題

前題

大凌河晚眺有感

和大凌河晚眺有感元韻

五言絕

明

題扉上釣魚圖

自警

清

題翠巖山寺石壁

甲子元日

城中避亂

其二

詠愁

其二

對聯

春遊

清明

踏青

其二

親嘗湯藥

買琴

五言律

明

釣魚溪詩

清

登醫巫閭山

望醫巫閭山

偶成

其二

由城中晚歸

詠塔臺

過姜女祠口占

夷齊里和王質元韻

癸酉除夕

其二

三槐

民國

和馬適齋原韻

其二

其二

其四

贈薛穎皆

其二

其二

其四

興京道上

五言排律

清

千秋臺舊句

觀劇

徙居

榆錢

遣興

夜走燕京菜市口觀孟蘭盆

處境

野菊

試帖詩

清

嶺南貢生荔支

張九齡千秋鏡

凡百敬爾位

石上泉聲帶雨秋

七言古

金

醫巫閭山

清

七里河早發至自錦州

觀花有感

民國

河漲篇

和河漲篇元韻

前題

前題

三邊雨水爲災率成十五韻

和三邊雨水爲災率成十五韻

七言絕

金

閩山

過東坡坎

明

寄大尹邵文明

題萬佛堂壁

其二

題女兒河

過直隸武清河西務

清

次林公海棠五絕原韻

道光甲辰春三月將告歸留別同寅及署中諸友

東閣官梅十詠

居官有感

題自畫尋梅詩

爲鄉友耿心齋求書即此口占以贈之

十三山

詠梅

題萬佛堂

觀世有感

落花

其二

其三

寄雅峯

邊上春日偶成

秦始皇

苦雨贈雲

劉阮還家

戍樓夜月

絕壑雲停

晚山歸牧

市集湖漢

西施

秋燕

其二

古琴

無髮叟

其四

鴈字

遊閭山

前齋

惜春

龍寺清溪

烽台人立

柳邊棲鴉

廟列南北

聞蟲

老女

寒蟲

古硯

古鏡

其二

其三

其四

其五

其六

其七

春雨

其二

詠本邨蘭若

其二

問寺中芍藥

野館即事

韓淮陰

張留侯

詠張浚趙鼎

題畫

題銅佛

古寺

遣興

小桃紅

中秋吟

月當頭

過山海關

七夕

其二

元宵

燕京閒詠

燕郊道上即景

秋深

過聖清宮贈道者

讀易

題趙蘭友畫竹

其二

題趙蘭友畫竹

題趙蘭友畫竹

度牽馬嶺

閩山

其二

其三

送宦遊兄南行

問菊

其二

感友寫懷

其二

民國

贈馬適齋

步馬適齋原韻

又步原韻

其二

和王館長賀欽鈞魚台元韻

馬適齋原韻

其二

其三

奉和李俊長科長假歸留別二首

前題兩疊原韻

咏曹操墓

詠山東難民

七言律

遼

玉石觀音像唱和詩

元

過梁侯瑩

再過坎下

明

讀書

和瀋陽守愚邱先生原韻

其二

古澄丁聲遠來訪賦一律見遺因和

清

步林公訪千秋臺登奎閣原韻

詠紅葉

和錦州文方伯式岳見贈原韻

聞劉松雲大令杞宰錦縣有寄

留贈關中父老

題寶林樓

進柳條邊

過義州

哲里木昭烏達二盟王公等備晏詩以誌事

廣寧詠熊廷弼王化貞事

盛京所屬城垣修葺已成詩以誌事疊戊

戍詩韻

贈蕭香谷

祝趙蘭友先生七十壽詩

讀童山老人李兩邨和觀察酒帘

游蒙部啦瑪洞

偶成

其二

寄雅峯

門神

雅峯記事七律一首隨函示知

步雅峯原韻覆和二首

其二

俠客

老將

初夏村居

城東郊荒塚

與燕子談

盼燕子

老將

其二

馬嵬坡

其二

過故人宅有感

五十四自壽

贈父執李公

小園即事

題趙蘭友畫竹

凌河即景

贈友

梅影

雪花

雁字三十韻

張履亭先生偕友遊山邀余同行余感盛

情作七律四章以記其事

其二

其三

其四

懷武侯

送徐栗齋之任義州

烏拉草

其二

其三

擬答烏拉草問即依元韻

履亭先生來信云四月中旬會合三五同人往閩山遊歷一番一則風塵之心藉以少洗一則名山之境不枉素欽人生行樂耳須富貴何固不必嘍嘍唧唧而困苦窮廬也余即其來語湊成一詩

問梅

過山海關

詠閩山

和述懷元韻

訓晚

送宦遊兄南行

感友寫懷

民國

孔子廟

譚海籌先生六十雙壽詩

酬馬適齋步韻

適齋原韻

與適齋遊賓縣漉巾亭冒雨歸城韻

適齋原贈

贈適齋

其二

和薛穎皆

其二

清河門關帝廟

詠清河門河西村前明把總廢署

詠台子山洞上關帝廟

贈馬龍潭將軍古稀榮慶

通化城

秋感四首

其二

其三

其四

之官義州留別瀋陽諸友

其二

秋感

和秋感元韻

遊故宮博物院

和遊故宮博物院元韻

天津燈景

和天津燈景元韻

仕途感言

和仕途感言元韻

書懷

其二

賦共十篇

清

拔趙幟立漢赤幟賦

吸鴉片賦

不為五斗米折腰賦

村學賦

醫巫閭山賦

諸將皆從壁上觀賦

小春賦

畫竹賦

凱歸同飲賦

問菊賦

銘共二

明

賀鄉進士考妣銘

賀給事中墓銘

聯共五十副

明

大奉國古寺長聯

清

擬僧王廟聯

城隍廟楹聯

趙得榮妻王氏牌坊聯

題萬佛堂古寺長聯

旌表節孝許金氏石坊聯

南關關帝廟楹聯

其二

其三

宋旅長依欽保喪聯

送州牧汝次臬楹聯

景浚川輓依榮廷

輓戴松齋

輓張雨亭師長太夫人聯

民國

輓宋教仁

雙城縣忠勇祠楹聯

忠勇祠附屬義地聯

追悼張大元帥聯

自輓

輓張大元帥聯

輓志書館贊助絳言胡刺史

熱河避暑山莊內月色江聲處所設之陸軍模範團楹聯

輓聖清宮趙大法師壽山聯

張母劉太夫人哀輓

其二

其三

其四

其五

其六

其七

其八

其九

其十

其十一

其十二

其十三

其十四

其十五

其十六

其十七

其十八

其十九

其二十

其二十一

其二十二

其二十三

其二十四

其二十五

其二十六

其二十七

輓關海珊

輓山海關監督蘇秀亭封翁耀先七十有七溘世

制藝 共七篇

五經制藝

清

卷(十五)藝文志下目次

圻父薄違農父若保宏父定辟

虹始見萍始生

四書制藝

清

爲長者折枝

則有慶

嘉善而矜不能

戰必勝矣

是豺狼也

贊共十

唐

棘城吐谷渾贊

棘城慕容氏廆銚僞暉四前燕國王贊

棘城慕容氏寶盛熙三後燕國王贊

棘城慕容氏德超二南燕國王贊

明

少師許文簡公讚像贊

清

至聖先師孔子贊

顏子贊

曾子贊

子思子贊

孟子贊

旌表節孝許金氏石坊贊

民國

邑人胡綉言明府贊

行述

共一篇

清

趙母徐太宜人行述

書

共十六篇

晉

與陶侃書

上陶侃書

報封抽韓矯等書

與庾冰書

上燕王書

上慕容皝書

北朝魏

上靈太后書

上高祖書

諭崔道固書

明

與鄧都闔書

與王天申書

清

與趙鳴岐書

其二

其三

其四

其五

簡共二
篇

明

簡石齋陳先生

簡都闔王公

文共十
九篇

明

祭古墓文

清

御製訓飭士子文

祭蒲州府步千景公文

祭柏公摺陳先生文

弔戈年伯母幃文

祭王母孫孺人文

民國

譚海籌先生六十雙壽文

張母劉太夫人祭文

其二

其三

其四

其五

其六

其七

其八

其九

其十

其十一

其十二

引共一篇

清

重修聖廟興工始末引

墓誌共十五篇

遼

朔州順義軍前院侯張府君墓誌併序

耶律弘益妻蕭氏墓誌銘

明

一峯羅先生墓誌銘

醫閻先生墓誌銘

明故陳公世美墓誌銘

昭信校尉陳公妻安人金氏墓銘

陳張氏墓誌銘

明故孺人□氏墓誌銘

殘缺墓誌

清

廷尉王公允升墓誌銘

特授奉政大夫次南王公墓誌銘

山東登州府同知虛谷王公墓誌銘

民國

茆汀公薛孝廉墓誌銘

武德騎尉趙貴餘公墓誌

張母劉太夫人墓誌銘

墓表共一篇

清

清故資政大夫直隸候補道李君墓表

記共四篇

明

遼右書院記

史氏倚廬記

義州修建綠邊營堡記

釣魚臺祠記

集 共一篇

明

醫閭集

辭 共十二篇

清

同治十年辛未春川省族伯母命家人詹俊來迎弟榮為嗣續躊躇數旬始於清和十

八日起程兩夜回思能勿慘然

歡迎吳鎮守使凱旋辭

義州醫學研究會開會祝辭

謝履亭先生黃鶯兒詞

安樂清閑四字詞

寄張履亭先生詞

凌河觀濤詞

民國

張母劉太夫人誄詞

其二

其三

張母劉太夫人蘭花屏四幅題詞

東豐縣教育月刊發刊祝詞

歌 共十
五章

晉

阿干歌

民國

男校歌

女師範校歌

義縣古今設治地名歌

義縣山川歌

義縣城池歌

其二

其三

節錄義縣古今人物歌

其二

其三

師中校歌

校訓歌

追悼張大元帥歌

勸募醒世歌

傳 共四
篇

明

少師許文簡公家傳

許院公家傳

茂欝許公家傳

清

趙母徐太恭人家傳

跋共五篇

清

懷芳閣留刪小草跋

趙氏家譜跋

其二

民國

吳景玉傷寒論註解跋

三字經註釋會纂跋

論共五篇

清

趙母徐太恭人家傳論

通典首食貨通考首田賦論

民國

遠東問題將來之觀測論

化民成俗其必由學論

孟子法先王荀子法後王論

策共一篇

民國

國用出於賦稅中外相同何以外國稅重而民安中國稅輕而民困今欲增加收入以裕度支應如何規定良法使國用足而民無擾試詳言之

說共四篇

明

賀凌台先生授大學古本說

民國

致知在格物說

英雄造時勢說

讀周敦頤愛蓮說

啟共七篇

清

馬太史芳田哀啓

民國

王太母姚夫人哀啓

義縣重修文廟捐啓

參政院宋參政小濂哀啓

薛母趙淑人哀啓

張母劉太夫人哀啓

李母李夫人哀啓

著述 共一百三十八種

北朝魏

馮氏燕志

孝友傳

元

雙溪醉隱集

芮城宋職官題名記

明

醫閩集

清

羣言瀝液

敎家編

靜中吟

雜著

學辨

述懷詩

德音集

仕學要編

勸農敎民書

清容堂詩集

元亭詩集

奏議

巡視東城北城紀事略

甲午乙未丁酉巡視漕務記

七省漕務彙錄

豫軍記略

味蔗軒詩集

鑑略註解

國統便覽

饗宮實錄

學庸貫解

詩品註解

戎疆瑣記

官箴錄

魯豫宦遊記

曹州軍事記

樂亭課士文稿

次南詩稿

宦遊紀事始末

習春秋文集

滄州事略

五代十國紀年事略

五胡十六國紀年事畧

三字經解字

鄉土紀聞稿

三字經白話句解註釋會纂

學竹山房詩草

滿漢合璧學庸

寸香詩草

懷芳閣留刪小草

東閣官梅十詠

三槐書屋詩鈔

六陣法

影諫日錄

用中錄

熱腸一笑錄

行軍要略

守城粗規

傷寒註解

蝴蝶詩三十韻

石琴鐵硯軒餘稿

雁子詩三十韻

知足自壽詩十首

治家要訓

讀史餘稿

責躬錄

偶園小稿

偶園讀書誌

偶園書畫錄

讀水經注志疑

擊楫集

讀畫詩

然犀錄

猛菴文畧

三邕翠墨簪題跋

猛菴雜著

舊學菴筆記

庚癸小草

紅羸山館遺詩

津步聯吟集

詠菊三十韻

紅絲硯齋詩集

宣講警衆篇

刀弓石練習解說

訓士規則

曲陽月課會編

課士錄

學古篇

自警詩草

課餘文稿

課徒草文集

課徒詩文集

治家遺訓

讀書述聞

詩餘

義州雜誌

初仕銘

詠世詩

逸興詩稿

煮石齋詩集

大清一統輿地臥遊圖

零金碎玉雜集

民國

唾餘存稿

草草吟詩稿

留紫菴全集

雙城縣鄉土志

奉熱文獻待徵錄

丙辰叢報雜誌

孫子兵書淺註

統一政策

四雨堂詩稿

惜墨軒詩集

鋤古齋雜誌

碎錦零金日集

芸閣雜集

雪梅詩社吟稿

仙鬼詩話

格言聯珠

詩稿

榆陰書屋詩集

定神學講義

衛生行政系統

定神學疑問寶典

衛生行政施行法

禁烟實施法

客餘待質錄

營川金綫跡

東鐸筆記

兩京遊記

古豐遊記

烏桓遊記

春明漫載

中國墾殖問題

課餘隨筆

病理學

診斷學

病理問答

車後童子傳

教育講演稿

遺民淚

詩聯存稿

溧凌詩集

柳氏日記

物類考原

論說示範

南陽廬詩鈔

南陽廬詩

古詩選

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

南陽廬詩

目錄終

南陽廬詩

義縣志中卷

藝文志下卷

詩

五言古共十

北朝魏

贈御史中尉李彪

白衣韓顯宗棘城人

賈生謫長沙董儒詣臨江愧無若人迹忽尋兩賢蹤追昔渠閣游策駑厠羣龍如何情願奪飄然獨遠從痛哭去舊國銜淚屈新邦哀哉無援民嗷然失侶鴻彼蒼不我聞千

里告志同

見魏書列傳

清

留別崇陽諸生

清進士四川崇慶州知州金朝覲

少小讀詩書粗識解文義遂以迂腐心輕量天下事詎料知匪艱所難在身試率由守舊章因循成廢置矯正非具文未信轉拂志何況博虛譽矜矜自殊異欺人適已欺獨

處乃知愧茫茫宇宙寬千載同一致方久承平□屢兆豐年瑞齒繁物力窮機智肆無忌鈴制豈未能苟且非至治清議出土林賴有解人意學道聞聖言安民實惠利今此

抱膝嗔他年行作吏萬卷奚足奇百爾無求伎吁嗟從此辭相思從此始蜀山千萬重

遙憶但翹企

見金氏家藏清道光二十四年甲辰二月

那繹堂宮保六旬壽詩百韻

辛酉座主

清進士江南淮海兵備道

趙廷熙

周甲符軒籙凝辰贊舜猷六旬天錫羨一德相紆籌赤奮祥舒莢青陽瑞演疇毓賢鐘
鐵嶺卜揆驗金甌錄獻千秋鑑波恬四海流喬光聯斗壁偉業邁韓歐自昔趨承久知
公德望優家聲傳怯薛世澤紀敦牟列第排雙戟鳴珂擁八鸞鸞棲瓊樹摧燕夢玉筐
投早射蘭成策能空穎士儔卿材嗤半豹門蔭薄千牛腹笥研經富心源析紉紉詞頭
宣閭苑諾尾判瀛洲浣月文垂露披沙質揀鏐雲裏加錦纈日契賜珍羞待漏銅龍點
含香紫麝篝經筵朝暴直秘閣夜編讎神雀郎官頌牂羊博士修蓮輝仙炬撤柳重御
烟浮金玉揚聲色絲綸代舌喉瓌墀通化省清籞接金誦牒訂銀潢系廬環紫迳擷羽
林資統轄豹尾屬縵旂遂晉諸卿秩仍教四姓侯華纓飄翠羽上褚襲貂裘名遠雞林
播詩成象譯求彈蕉風采肅執簡雪霜適勅旨頒鸞鳳官曹領扈鳩三司增耗羨七萃
繕戈矛銓選平衡量工材考漆糅每當躬嶽嶽彌見德休休雅度同寮挹虛懷下問周
書楹披錦湄賓館供青油王儉連名慕馮驩劓作緱盟心金早却鼓腹粟頻調聲辨趨
廷履榮驅按部輜霜威宣露版風俗問星郵漕想均輸轉書原橐飶留宜禾搜粟計菑

石下樅謀白鹿隨車轂班塵駕鞞鞅釋疴蘇贅士解網蔽要囚清望龍門峻高吟虎幄
秋神君三輔頌佚子萬家謳早歲人倫鑒頻年俊又蒐大昕鳧藻集宵雅鹿奉吻銀手
鍼沉滯金心燭隱幽濫吹竽肯聽疏越瑟親榻未有遺珠歎應多抱璧售連茹占以彙
翹秀拔其尤秋駕蒲輪選春官藥籠收梢雲臚五色橘籍占千頭座羨屏風隔門欣匠
石遊校文頒虎觀置傳式龍樓仰荷釀恩沛頻邀寵命稠銀鐘陪曲晏金筯喜精鏤地
望章平小經綸兩魏侔宵衣紆聖念晝穀厘民憂颯爽雲臺繪賡歌朶殿酬元模歸治
範醲化飢優柔繩武承棠笏揚休拜拒貞國華昭黼黻家範述偃僂薦剡徵頗牧湔瑕
起柳劉韜鈴三略授規鈿萬拜揉決勝籌千里興居問九州令公威可畏方叔壯其猷
置戍通龍節銷鋒脫象鍤發蹤司調遣專閩賴諮諏干羽虞廷格牙章漢相抽策勳千
鳥隼敵愾萬貔貅退食逢清暇書思凜率由廳纔容旋馬舫第狎馴鷗東閣樽頻注南
樓句盡搜蠟茶烘絳帖沙羽訂山舟綠綺徽調指丹綈卷齡眸盈床堆綬藹多寶綻房
留任昉家傳筆何熙代佩鉤肫颺皆國器琪玘並天球醴爲傳經設衣緣踐席樞羽儀
夸謝鳳著作比班彪樞席星辰近蓬山歲月悠延齡邀帝眷錫嘏迓天庥樂只期惟艾
綏之福有繆上尊黃帕酒安騎紫韉躡彭饗斟華雉堯章賁翠虬齊眉欽德配加額慶
遐陬燧火沙堤炬軒懸玉磬勾戴鼈安柱石噦鳳仰梧楸久視長生籙眞灵位業修弧

星明斗極珠樹積崑邱賤子誠樗散粗材比柞爇吟詩輸謝眺習筆媿荀攸扶植鐘撞
莛吹噓鼓應桴鴻鈞叨冶鑄燕石厠琳瑯竟使菱回潤真成劍脫鞬書勞陳牘薦田愧
陸莊纓承乏當淮海趨風緬魯鄒葵傾觚爵騰芹獻兕觥觥六氣調宮羽三階接冕旒
期頤占景運喬嶽對時哀

見趙氏家藏
並見錦縣志

賀英堂婿來京秋試同煜庭婿共飲喜成

趙鴻儀

字心泉

一別忽七年丁卯至癸酉秋戰來都門今宵重聚首不知歲月更但覺離索久乍見喜
欲狂此會良非偶先問骨肉親再問亡年友事業日益新康強如故否汝作青雲客我
已白髮叟詩畫日消磨權作掃愁帚只圖慰桑榆不爲謀升斗悠悠七九年嗷嗷十二
口人閒品自高名在骨不朽欣看兩快婿皆是攀桂手拭目待佳音捷報在重九聯袂
步雲梯共醉菊花酒

詳趙氏家藏
並見錦縣志

七十自壽

五十韻

前人

身世等蜉蝣忽作古稀祝但知歲月更不覺歲月速馬齒徒加長駒光如閃倏志未顯
鷹揚分宜安雌伏憶昔少壯時努力奮鴻陸而今已老矣心灰如槁木如劍藏在匣如
玉韞在櫝文章困一生功名成半幅世態極炎涼十年看爛熟老去心益堅肯笑窮途
哭遲日痛西河天生是使獨骨肉各一方閒愁三萬斛強自作達觀中懷仍踟蹰但願

不虛生虛生仍碌碌笑彼車馬喧紅塵何僕僕因不羨聲華得享清靜福腰脚雖云強
鬢毛已半禿日月空蹉跎期頤安可卜不服延壽方只飫豐年穀既未置良田亦未營
華屋朝夕節飲食起居慎寒燠好鳥喚枝頭午夢聞剝啄有客到蕭齋甕頭酒新漉草
草具杯盤粗肴雜野蕪盆植和靖梅庭栽子猷竹點綴見生機底事誇錦簇春色在鄰
家隔牆送芳郁役役更何求欣然聊自足一生無好尚百事歸簡樸欲暖亦衣帛欲飽
亦食肉守口學癡聾深虞鼎覆餗每誦白圭詩並不厭三復琴書樂逍遙富貴奚馳逐
斗室靜生春家庭和且睦老妻喜同庚鄉黨稱賢淑一派繼書香有孫堪教育手鈔古
文辭留爲他年讀鼓舞嘻堂前權作老菜服不敢冀蘭芬亦漫誇桂馥曩時推子平偶
遇一瞽目決我逢戊辰數應歸鬼籙今又逾十年依然錦苒祿觴詠叙幽懷管絃豔芳
圃自得任優遊春明聊寄宿他日歸去來還我愚公谷親戚重問年共賞東籬菊賭酒
再吟詩放浪無拘束感念舊朋儕摛詞增愧慙不如自述懷連篇復累牘質之於高明

應爲同捧腹

見趙氏家藏
並錦縣志

義州懷古

廣寧縣
知縣 項 蕙

西北屹巨鎮所以障東藩阻險由天設巖巖斷塞垣過此乃殊方沙磧沒平原天馬來
不絕傳有首蓓繁控弦士十萬騎射鳥獸翻北地能用武兼併志猶存殺氣枯草木刀

癥與箭痕昔者遼金世崇墉何足言在德不在險亦云固本根寧無和親利結之可勿
諼竊嘆外甥國難歸青塚魂玉魚死蒙葬燐火夜唬猿地遠易驕奢况乃許併吞何以
防未患曰無鶴乘軒飽騰盡組練鎖鑰偕北門山樓增紛飾永無鞞鼓喧

見康熙庚申錦縣志

民國

再留別義縣紳學商農各界

庚午閏六月

濮良至

我登醫巫山山色何鬱蒼我臨大凌河河水何汪洋相居九閱日暖席殊未遑巡行復
巡行觀風及邊墻民氣素敦樸可奈性情剛維剛亦美德宜求文化昌施政用柔道德
薄願難償所堪自慰者上下誠相將槩古調誰彈薰風自南方絃歌聲未普驪歌聲忽
揚奉令移綏中官符催迫忙話別意怱怱餞行爭舉觴肩輿出南門僚友集道旁下輿
飲君酒新秋酒正香此中有真味滴滴到衷腸香餘留齒頰淚忍已盈眶人生如浮萍
聚散本尋常聚時歡携手散後情難忘古人道義交蘇李詠河梁溧凌開詩社唱和互
低昂我欲效古人短歌不成章寄贈無他語加餐壽而康綏中與義縣何分彼此疆澤
雨釀鉅災處處河決防相關痛癢地咫尺遙相望人遠關門近天高雁影翔薄宦老未
倦孤吟清愈狂遊興兼詩興應比長城長

和再留別義縣紳學商農各界

九月六日

王鶴齡

回憶謁君時尊顏何蒼蒼讀秋感諸詩引辭何洋洋最好文字緣結社弗敢違函請開

詩社吾儕列門牆詩社組溧凌夏曆臘月剛覆函表同情捧讀拜言昌附示賀瑞雪學

詩願始償勉賦呈蒙和雅集酒食將幸承珠玉教詩得師南方滿擬君久任榮遷鞭欲

揚授我河漲篇特電促君忙臨行夜陰雨朝霽餞行觴我出永清門佇立道西旁君乘

肩輿至早備樽酒香下輿君飲酒唯酒解離腸目送君登輿不睛轉目眶報載六股河

為災更異常人畜田廬漂使君詎肯忘吾邑良舟楫適彼作津梁東差又詩來詩語倍

軒昂次元韻廿八僅湊句成章詩受我仲翁志慊比韓韓邦靖明人著朝邑縣志二卷康康海字對山明狀元著武功縣志三卷聞

君賑災黎萬世休無疆我忝賑災會濫竽自加防義縣賑災委員會常務委員五人鶴黍與焉公餘祈唱和二集

刊尤望地隔書能通雁鴻盼迴翔年老詩情健兩地各吟狂一函一如面仰君筆歌長

前題九月八日趙福永

染於黃則黃染於蒼則蒼唯詩學亦然詩律最望洋自君明教我吟咏莫敢違化我成

珠玉胡虞立面牆詩以規君德溫柔寓厲剛每巡行有詩詩傳文治昌奈我宿疾復詩

債積難償曾承君函催書覆詩未將刊詩今見贈欲報有何方容我疾痊後補詠步悠

揚君何赴新任束詩來又忙憶昔棊堂晏接盃勸舉觴也曾互賓主指同在縣政府飲晏社長備酌福永等為賓福永等

備酌社長為賓列席正與旁社長備晏福永等正席社長長榜席福永等備晏社長正席福永等榜席最愧君去時未親餞酒香茲勉成詩句藉

長為賓

訴送君腸低眉君菩薩匪怒目高暉樹雲各相思鴻便宜常常君莫私語曰三人則予

忘指王趙李三詩友說昔孟獻子有友五人嘗曰其三人則予忘之矣詩社傳溧凌贈答宛河梁一集續二集任人說低昂孫公繼君

任事半率舊章識字常務員我辭保體康濮任行政會議公推福永為農民識字運動會常務委員孫公到任福永因病辭職恐誤公要孫公懇挽留

辭呈批語極懇切挽留並婉囑調養云云即未便出疆福永會邀友人去錦充律師或俟病愈去長春膺律師職今春寓長春時曾與某友訂約但因我疾作服務怎護防疾

由動而靜急待醫聞望望聞問切醫道也懶出敞戶庭小作步廻翔羨君孤狂吟患我疾如狂從

此勤通候語短寄情長

前題

李兆澤

少小酷嗜詩那知古老蒼材趣渾莫解篇幅苦洋洋每為推敲事飽食常未遑選韻拜

長者求師尋門牆詩體貴溫柔吾俗性偏剛詩旨失忠厚詩理欠明昌幸叨先生誨素

願竟能償講解截與律諄諄法相將結社互唱和繩準仰南方擊鉢聲斷續行旌影飄

揚奉調速西遷束裝就道忙揖別齊爭餞紳商各捧觴愧我一步遲未及待路旁秋風

禾黍熟新酒稻梁香聊酌味澹泊澹泊見衷腸陽關喜雨霽免使淚盈眶此行赴綏中

水災更非常君本慈善家保赤念肯忘防河稱舟楫拯溺頌津梁料靚悽慘狀慷慨復

激昂再和留別詩腸枯勉就章知君抵樂土一路安且康同昌共綏邑俱是古邊疆急

應賑溺災緩仍慎邊防地隔數百里相助相守望鼠盜形胥潛鴻噉影不翔路遠詩情

近孤懷歌更狂時時錫韻束吟興祝春長

大凌河晚眺有感庚午夏

董天華

遠山呈眉黛斜陽刺眼明河水活活流胸襟爲開闕村樹盡蒼鬱野草各滋榮好鳥相
飛逐羣蝶趁人行由此見物意自適乃常情遙念荷戈士百萬中原橫死傷動萬計南
北禁時評有何叛與逆長此閱牆爭去年邊烽急赤騎若奔鯨舉國憤侵陵孰肯出一
兵坐令東北衆艱難獨支撐衛民保國事視同鴻毛輕權利及意氣不惜大犧牲哀哉
蚩蚩氓何以得安生

和大凌河晚眺有感元韻九月十三日

王鶴齡

釣台

明賀欽歸隱在大凌河濱有釣魚台時常垂釣卒鄉人爲之立祠曰釣魚台祠天啓初祀義州鄉賢祠

望不見鄉賢思有明河上嘗垂釣歸隱比袁

閔

字夏甫安會孫苦身修節范滂美而稱之曰隱不違親真不絕俗

近水遼城在城危草色榮樹村到眼中水流船行人物見

今古見景每生情萬佛元魏洞蒼茫河北橫元景疏刻石殘闕任人評南北誰主人頻
年作戰爭強有力蠶食積極類吞鯨小民遭塗炭天何不厭兵東北壁上觀大勢趨獨
撐舉國荷戈者疏通未敢輕究竟孰統一民命已犧牲君詩直史筆今世史狐生

五言絕共十五

明

題扇上釣魚圖

明進士戶科給事中賀欽

倚杖看閭山垂綸釣凌水山頭宿霧開水面清風起

乾隆四十八年盛京通志歷朝藝文二

自警

前人

戰兢防失足頃刻莫馳心勿謂人誰見當知帝汝臨為學不謹獨到底是空言猩猩與

鸚鵡孤負昊天恩全

清

題翠巖山寺石壁

前進士江南淮海兵備通趙廷熙

古利凌霄漢奇峰列翠屏此山真有骨携杖叩雲扃趙氏家藏

甲子元日

清舉人字仲溥許文惠

紅樓門綺羅黃閣叨金紫為問世間人能逢幾甲子

城中避亂辛酉十二首之二

前人

世亂怕居鄉賴有城堪寄城破身愈危更將何處避

其二

前人

怨聲滿山澤觸目更酸心舉世皆如此桃源何處尋

詠愁

前人

愁付有情人古今成定案烏得翦與刀連根皆斬斷

其二

前人

無故自生愁縈懷似繭抽心腸盛不住餘意上眉頭

對聯

前人

新聯復舊聯年華思疊疊仔細看分明關心防倒貼

春遊

戊辰陪都口占

前人

春意浩無涯春波渺無際莫待小橋傾始作抽身計

清明

前人

園內不開花門前不插柳春風披拂中故鄉幾翹首

踏青

逸人

前人

綠憶停橋畔青聰渡水坳何如曳雙屐一杖挂晴郊

其二

前人

不辨舊池塘春來總是芳綠萍盈水面何處可流觴

親嘗湯藥

前人

身爲天下尊藥物猶知格許叔不親嘗母得逃其責

買琴

前人

買琴不買譜妙趣法無弦挂壁餘岑寂還君故有天

五言律共二
十一

明

釣魚溪詩

明進士戶
科給事中賀欽

晚涼匹騎去垂釣城西隅蚯蚓費且盡魴鯉祇自知時或得其穉輕重不盈銖浩歌指

歸路得意豈在思見明嘉靖四十
四年命遼志

清

登醫巫閭山

清奉天
府丞張鼎彝

北鎮名山麓嵯峨錦水東遙分長白秀直并泰華雄日麗羣峰色松吟萬壑風從容勤

杖屐勝慨正無窮見乾隆元年盛京通志藝文
康熙二十三年撰

望醫巫閭山

世宗憲皇帝胤禎

翠黛滿雲封遙看北鎮雄壯觀侔五嶽峻秩比三公葱鬱興王氣扶搖廣莫風勒名維

祖烈瞻仰萬年同乾隆四十八年盛
京通志聖製七

偶成

字伯
光愛辛保

濃淡分朝野山居恰素緣
塞雲遙捧日冷署總依邊
白骨悲殘堠平沙絕暮煙
可憐清夜月一半在胡天

偶成

前人

地僻秋來早山高月上遲
花鮮嬌易退路遠力多疲
絃急音難合愁深態似癡
郊原迷路草春至又離離

由城中晚歸

前人

薄暮出城郭晴川帶夕暉
林疎鴉影露風靜雁聲微
雨過苔猶滑霜濃菜正肥
吾廬遙望處隱隱認柴扉

詠塔臺

處孟銳舟

浮圖矗高臺城闕眼底開
磚埋鋪地草月冷上階臺
獨鶴人何往孤鴻我又來
得閒聊

駐足大隱小蓬萊

李雨臣藏

過姜女祠口占

許文惠

一哭爭千古昭昭士節伸
始皇空築怨姜女尙存貞
身死綱常立祠荒俎豆新
留將片石在終古抗秦人

夷齊里和王質原韻

前人

抗節不從周清風萬古留弟兄甘一餓薇蕨足千秋故主真明聖興王總寇仇灤河遺
勝跡砥柱立中流

癸酉除夕

前人

堂上設芳樽筵開叙仲昆星辰千戶動絃管一街繁舉酒娛白髮歌詩課綠媛仙籌添
海屋壽祝萬年蒼

其二

前人

病久吟懷減今宵偶一論貪慵疏舊業耽睡却朝殮客至翻懸榻春來喜閉門世炎心
獨冷怪殺雪能溫

三槐

金門前老槐百餘年物也共有四
今存其三因以三槐名吾堂焉

金朝覲

昔聞王氏子當戶植三槐草木含靈氣兒孫列上台吾家先大父手澤毓嘉材此後花
黃候長安孰往來

民國

和馬適齋原韻

優附生富錦縣
知事字穎皆薛翹如

捧檄來方郡

時任方正
縣知事

家庭有老親米湏微祿奉民在及時新田力當三月兵爭又一春

閒愁那可說且與款嘉賓

其二

前人

邊郡迎初夏天猶縱薄寒峯青新過雨江迴靜無瀾蔓草根除易

時越境勦匪多所斬獲

哀鴻命造

難感時應有淚不忍向人彈

其三

前人

簾幕影沉沉衙齋鎮月陰添燈談夜雨夕客損春心餘澤沾猶潤輕寒任不禁多君風
義重感激與江深

其四

前人

絕塞逢三月風光別有天寒飛紅杏雨影斷綠楊煙連雨見雪無煙敖骨憑人盡藏分得地偏臨

政頻握手一賦一潛然

贈薛穎皆

馬適齋

升載離家久而於僮僕親薄遊松渚靜又見柳條新我喜談心格民歌有脚春周行應
指示媿作鹿鳴賓

其二

前人

裊裊柳枝嫩搖搖燈燄寒感時多涕淚縱筆志波瀾不覺春光換須知來日難賞音寧
易得欲取古今彈

其三

前人

風雅慨銷沉誰歎客惜陰後凋松柏性不死卷施心騏驥終先得蜻蜒夙曷禁修名須自立懷古一何深

其四

前人

江南三月暮已是落花天此地猶飛雪橫江若鎖煙城荒開化晚山僻得寒偏祇恐妨農事傷時一悵然

興京道上

字隱如北京民國大學法學士趙仲珊

興京走石路一步一顛傾泉浚溪流急山高野火明孤松青蔚出嫩柳綠叢生鑿井耕田者熙熙樂太平

五言排律共八

清

千秋臺舊句

壬午王仲

鄙南傳舊堙云是漢王臺此日雜樵牧當年位棘槐滹沱水結度宣室燄飛灰置腹推心主攀鱗附翼杯三千儀復見四七運重開陸澤縈衣帶行□列□提龍蟠雄趙郡虎拜動班雷白水今何在涕流去不回旌霓惟斷梗碑碣半荒苔灌木西風裏千秋土一

堆王氏家藏

觀劇

字伯光愛辛保

莫論古英雄興衰不勝計轉瞬近今人亦是後來戲欲得好書法去就早留意一旦心
不堅難免千秋議美者愈褒揚醜者難吐氣人無百歲人事有百年事何如心放平免
却衆口詈松柏四時青花草幾朝碧堯舜並禹湯傳來止圖籍河山總巍巍空把姓名
易漫道演劇場蜃樓似海市試看世間情那有真名利酌酒與長歌風月多殊趣消除
世上愁不費平生力富貴雖不倖無損亦無益

徙居

清舉人
字仲溥許文惠

結廬偏對壁得便即開門開門取順適對壁謝塵喧烏以宅舍故易我命之原因亨天
已定人事未可援任使終身厄不信堪輿言

榆錢

前人

老榆太無知遍樹開泉府韶景駐三春薰心爲大賈十萬不滿意搬運力誠奴積聚如
岡陵傳神在阿堵大千爲世界錦繡爲堂廡註意傲群芳驕橫誰敢侮不能濟蒼生不
能爲霖雨封殖日益深富貴何足數黃金北斗齊自命堪千古人或羨其華我謂徒自
苦一朝勢零落委地皆如土疾雨跳似珠驚風狂似虎繁華轉瞬間聚歛終無補散布

滿長街空作天涯舞吁嗟此榆錢造物有所取極盛即當衰用以戒愚瞽

遣興

前人

青蒼是何物搔首叩穹窿日往月復來回環無始終星辰安所屬點染亦彌工夏暑冬
寒令主持孰與同春秋合爲序運化太空空忽逢晴與霽又生雨與風開明兼闇暗類
此殊難窮一詰一不應如癡復如聾古今人是客皆在夢夢中何妨通數語自我闢鴻
濛

夜走燕京菜市口觀孟蘭盆

釋典孟蘭猶華言
救到懸也盆器也

前人

賢愚同盡日到此判媿妍愚者無顧忌罪名由是宣賢者有定見大節何其堅由來稱
此地諷咒尙年年法鼓喧昏月金鏡嚮暮煙紙錢已白練燈火撒紅蓮吾儒有定論無
黨亦無偏或以舟盡載或由青簡傳烈士行大義忠魂照九天奸雄遭橫戮惡血污重
泉生死從其類無非適自然黎徒本無識超度何愚焉

處境

前人

辱身富與貴銅臭氣難刪堂榿作幽囚爲命亦太慳貧賤又躋跼動履誠維艱下氣求
人顧未免兒女顏生人有樂境不貧不富間無所施吾傲亦不受人援脩然見真性進
退何閒閒

野菊

限香字九
日課作

前人

記得籬邊菊曾留老圃香如何陶令種開向野畦旁寄傲標風格為鄰只月光影原同
我瘦冷不對人芳地任霜華白花憑菜譜黃一叢隨草茁三徑合榛荒天意憐逾甚秋
心淡不妨欣同堯茨近永荷聖恩長

試帖詩

共四

清

嶺南貢生荔支

待香字五
言八韻

字允升翰
林院檢討

王猷

博得傾城笑南州貢使忙楊妃金屋寵荔子水晶香霧瘴二千里風流十八娘五家甘
姊妹一騎謝君王玉液紅包繒瑠盤絳擁囊雲腹分紫翠星夜走蒼黃犀齒嬌羞病蛾
眉淺淡妝湛恩瀛海被蠲免拜龍章

王氏家藏並見增
廣玉芙蓉詩集

張九齡千秋鏡

得味字五
言八韻

前人

以古堪為鑑良臣具大猷鑄時經百代照處迥千秋就日還相映披雲乍欲浮明能昭
負辰光不障垂旒內朗三霄徹心虛萬象收窮簷情歷歷納陸影悠悠高燭金莖上長
臨玉殿頭用心真若鏡咸被至人庥

王氏家藏並見增
廣玉芙蓉詩集

凡百敬爾位

得賢字五
言八韻

字子和翰
林院檢討

李鶴年

自古明良慶端由百爾賢位期欽汝止敬可輔台先守己思占良同寅志惕乾度貞資
勵翼官建重仔肩宅揆巖風傲釐工曷日宣鼎銘三命後枕警五更前素節冰淵凜丹
心夙夜虔懷須飢渴副喜起頌堯天

李氏家藏並見道光二十五年乙巳恩科會試硃卷

石上泉聲帶雨秋

得秋字五言八韻

字六濃翰林院庶吉士 馬芳田

石上寒泉繞聲來與耳謀昨宵曾帶雨佳境恰當秋清響巖腰答餘痕谷口留塵飛紅
不礙苔染翠還留曲峽奔逾急陰崖聽未休玲瓏懸峭壁蕭瑟浸孤舟漱玉危屏聳敲

金好句酬谿林呈畫稿吟賞徧皇州

馬氏家藏並同治丁卯科鄉試硃卷光緒十二年丙戌科

七言古

共九

金

醫巫閭山

蔡珪

幽州鎮山高且雄倚天萬仞蟠天東祖龍驅之不肯去至今鞭血餘殷紅崩崖暗谷森
雲樹蕭寺門橫入山路誰道營邱筆有神只得峰巒兩三處我方萬里來天涯陂陀繚
繞間風沙直教眼界增明秀好是嵐光日夕佳封龍山邊生處樂此山之間亦不惡他

年南北兩生涯不妨世有揚州鶴

乾隆四十八年盛京通志歷朝藝文二按蔡珪中進士第于金世宗大定間官翰林修撰吳國公蔡松年之子宋宣和末燕山守蔡靖之孫

清

七里河早發至錦州

義州李文森

晨雞喔喔初一啼十三夜月猶橫西千村萬落不知曉
七里河邊動馬蹄馬蹄踏慣河

邊路一月此間數來去行行漸覺殘夢醒滿郭朝煙指歸處

見錦縣志藝文

觀花有感

字伯光愛辛保

只識花殘色不好不知人被花催老花愈逢春色愈嬌人愈逢春數愈少
萬古英雄書

幾篇千秋富貴花常保三十六劫花全避無數髑髏眠野草無憂無慮
總是花回頭滿

枝青未了

民國

河漲篇有序

濮良至

余奉命調任綏中行有日矣忽於八月三日風雨交加晝夜不止大凌河水暴漲冲毀堤壩勢將入城全城官紳商民合力防護得保無虞然日視沿岸田廬浸沒殆盡雖城內幸免於難而牆倒屋塌者亦十居七八愴然於懷因感賦此篇以自勗云

大凌河源邊外邊奔流義境入平川萬佛岩碑當不住波浪如箭城為穿城垣一隅缺

西北官家防水如防賊去年橫流破長隄十萬金錢救不得我來作宰愧撫衷空談神

禹疏鑿功時艱款巨愁民力婦巧炊難遲春工三壩初成基雖固一簣猶虧亦天數排

山倒海潮頭來人與蛟龍爭道路是時暴雨兩晝霄風伯助虐河伯驕怒濤冲毀鼉神

廟挾將附郭田廬漂所幸老弱先遷避軍民協守防線地鎖鑰北門敢自疏綢繆沙土

千囊備水未灌城城有靈城根尺寸皆藩屏始信衆志成城語化險爲夷在無形嗟民

何辜遭此阨奉職無狀余薄德電文火速去告災閩山留別增愧色

庚午閏六月

和河潮篇元韻

八月二十一日

王鶴齡

凌河水猛漲無邊義界河流此大川漫道有遼留浚法石隄沒孔水偏穿怒濤南擁不

復北水破危城水亦賊北門安泰敢言安從此勢將保不得賢侯煞費苦深衷三壩雖

成竟罔功天降流災脫難過人工只合聽天工休說磚城隅最固西北蕩然莫非數爭

城以流爭地行水強假城作去路況當大雨晝復霄浪逐波奔氣勢驕試問此番災輕

重沿河近處田舍漂白旗堡屯更難避房倒泥淤沙淤地人口冲沒百有餘水來不意

不及備河舊名靈竟不靈吞毀城隄孰爲屏使君臨行留囑語多方善後勉勞形清細

河亦成災阨都應當施救濟德滿擬學公籌賑法

公曾充東北籌賑會事務所救濟部主任委員故云

怎奈恩恩公行色

前題

趙福永

西北城邊作河邊在城園舍險在川大凌河水冲射猛一角城隅直爲穿溯遼築城河

繞北預防橫流每殘賊壘隄

遼史地理志宜州凌河壘石爲隄

計逾八百年一石無存難再得當年防水費

苦衷讀史空懷凌河功也許幾番經疏導又誰神禹代天工歷金元明城尙固清末河

決亦氣數

清光緒十三年七月淫雨七晝夜凌河漲溢冲毀西北隅城牆約數丈許

知州陳砌青石條栽樹成林迎水路

光緒十四年陳築昌知州因武生郭永清稟請

於西北角砌青石條用木
椿穿以防水又栽蒼干樹

民國又常雨連宵

民國六年連雨數日大凌河暴漲嗣常因雨漲河沖城內地基

裴公轉慮河勢驕籌款修隄

修三壩

民國十四年裴知事煥星創立河工會籌款修隄壩

遞及趙任

裴去齊來遞及趙興德蒞任

壩幾漂

民國十八年六月河水大漲隄破壩幾被水漂毀

河工立案難

趨避我公繼任來斯地力續前功補壩隄五萬銀洋接籌備

趙任請立案籌定銀洋五萬圓民市各房捐攤三萬商一萬農一萬趙去濮公

接辦

防水壩隄竟不靈城角盡蕩孰為屏風雨交加河水漲天災無形此有形聞六股河

更加阨綏中民待公布德公去臨民何幸民樂公賑皆喜色

前題

李兆澤

大凌河水護三邊我義朔方古名川昔時為鎮今為虐無端汎濫逼城穿已陷城隅沒

西北官紳防河甚防賊防不勝防水撼隄欲罷防工罷不得我公對此費清衷議治水

壩効禹功民力艱難款匪易雖至炎夏不停工共道者番防許固孰料天殃有定數陰

陰漠漠水連天雨助洪濤尋去路況又傾盆宵復宵商羊亂舞蛟龍驕田園附郭竟冲

毀橋梁林木俱為漂斯時老幼何處避至死不離方寸地倏然煙水波浪消傲倖無備

勝有備想是邑侯善通靈仁誠相感作維屏不然似此千尺水摩頂之災脫無形吁嗟

吾鄉遭斯阨隱在人民素薄德使君若早赴綏中未必今朝開霽色

三邊雨水為災率成十五韻

時客義縣軍次

董天華

歲在庚午閏月晦三邊大雨天地昧四民望雨時無雨不望雨時偏雨墜連絲晝夜肆

淫液數日雨意猶未遂山洪暴發河水汎大凌河波濤洶涌堤防潰田廬牲畜盡漂沒人

亦倉皇無處避淹沒人民二百餘口鐵軌冲翻橋梁毀交通斷絕更爲累輸運維艱來源竭日用百

物均高貴載道流亡已無依似此活計將何備無限浩浩河中水不盡盈盈眼底淚五

十年來所未有豈知一旦災異被方當河獄起風雲嶺表相繼亂烽燧舉國驚惶苦滋

蔓差幸遼東安樂地乃今所禍亦若是其與兵災又奚異造化不測果胡爲必使牽連

都罹害仰首蒼穹欲問諸對此茫茫百端會

和三邊雨水爲災率成十五韻九月十五日王鶴齡

君與戎韜我養晦羨君精明愧我昧詩是蘿石明董璽字蘿石海寧人以能詩聞字香光明董其昌號香光以書畫知名長歌君

詠大雨墜人望雨時天不雨雨甚人心將何遂沿河近處水災重房倒屋塌田園潰慈

善會倡捐賑糧地方有責誰肯避地方慈善商合作賑災立會救民累四百石糧民政

撥電濟災民民爲貴邑侯孫公恤民災親勘災區預爲備未經放賑撮災影民欣放賑

眼禁淚近百年來無此災天災流行無私被綏盤原較我邑重我邑况未遭烽燧多賴

義橋有感召災民還居樂土地方今秋成大有望視彼綏中年景異若統全境論災情

大災究未成大害君客我鄉詩寄慨拜答君情藉詩會

金

閩山

金進士翰林修撰同知制誥

蔡珪

西風絕境撫孤松千里川原四望通但怪林梢看鳥背不知身到碧雲中

乾隆四十八年盛京通志歷朝藝文

二

過東坡坎

金代義州人少有詩聲

田永錫

富貴一場春夜夢文章萬斛冷云泉英魂返卻眉山秀依舊春風草木天

興定末試南京擢第遭亂南遊江淮

間卒詳乾隆四十八年盛京通志

明

寄大尹邵文明

明進士戶科給事中

賀欽

長官辭縣賦歸來獨愛幽花手自栽何日一樽同笑傲東籬飽看帶霜開

乾隆四十八年盛京通志歷朝藝文二

題萬佛堂壁

前人

峭壁鑿成萬佛分招提開創幾千春行童不識尋幽客誤作參禪問法人

明嘉靖四十四年全遼志

其二

前人

雲端石洞可棲身水遶山圍賸得春傳語高僧休厭客西林曾寓著書人

明嘉靖四十四年全遼志

題女兒河

明鄉進士賀欽之子

賀士諮

一灣流水遶山阿更涉行人歲月多配偶未成天地老至今猶喚女兒河

明嘉靖四十四年全遼志

過直隸武清河西務

明正德丙子舉人直隸河間府通判

王懋德

霜滿平隄柳漸凋月移帆影過東橋臥听柔櫓鳴秋水絕勝鄰雞報早朝

武青縣志藝文

清

次林公海棠五絕原韻

清舉人直隸正定府同知知府升銜

王仲

幾樹繁紅催賦詩海棠一夢曉妝遲憐花不減東坡興腸斷燕南二月枝嬌柔無力對

春風帶雨含煙點翠紅誰道名花偏蜀地天開錦幄小墻東一種芳菲別有春如君氣

味自相親天姿不待金盤貯縱使無香亦可人滿塢奇葩遶畫樓詩人何事動離愁花

仙更得新知已麗句清詞壓陸游日暖風輕早落梅碧紗翠袖近人開東君有意留君

住好待蟾宮折桂回

王氏家藏

道光甲辰春三月將告歸留別同寅及署中諸友

清進士江南淮海兵備道

趙廷熙

皇路馳驅證夙緣

余通籍留京後得簽語有馳驅皇路大江濱之句

大江南北十三年書生面目依然在迴首清班一

惘然

京江邦上更淮徐鹽法河渠媿裕如祇有家風琴鶴在歸裝滿載一船書

從來仕止要分明公是公非有定評此日驪駒三唱後同袍多少別離情

維繫依依勸駕頻

予切乞病芸閣河帥與假一月展假一月又遣官敦勸

歸心已定漫逡巡倘教孀婦重施粉笑殺西山

挂笏人

釣遊邱壑喜重尋難挽羲之哲墓心記得兒時親上冢種來松柏總成陰

老病纏綿不可留此心猶自戀同舟他年倘若為馮婦未識諸君笑我不

燈紅酒綠話纏綿勝侶招携翰墨緣解到相思千里共定知人與月俱圓

手摘桃李徧江干鼓到瑤琴識曲難何日論文重命酒小窗燈火話清寒

尊鱸江上興悠哉野鷺閑鷗莫浪猜怪底遼東丁令鶴千年華表始歸來

歸來三徑快欣奔慙愧涓埃未報恩自寫行藏書作譜好將清白教兒孫

趙氏家藏清道光二十四年甲辰三

月並見錦縣志藝文

東閣官梅十詠

清進士四川崇慶州知州金朝觀

一度春風一度開安排東閣號官梅山中高士知多少臥雪眠雲望不來

竹樹陰陰幕四郊新晴剛見遠山坳東皇消息官衙早幾點新紅出碧梢

嶺上新枝好護持春風隔歲滿花期恨他開在黃花後只為爭先轉覺遲

清絕梅花不厭貧因何呼作在官身當時競盛開東閣負却深山富貴春

繁華滿樹着春容老幹杈枒欲化龍莫道落花情意索攤書猶藉綠陰濃

楊花飄泊李花香事隔隋唐已杳茫留得梅花東閣在清芬猶近浣花堂
花封繡錯此分符閣外春深喚鷓鴣只恐梅花來問我庭前可有落花無

花間小集綠初團風致嫣然春未闌座客莫談天寶事美人零落易心酸

沉沉官鼓放朝衙催報新枝第幾花可是公堂高萬里不曾春色到鄰家

風流韻事說揚州如此梅花幾世修想見少陵題詠處草堂東閣各千秋

見四川崇慶州志藝文

居官有感

字鶴田義州城守尉北京人

豐年

百年那得百年歡世事還須味暖寒果欲抽身孽海出良方第一莫爲官

三年無過守同昌敢謂除奸保善良長嘯一聲吾去也山川醉臥釣斜陽

柳佛日記

題自畫尋梅詩

前人

塵埃不與世情親百歲曾無百歲人聖代即今多雨露梅花開過幾千春

爲鄉友耿心齋求書即此口占以贈之

清舉人黎永贊

盤中積墨可二斗高麗□繭欠蠶紋興來揮洒意不盡欲上青天寫白雲

十三山

清進士義州知州

李文森

閩陽驛外十三山拳石參差競瘦顏終古不堪依北鎮自成兀傲寄人間

見民國九年錦縣志藝文

詠梅

清拔貢大城縣知事楊師程

月轉空山風轉阿一枝香綻便春和等閒莫入繁華眼老幹花原不在多全上

題萬佛堂詩

清貢生清史館編輯袁金鎧

萬佛堂高凌水深雲山廻護到於今煌煌元景洵奇寶播得光芒照藝林萬佛堂古寺

別有韓貞片石殘鑿空置牖半形剝世人誰解相珍重爨下焦桐賞識難全上

觀世有感

字子瑞清拔貢世居義州南關李芝齡

山路崎嶇久不行蓬蓬茅草任縱橫斧柯若得一朝假斬盡當途棘與荊李氏家藏

月餅

戴松齋紅土地人

分明天上玉盤光化作人間品味良更有一般堪羨處桂花嚼碎口生香

落花

字伯光愛辛保

灌溉栽培九十春嬌紅嫩綠滿園新今遭淪落風塵劫不願重逢舊主人

其二

前人

不受炎涼不受霜三春工課門芬芳昨朝入夏隨風去為別朱樓再過墻

其三

前人

爛熳三春花燦錦百般嬌豔盡盈眸園中鎖日無人迹知是紅顏已墜樓

其四

前人

開時隨雨落隨風流水泥金處處紅到此方知虛富貴可憐青帝一春功

寄雅峯

前人

畫眉深淺總逡巡愁煞深閨夢醒人風力一帆應早渡莫教苦海久迷津

雁字

前人

點畫淋漓率意塗驚風驟雨辨模糊披星戴月成何事南北春風總不誣

邊上春日偶成

前人

寒暑雖然有往還胡天畢境夙緣慳東君也厭臨邊塞多少春風不出關

遊閭山

前人

醫巫徧歷興尤豪不畏崎嶇不憚勞鎮日盡思凌絕頂此山總沒彼山高

秦始皇

前人

意自焚書治己安兒孫無一保完全平生只覓長生藥不管朝臣箇箇奸

前齋

前人

狂瀾誰管滿前汀門館何妨肅肅扃庭草若教隨意綠疎簾難免進來青

苦雨贈雲

前人

廉纖彌月久徘徊惟苦濃雲久不開何幸暫停仙島外願無塵世作霖來

惜春

前人

羣芳百卉一時新不負韶華有幾人若把光陰輕放過再來還是隔年春

劉阮還家

前人

可憐劉阮結仙盟正翼金丹九轉成豈是無心天上客紅塵一念誤先生

龍寺清溪

前人

龍神依水得藏形水有龍神亦自靈堪羨桃花流出澗漁舟從未到前汀

戍樓夜月

前人

野草荒煙滿戍樓何堪回首憶從頭牙幢日捲雲千里深夜空懸月一鉤

烽台人立

前人

百尺烽台近鬼燐巍巍深夜總疑人荒邱多少英雄骨山自青青草自春

絕壑雲停

前人

托足峯灣更水灣無心飛颺到人間想因未許爲霖雨絕壑車停不出門

柳邊棲鴉

前人

絕塞鶯花自古稀春風盡處有烏啼邊塵久已無驚恐任爾羣鴉柳上棲

晚山歸牧

前人

生平簞篋久相親日日歸來趁夕曛莫羨世間名利客無憂誰似牧牛人

廟列南北

前人

廟貌巍巍列北南威靈齊佑此雄邊神仙也負封疆任何日瓜期卸仔肩

市集胡漢

前人

胡女番婆入市來肩摩轂擊總無猜蛾眉餅啗長街晚雙足皴鞞負酒回

聞蟲

前人

涼風冷露久淒清莫誤匆匆夜過兵霜鬢漫嫌蟲唧唧但能忍受也無聲

西施

前人

當年曾記浣溪濱未必居心太不仁不是吳王仇越國焉知妾尙屬何人

老女

前人

近日胭脂不敢塗只因霜雪上頭顱紅顏本重原來色粉飾誰知轉不如

秋燕

前人

剛把香巢穩畫梁那知時勢變無常携雛不作歸山計肅肅湏臾九月霜

寒蟲

前人

商飈又送世間寒萬物居然一律殘使爾終宵聲不息喚回風氣也應難

其二

寒蟲何故總無知不識炎涼序轉移風氣已經全改變憐君終是罔傷時

前人

古硯

古硯生平近墨朱何妨污穢滿廉隅總教受盡研磨苦要染中心一點無

前人

古琴

瑤琴可惜久蒙塵罕遇知音箇裏人只爲韻高難合調焉能博得世間親

前人

古鏡

善惡何由得自知但憑古鏡可爲師休嫌緘默逢人面直指疵瑕更有誰

前人

無鬚叟

無鬚直似兩形兼一過中年甚可嫌宦寺偶同街上立那知君是未曾闍

前人

其二

宵衣旰食正驅馳偶對菱花轉自悲心口縱教不服老風姿迥異少年時

前人

其三

正飲醇醪酒半酣秦皇漢武且休談縱教歲月無停滯心口今生老不甘

前人

其四

前人

時命依然是有無東隅已逝又桑榆人生空有凌雲志難以鬚眉作丈夫

其五

前人

那有人嫌壽數高無鬚何必重牢騷美髯不過旁觀好與已何能益半毫

其六

前人

晚景鬚長僅壯觀鬢髯也未免闌珊無髭縱使無他益詩興吟來拈斷難

其七

前人

關公誰更美髯呼更有詩家蘇大鬚若似蝟毛徒擾啄看來何若一莖無

春雨

前人

膏澤於今又不聞風塵何忍日紛紜過時豈是甘霖意萬物含春盡賴君

其二

前人

何術能施滿地金除非用汝去爲霖昨宵已荷如膏雨知否常存濟衆心

咏本邨蘭若

字子延
優附生李魁麟

閒開古殿拜關侯颯颯松風動冕旒從此願爲公弟子瓣香佛座讀春秋

其二

前人

短垣西畔老僧墳有客尋幽踏蘇紋殘碣荒碑都閱遍綠陰閒坐看春雲

問寺中芍藥

前人

宰相頭銜冠衆芳曾陪魏紫與姚黃何年移向空門裏不伴花王伴法王

野館即事

前人

神仙何必住樓臺野館閒居亦快哉花落花開都不管任他門外燕飛來

韓淮陰

前人

漂母昔曾活漢臣旋遭呂后計亡身淮陰枉自稱名將生死權操兩婦人

張留侯

前人

博浪沙前勇莫當一椎不中誤忠良當時若早誅秦政未必還來保漢王

詠張凌趙鼎

前人

竟把奸邪薦廟堂名臣眼力亦平常和戎罪縱歸秦檜首禍還推趙與張

題畫

前人

茅茅隱隱綠陰環半爲聽泉半看山莫怪野人多僻性入雲深處即仙寰

題銅佛

前人

移得曇雲几案間瓣香狂拜學癡頑梵宮若與蟾宮近丹桂花間許一攀

戊子夏寄居本城財神廟後殿有小

銅佛數尊因移其一於讀書小几以供俸養

古寺

前人

西風幾陣送歸鴉
禾黍蕭蕭一徑斜
古寺秋深僧未返
野墻開遍蒺藜花

遣興

前人

乾坤莽莽竟如何
匝地漫天盡網羅
世事浮沉無足問
與君酌酒且高歌

小桃紅

前人

尋春無路計將窮
春在儂家院宇中
柳未垂絲梅已落
小桃花放笑東風

中秋吟己巳

前人

中秋景色倍堪珍
終古常明是月輪
愿把浮雲全洗盡
清光照遍萬方人

月當頭己巳

前人

邀來清影落金甌
皎皎天心鑒九州
頂上圓光空色相
一輪高出萬人頭

過山海關

前人

高關險峻界遼東
跨海依山萬古雄
莫謂始皇無善政
至今猶賴創修功

七夕

前人

屏開月帳漏聲遲
一會休傷古別離
知否世間爲客者
幾人翹首羨佳期

其二

前人

銀漢迢迢隔夙緣莫言乞巧向神仙渡河尙借人間鳥巧在人間不在天

元宵

癸酉

前人

星稀雲靜月盈眸每屆元宵不倦遊簫管漫天音莫辨春聲齊下鳳凰樓

燕京閒詠

前人

樓台碧瓦炫玲瓏天上風光迥不同到此猛然開悟境已知身在五雲中

燕郊道上即景

前人

綠水青山抹素秋柳枝低拂釣漁舟誰將一幅雲林畫挂在斜陽古渡頭

秋深

癸酉九月二十一日

前人

小閣黃花香漸退雙扉乍啟尤增恨西風瀝瀝不知秋葉落後園深一寸

過聖清宮贈道者

字東麟繆潤紱

客來渾不解周旋黯對長松坐暮煙已作塚中枯骨看丹成真有幾人僊

讀易

字星垣滿洲正白旗生員

白恩魁

科學昌明徂西東吾人還得振儒風可由寡過思無過讀易功夫莫放鬆

題趙蘭友畫竹

道光甲申端午日

萊山許朝光

蕭蕭數畝竹陰寒絕勝淇園植萬竿應似幽棲童子寺窗前日日報平安

其二

直節從來干氣象虛懷自可證心胸昨宵風雨隨時發驚起千尋老籜龍

前人

題趙蘭友畫竹甲申春日

四梅潘煥龍

誰繼蕭郎擅作家一株端正一株斜嫩枝倚傍皆瀟灑投地他年未較差

題趙蘭友畫竹

蓮航易鏡清

此君聯友最虛心氣味脩然豁道襟好是良宵風露定高吟忽作鳳鸞音

度牽馬嶺

吳國瑞

崇山峻嶺鎮邊疆塞草經霜一片黃恰好驅車登絕頂權將今日作重陽

閩山

前人

莫謂吾鄉無勝境名山自古鎮幽州何時携我同心友來此持螯作壯遊

南鎮議會成立因有感而作

洪贊廷

誰言八股出身輕千古英雄半老生平地風潮俄激起受來影響令人驚

其二

前人

寄人籬下不平鳴一旦鵬飛快此生堪幸英雄入吾彀何憂憲政阻前程

其三

前人

南區幸福本天成當選能員冠衆英奉勸諸君莫分黨大家名譽鐵錚錚
送宦遊兄南行

吳國瑞

趨時容易待時難無事謀官無棄官富貴在天求在我願兄隨遇以爲安

問菊

耿慶泉

枝枝葉葉費栽培爭奈侵霜雨又摧賸有灌花人一個可能和淚再澆來

其二

□人

名花雖好總宜春一到秋來慘殺人冷雨淒風太相逼欄干十二不容身

感友寫懷

字右臣
優附生吳廷弼

仙風吹上北邙山十載交情罷往還每到思君一洒淚令人常作女兒顏

其二

再通一語已無緣欲把交情問九泉八股文章成底事奪人壽算促人年

吳序曰予與孟錦軒莫逆交也士林無不知曉錦軒於去歲十二月物故予得聞之

下爲之一慟今春上館與伊屯相近每一念及輒抑鬱不解然亦不加思索惟昨夜

月色當窗有懷不寐因思錦軒在時視予如兄其一種儒雅風流雖一談一笑與予

曾無少逆似此情誼相投恐不能有第二人矣予爲之流汨染枕感而寫懷至於詩

之工拙非所計也

民國

贈馬適齋

字類薛翹如

憶從變政別神京海上春榮久輟聲今日偶同詞客會便教詩興動方城

步馬適齋原韻

前人

年來蠻地紛爭遍戀世服官是此鄉盡有編氓安井鑿不須被髮學佯狂

又步原韻

前人

傾蓋論交見性真髻公才調信絕倫

馬多髯故云

裁雲鏤月詩千首起鳳騰蛟字滿分

又步原韻

前人

將離花發照賓筵奉和新詩總黯然車轄擬投闌井外驪駒更繫暮雲天

和王館長賀欽鈞魚台原韻

宿文奎

借問釣台誰與留先賢遯迹費尋求夕陽芳草城頭望只有凌川山下流

馬適齋原韻

馬適齋

從來四海皆兄弟廿載雞林恍故鄉舊雨新知同一笑坦懷我欲發清狂

其二

多情到處傲華筵書興詩心倍躍然可惜春寒風雨裏連翻雲度杏花天

其三

送別依依情話真桃花潭水勝汪倫人生何處不相見珍重昂藏七尺身

馬係江蘇松江人庚子辛丑併科舉

人久候補吉林年五十餘歲詩本不工文亦少研究見其手批公牘字有根底而性頗自喜誠哉其為南人也

奉和李俊長科長假歸留別二首原韻

字子賢王及時

白雲遙望速歸航欲別離亭轉徬徨無限煙波無限恨知君家國兩難忘
木落菊殘君去時一般蕭瑟使人悲那堪留贈殷勤意未唱陽關淚已絲

前題兩疊原韻

字小邨金景芳

秋風滄海客南航解纜回頭意徬徨鄂渚白雲凌渚樹離懷鄉思兩難忘
天際孤帆欲盡時離亭悵望不勝悲歸來幾度江南夢夜雨茶煙漫散絲
清風明月伴孤航海客南歸意徬徨旅雁漸稀秋塞遠遼天雲水幾時忘
浪打船頭風起時蘆亭瑟瑟動秋悲行人望斷天涯樹遼楚情牽一縷絲

咏曹操墓

見趙仲珊

疑塚尙存土一坏分香賣履各荒邱三分霸業今安在兩字奸雄萬古留

詠山東難民

二首

前人

登萊飢饉歲頻臻奔走長途盡難民最是可憐小兒女甫離襁褓任風塵

走過山涯復水涯丁男子婦各咨嗟兒童不識流離苦行向溪頭捉柳花

時當初夏柳花正飛

七言律

共九十八

遼

玉石觀音像唱和詩

像及唱和詩石刻存朝陽縣天慶寺係遼壽隆五年沙門智公首唱詩二章和者二十四人

遼宣州崇義軍節度使

韓資讓

貞珉未用似湮埋選造觀音衆快哉募匠俄鑄大士相成形不自凡夫胎琳琅光彩院
中滿冰雪威儀天上來珍重吾師能鑒物從今免屈非常材

承德府志卷五十三藝文錄有二十六首謂語多未工因遼詩傳流絕少取備一代
篇章本志又因韓資讓爲宣州崇義節度故擇錄之

元

過梁侯瑩

金進士字元老薊州玉田人諡文肅

王寂

九仞終虧一簣功想知銜憤泣幽宮死生怒臂屈伸項得失奕碁翻覆中只有松杉全
晚節不隨桃李嫁春風門生故吏知多少誰致生芻奠此翁

再過坎下

前人

毀譽譏謔息蓋棺百年春夢大槐安功名倒挽九牛尾富貴真成一鼠肝故國鶯花人

事改空山風雨夜台寒平生我亦心如鐵醉眼西州淚不乾

元大德二年自東營來廣寧道出牽馬嶺嶺西去路幾半里松陰鬱然桃李間發
問之云利器梁侯之先塋也其櫬尙附淺土遂命酒哭奠而去公初待我以國士
雖晚意少疎而恩禮未易忘也

明

讀書

前見賀 欽

清晨起坐小茅堂萬事無關一柱香展卷細觀前聖奧馳名敢學世人狂也知老病年

光促爭奈詩書意味長但願桑榆粗有得肯隨流俗歎斜陽

乾隆四十八年盛京
通志歷朝藝文二

和瀋陽守愚邱先生韻

前人

聲利沉疴幸已瘳烟霞痼疾豈須憂非關遜世矜高節自是匡時乏遠猷鎖園兩年空
竊祿雲山十載免包羞管寧本是遼東客不願重過五鳳樓全上

其二

前人

白雲堆裏得安息名利無干遠世塵靜把簡編窺往哲每將菽水奉慈親江山秀麗詩
懷壯窗戶清幽琴調新幸有此般閒快樂任他人醉五陵春全上

古澄丁聲遠來訪賦一律見遺因和

前人

大學陳東天下知抗章不怕忤當時折腰彭澤成何事回首閩山有所思軒外孤松全
晚節宅邊五柳散春絲歸來還是忘機客傳語沙鷗莫浪疑全上

清

步林公訪千秋臺登奎閣原韻

見前王仲

鄙城遺籍久荒蕪喜得神君此擁符簡策有靈憑甲乙搜羅寡識愧之無鴻文共迓來

甌閩彩筆爭看壯版圖謀野郊南閒眺望錦囊滿志幾躊躇

王氏家藏

漢台每擬仰光儀選聖爭言此地宜欲藉登臨酬令節却從憑弔感襟期當年白水扶

炎主此日涕干雜豎兒惆悵升沉緣底事徘徊疑對峴山碑

王氏家藏

凌空天駟下天閑百尺樓頭誰共攀仙侶由來多逸興塵寰可許仰朱顏文峯亭立當

奎壁秋水分流映斗山遙想抒詞探領下恍如合浦得珠還全上

憑高勝槩自堂皇簪筆抽思入渺茫暫爾文旌光僻壤行看華國佐當陽贈君愧乏兼

金壽錫我欣承織錦章會待野醅新漉後一爲風火發詩腸全上

詠紅葉

金朝覲

感懷聊作慰懷詩况復秋光入夢思種樹那能逢火濟看山從未到焉支赤城霞起仙

居遠紫塞雲深雁度遲記得年年芳草綠王孫何日是歸期

民國九年錦縣志藝文

牆陰老綠漸婆娑
瑟瑟西風動遠柯
紅杏醉醒芳草地
絳霞烘出洞庭坡
珊瑚成樹終能朽
錦字題箋竟不磨
莫道昨宵霜意重
杜鵑啼血五更多

全上

和錦州文方伯式岳見贈原韻

見前李文森

凌煙高閣紀勳名
湘楚頻年未見兵
萬里轉輸無匱竭
四鄰烽火藉承平
觀風自慍民為監
率屬深防意似城
辛苦天南諸父老
多時禱祀望先生

全上

名世承家起象賢
遼陽鶴馭竟成仙
松楸再見周京後
鐘鼎猶當洛社先
直易墓廬為

報國

時先生章太翁濟堂先生靈輿歸葬故里百日務將起復入覲空談畫錦正籌邊
聖朝枚卜精求治
定有絲綸降自天

全上

毛遂無因得處囊
十年只為簿書忙

咸豐三年與先生見於京邸今年矣

駑駘漸老心難壯
麟鳳重瞻氣自

祥肯屈尊賢為晉接
渾忘時世有炎涼
一吟佳句一慙愧
大道空懷誘掖方

全上

聞劉松雲大令杞宰錦縣有寄

前 人

山城如斗半蒿萊
一日烽煙警一回

時大益某方就獲鄰境朝陽又有聚眾劫獄之事

賣劍可能追渤海
置金還擬上

燕台病如作繭三眠起
愁似驅蠅乍去來
聞道劉寬親出治
不禁搔首望塵埃

全上

留贈關中父老

過摩雲驛

清舉人甘肅金縣知事趙汝桂

惠政慈恩總未聞
如何車馬若雲屯
路旁父老休相送
官裡逢迎本俱文
衰柳半天搖

落日清風兩袖渡
摩雲遠看茅屋多
燈火濂水貪泉任爾分

趙氏家藏

題寶林樓

見李鶴年前

懸岩橫插石玲瓏鬼斧鑄劍造化工樓閣崑崙遠天外風煙迢遞夕陽中恨無真福愛

雲鳥悵觸鄉心託塞鴻有客層巔歌一曲銅琶鐵板大江東

李雨臣藏

進柳條邊

高宗純皇帝弘歷

九關臺

邊口門名

據柳條邊峻嶺崇山相屬連一入分明別內外沛豐近矣意欣然勝時結

柳原堪禁

九官臺結柳為邊以界內外無敢私越寔由我國家聲靈赫濯是以令行禁止無藉邊牆為固也

衰際修城亦易頽

明李防邊列成修築長城守禦不遺餘力而我大軍屢次攻明長驅直入

隨處皆可進兵不由喜峯古北等關口益見守城之難務在慎德以綏和中外而非徒恃壁壘之險也

皇子扈隨謂知否守城難論慎思之

清乾隆四十八年癸卯八月二十七日見

乾隆四十八年盛京志卷十六天章七御制古今各體詩卷上

過義州

前人

戊戌諭令新各城茲來胥報大工成

盛京各城工共十八處自戊戌起至癸卯限五年次第修繕今據奏報大工一律全峻凡用帑銀一百三十一萬

發由官帑

均和雇弗藉民攻悞力耕雉堞首看新嶽獄

佑修各城垣蹕路經過者八處不經過者十處茲來因便巡閱首經義州其餘各州縣所修城垣次第親臨至蹕路不經過之

各城是否工堅料實一體完固之處另派大臣前往屢勸屢奏

龍沙雄控遠清清其他翠蹕弗經處差勘應教次第行

前

哲里木昭烏達二盟王公等備晏詩以誌事

前人

三盟地過一盟地

自然河由邊外至盛京趨扈者蒙古三盟部長所過喀拉沁土默特皆卓索圖盟地也

其二地猶居北東

科爾沁都爾伯特郭爾羅斯扎賴特等十旗曰哲里木盟

阿嚕科爾沁巴林扎嚕特翁牛特奈曼喀爾喀左翼克什克騰敖汗等十一旗曰昭烏達盟其部落俱尚在東北此次並不經過其地科爾沁親王貢格喇布坦巴林郡王巴圖及貝勒貝子公台吉等因朕蹕途經過邊外千里輻輳前來趨扈于盛京義州五里屯

地方備進筵宴並設詐馬諸伎以申葵向外藩於內地進宴輸忱中外一家之盛實前古所未有云

輻輳蓋簪千里外傾葵向日衆心同肆筵設席和而

樂晏語好言悅以融

今與蒙古諸人語並不勞衆譯也

中外一家百年久蒙庥祖烈近瞻豐全

廣寧詠熊廷弼王化貞事

前人

明季知兵數上聲廷弼而何復用王化貞化貞願請兵六萬一舉遼東期蕩平是事葉向

高當國爲其座主其言聽餘者多隨順附合右廷弼乃如晨星經撫不和必致敗篤信

撫又張鶴鳴一戰諸將自大潰廷弼退原罪不輕明季曉軍事者以廷弼爲巨擘其略遼東布置頗合事機乃既用廷弼爲經路復用王化貞爲廣寧巡撫化

貞輕而復素不習兵廷弼主守化貞主戰且馳奏請兵六萬一舉蕩平時業向高當國化貞座主也頗右之廷臣惟何喬遠夏之令言與廷弼合餘多右化貞令勿受廷弼節制當是時中外舉知經撫不合必誤疆事而兵部尙書張鶴鳴篤信化貞從中主持化貞

素任中軍孫得功爲腹心盡發廣寧兵昇得功與我軍遇一戰明兵大潰化貞棄城出奔遇廷弼偕走入山海關化貞孫得功是任得功乃言敵薄城廣寧大亂

衆奔一一馬二僕棄城驚孫得功與我大軍過於平洋橋鋒始交得功及叅將鮑承先等先奔兵遂大潰得功降於我欲生縛化貞以爲功訛言敵已薄城城中大亂化貞方閣署理軍書叅將江朝棟排闥直入

大呼曰事急矣請速走化貞莫知所爲朝掖出上馬二僕人徒步從遂棄廣寧城跟踉走與廷弼遇於大凌河化貞哭廷弼微笑曰六萬衆一舉蕩平竟何如化貞慙譖守寧遠及前屯廷弼曰已晚乃護潰民入關孫得功迎我大軍入廣寧化貞逃已兩日矣

哭向廷弼弼微笑此笑殊爲不近情國事爲先私讐後斯時何時私讐營並致伏法因

渝賂當化貞出走遇廷弼時廷弼將所向五千人設廷弼果能捐軀赴難尙可稱爲節烈不然支撐前屯錦義兩州之間扶傷救敗收拾殘黎猶可苟筵旦夕乃一聞化貞之敗轉自以料事能中微笑相稽是不以國事爲重而以復私讐爲快意與化貞

倉皇風鶴並馬入關其意以爲我固嘗言之而不聽是其私心短見與化貞並致伏法而無辭公論者也明史又載廷弼已論死令汪文言賂魏忠賢四萬金祈援既而背之忠賢大恨督速斬廷弼此則明政不綱政由宦寺以致喪師棄地傾覆隨之而其初則由

於葉向高之庇王化貞師生門戶之害一至喪師棄地國隨傾吁嗟門戶害如此要之其主昏不明於此因過廣寧作歌述事以昭殷鑑云云

要之其主昏不明作歌自警警後生

盛京通志卷十七天章八按詠廣寧應與義州無關因其論廷弼捐軀赴難有支撐
寧遠前屯錦義兩州之間云云則與報國失著兩問題有關且論及義州故擇錄之

援往事以來茲識

盛京所屬城垣修葺已成詩以誌事疊戊戌詩韻

前人

謁陵戊戌六騶過頽墮城垣見者多此日閭閻都屬我當年征伐廻殊他

各處城垣明季用以守禦當年攻取

之際掘毀者有之承平日久風雨所摧壞者亦有之閭閻依城郭而居非安民之道也因發帑命工部侍郎德成同盛京將軍等督修

因教發帑經營始普予重修次第科

凡蹕路所

經城垣八處義州城巨流河城撫順城廣寧縣城錦州城寧遠州城中後所城中前所城蹕路不經過城垣十處遼陽州城海城縣城蓋平縣城熊岳城復州城寧海縣城鳳凰城岫巖城鐵嶺城開原城統不勞民力計共需帑銀一百三十一萬自戊戌至今癸卯

予以五年俱一律次第新整煥焉改觀

蹕路此番因便閱督公善否勘如何

清乾隆四十八年癸卯盛京通志天章八

贈蕭香谷

字石船金玉麟

高齋信宿旅懷開文選風流穎士才雞黍重留他日約蓴鱸何福故鄉來香留四座餘

殘菊修到三生羨古梅記取春明佳識在五雲深處是三台

時官兵部主事請假回籍見錦縣志藝文

祝趙蘭友先生七十壽詩

字松雲錦縣知縣劉杞

綠野堂前衣錦回扶桑弧矢五雲開立朝曾秉螭頭筆佐岳能舒驥足才郡被細侯甘

露潤人呼子駿福星來大江南北棠前樹盡是當年少伯栽

趙氏家藏並錦縣志

共道先生宦績巍那知懿訓秉慈幃十年編柳丸熊讀一旦看花策馬歸鳳掖清班依

禁署鸞回紫誥報春暉起居八座承歡日長著宮袍當綵衣全上

京江典郡政維新正值陽侯肆虐辰初綰麟符權守相便分鶴俸活飢民萬家齊頌無量佛四海如逢有脚春野少爭牛河渡虎循良績早達楓宸全上

彤庭召對動龍顏犀帶金章寵命頒運濟萬艘洪澤畔田開千頃練湖灣豈惟勳業留淮海更仰文名重斗山今日初衣歸洛下一觴一詠百花間全上

一輪鄉月正當空清獻名高仰華嵩南國絃歌思惠澤東山絲竹醉春風洛陽白傅新連社海內蒼生尙望公安得慈雲初出岫更施霖雨徧寰中全上

臨風玉樹兩枝榮日下機雲舊有名已見二龍翔渤海也應一鶴繼家聲太翁老不扶鳩杖戚里爭來獻兕觥他日牀頭袍笏滿仙籌千古紀蓬瀛全上

歸田樂向靜中求蒔桂培蘭事事幽士羨汝南加月旦人從江左擬風流童顏豈假仙丹駐文醮還將大白浮聞道莊椿原不老八千歲月作春秋全上

巍然耆宿魯靈光七秩筵開畫錦堂冬日愛留欒布社春風吹滿鄭公鄉迎年柏葉傾新釀破臘梅花送晚香珠履三千齊晉罍壺中歲月百年長全上

讀童山老人李雨邨和觀察酒帘

見前黎永贊

無端醒眼上雲頭高颺青帘不繫舟風雨招搖韋杜曲湖天飄撼岳陽樓粉墻紅杏飛

如蝶芳草平沙遠似鷗惹得吟肩終日聳看他壺裏□春秋

黎永贊自云詩雖工於賦物然終有沸相無颯然遐舉大槩因走筆拈此未免

粗豪不值方家一哂噫此事太難

游蒙部啦瑪洞

愛辛保

洞古風颯勢欲崩危樓墻檻嵌峻嶒石頑似虎頭低瞰松怪如龍爪欲騰樹影倒隨流水去呼聲遙有遠山鷹金剛怒目菩薩側似恨人不入上乘

偶成

前人

清泉出澗歸滄海誰向源頭溯上游山到秋深纔露骨月非冬至不當頭人經重任知才歎詩耐深思識力適願把論人高見解是非先向自家求

偶成

前人

孰料山村寓末僚衡門小隱幸閒曹番漢平分邊一道族民雜處嶺雙條時分鶴俸書千卷日飲鵝黃酒一瓢好山好水都看飽不知何處報當朝

寄雅峯

前人

久慕英姿廿載心無由切磋近芳箴豈真奮武皆投筆不怕乖音浪鼓琴就正未能辭北塞知方端賴定南針凡人若許升仙界片石何妨賜點金

門神

前人

司閹責任本非常
盛甲森嚴箭一囊
怒目似嫌輕出入
操兵端爲慎關防
偏存世上衣冠古
甘守柴門雪月涼
予奪何傷逢歲晚
笑他刻木費裁量

雅峯記事七律一首隨函示知

前人

雀鼠當年未息爭
水流終有不平鳴
天風起處雲將散
海日出時雨又晴
小醜方期驅毒鱷
芳鄰偏遇結新鶯
何當附尾從龍去
雷雨經綸濟衆生

步雅峯原韻覆和二首

見前
愛辛保

君子雖云無所爭
金鐘不叩不能鳴
剛逢雷部施狂雨
何幸天公放晚晴
赤手恐難除社鼠
賞心也可聽春鶯
休教歧路前程誤
霜雪須與兩鬢生

其二

前人

睚眦瑣屑亦相爭
凡物無平必自鳴
背水敢云成地利
登途總要盼天晴
早知敗簡難藏蠹
直到殘春始見鶯
堪羨榮枯盈縮理
教他絕處去逢生

俠客

見前
李魁麟

淮陰年少興偏豪
湖海相逢快此遭
袖裏刀光霜凜凜
匣中劍影雪滔滔
雄心磊落歸吾輩
俗眼浮沉笑爾曹
醉別不知何處去
大江風雨起驚濤

老將

前人

掃盡匈奴返玉關將軍老去竟生還馬援報國心猶熱定遠歸家鬢已斑榆塞秋高收
鐵騎柳鶯春暖唱刀鐙夜深舞罷龍泉劍間數當年舊戰瘢

初夏村居

前人

四圍林影碧於油長夏江邨事事幽水漲平溪三尺輦苗齊繡隴一犁收薰風斜舞千
家燕細雨輕啼萬樹鳩更有醉人田舍酒田歌俚唱自風流

城東郊荒塚

前人

幢幢鬼影閃西東新故誰能辨異同老魅學人秋拜月游魂得氣夜吟風沉沙翁仲偏
能語帶鏃骷髏尙逞雄更有鮑家詩可和一聲高唱滿長空

與燕子談

前人

呢喃終日傍書帷舊壘重尋願未違慰我寂寥常對語羨君來去總雙飛柳絮掠衣休
輕落花徑啣泥要早歸莫向朱樓訪歌舞舊家門戶已全非

盼燕子

前人

穿雲掠雨未還家簾捲東風日又斜何處池塘抄柳絮誰家院落訪梨花想因失路迷
山谷豈爲尋泥阻水涯幾度盼君君不返晚涼猶自啓窗紗

老將

前人

曾驅貂錦掃胡塵百戰功成剩此身
落落丹心還似鐵蕭蕭白髮已如銀
不妨鐘鼎書前烈更擁河山向北辰
報道九邊烽火息掀髯一笑柳營春

其二

前人

頻年絕塞擁旌旄百戰餘生胆量高
墨染龍跽新露布花翻蝴蝶舊征袍
不嫌白髮盈明鏡尙有雄心試寶刀
昨往玉關馳羽檄築壇還拜老英豪

馬嵬坡

前人

祿兒反噬作奸臣妃子何辜竟殞身
誰秉丹心扶廟社偏教紅粉葬沙塵
白梨花上瀟瀟雨黃土堆邊寂寂春
一死酬君一千古漫誇金谷墜樓人

其二

前人

天子携家賦遠行六軍何苦阻西征
君王怕死無奇氣妃子捐生有令名
杜宇聲中春寂寞梨花影裏淚縱橫
風風雨雨郎當曲唱到淋鈴韻不平

過故人宅有感

前人

意昔聯鑣到此鄉盈門車馬正忙忙
何期磊落衣冠第翻作荒涼瓦礫場
回首何人懷舊雨關心獨我弔斜陽
無情最是枝頭鳥尙作春聲鬧綠楊

五十四自壽

前人

一壺濁酒慶生辰繞得吟懷分外新五十四年春好夢百萬劫有完身且聯風月爲知己更與林泉作主人對此良時莫惆悵好同兒女叙天倫

贈父執李公

前人

寰中獨闢小壺天揀藥栽花結靜緣漫向山林求隱逸須知城市有神仙論交我自尊前輩折節公真邁古賢何日摳衣芳徑外得閒來聽講吟編

小園記事

前人

瘦信當年著典型小園開處聚文星依人王粲曾題句放鶴林逋尙有亭雪影漸添雙鬢白酒痕猶染一襟青秋菘春韭家常味好佐盤餐養性靈

題趙蘭友畫竹

仲陳鴻翊

栖息虹螺幾度秋洞尋小寺更清幽巖花澗草供欣賞山果園蔬作膳羞丹鼎常然勤洗鍊紅塵不染任遨遊羨君枕上飛蝴蝶夢熟黃梁倚石頭

凌河即景

李魁麟

連宵急雨漲波紋烟水蒼茫混不分潮打危城飛壞蝶濤衝斷岸劈荒墳挑山勢挾蛟龍氣倒樹根蟠虎豹筋我願乘風隨浪去挂帆直入五湖雲

贈友

前人

落落乾坤一酒豪
片心直與月輪高
曾從蓬島騎孤鶴
更向滄洲釣六鰲
快我胸襟三尺劍
照人眉宇五湖濤
興酣便欲凌風去
笑向銀河潤筆毫

雪花

七律不限韻

字子笙王齡鶴

百花凋謝已無花
天外飛來雪影斜
羯鼓不摧寒點綴
蝶衣擬展白交加
香輸梅綻孤山豔
色淡梨開一院葩
無葉無枝凝六出
豐年預兆野人家

梅影

全上

前人

纔有梅花便不同
迷離幾樹影成叢
籬邊疎密鋪何徧
竹外橫斜掃却空
紙悵玲瓏風定後
羅浮料峭月明中
無聲倒印林逋宅
夢入孤山畫境工

雁字三十韻

字握臺雍正乙卯舉人直隸鹽山知縣趙

瑜

南來無意學雕蟲
自寫寒暄寄化工
青嶂遠依成石刻
碧雲輕繞得紗籠
年年潑墨難消恨
日日臨池不賣窮
仰面但隨人指識
何須沽酒問揚雄

東一

遺跡無心上鼎鐘
日來空際寫秋容
孤分一點臨張旭
橫掃雙鉤學蔡邕
遐舉漸看毫彩瘦
低飛驚見墨花濃
數行草草憑誰寄
珍重天涯恕不恭

冬二

寫徧長空念未降
肯教輕集米家艘
風驚健筆珠璣亂
日度微陰點畫毫
染露華揮碧落墨
和煙影蘸秋江山
腰淡繞晴嵐跡
彷彿閒題上綠窗

江三

徘徊天際若尋詩日運霜毫寄遠思曾以短翰依日月聊將一畫學庖犧灘頭紅蓼共
鉛槧塞外寒煙代墨池斜過北山真復草不停風雨任紛披支四

朝來染墨弄晴暉夜寫立文傍紫微體式每因風露勁羽翰多爲稻梁肥新裁印月今
還昔斷簡浮雲是也非遠去漸成蝌蚪跡漆痕猶帶碧雲飛五微

誰把飛函寄太虛聯翩直上密還疎林間映月吹藜藿天際驚風下石渠未可指名爲
逸史何妨竟號作中書卿雲寫就宜春帖懸入遙空壯帝居六魚

天地秋容一畫圖標題留待羽衣徒摹成不假誇衡荻書就伊誰議覆瓿柳葉舊文排
健翮梅花新式問柔雛凌雲日向高齋過俯笑操觚衆腐儒七虞

鳳毛鵬翮敢相齊五色徒教炫目迷曾是一行霄漢潤何如千首暮雲低晴招片片霞
爲綺寒倩紛紛葉作題時遶桂林花正發秋風得意報金泥八齊

濡墨年年長幼偕疾徐濃淡任談諧蝕殘已免芸窗蠹鏤篆難同薜壁蝸真本夜教明
月習餘神時被白雲揩前生應是悲秋客鎮日書空未有涯九佳

幾行清翰倚雲栽展翮知非百里才春雨棣棠書出塞秋風禾黍賦歸來翻憐晚陣塗
皆亂却笑中山穎易摧天上羽裳新譜就填詞日到白雲隈十灰

墨陣縱橫辨未真裘飛如屈復如伸怡情運翮從容榻得意呼朋仔細論影落石田千

畫鐵羽招弓月一鉤銀弋人不解憐文翰贈繳摧殘甚酷秦十一

疏行墨畫傍斜曛掃落南天一片雲懶向世間稱墨客却從天上作修文凌雲疊去呈

三折對月表來帶八分倘教右軍今日見也應無意換鴉羣十二

寫破晴空萬里痕幾行真草布乾坤唱酬不倦偕妻子點畫相依仗弟昆寶額篆成臨

帝闕素帘揮就挂江村遺文未肯傳金石鳥紀千秋古跡存十三

瑤空一片碧琅玕幾處聞題賴羽翰天際儼然成筆陣風前竟爾作文瀾朝沾湛露毫

初潤夜帶寒鴉墨未乾驚逸忽看飛錯落遺書直上五雲端十四

羽檄紛馳度玉關南來題詠徧秋山神情都向空中搆章法如從塞外嫺月下素書當

夜檢日邊丹詔待朝頒年年旅食由揮翰風雨何嘗筆暫閒十五

數行揮洒夕陽邊倒倚雲霞代蜀箋結構偶然成古篆淋漓忽又得新聯悲鳴應恨飢

難煮奮翮何愁醉至顛偶向虛空展羽翰肯教凡蠹化神仙先

一行飛寄楚天遙文彩翩翩動九霄曉振羽衣揮霧布夜聯毫素染霜綃離情認作相

思譜逸興翻爲招隱謠雨後偶從虹畔過却於空際見題橋二

偶從天際演羲爻孤點爲單重作交南國近城新墨藪北原應是舊書巢臨風款款文

堪勒印水翩翩影自抄關塞遠傳秋信到野人驚見亟于茅三

直向銀河濡彩毫書成豈爲寫牢騷江南塞北題皆徧白雪陽春調自高磐漸異文揮
石鼓宴飛清韻譜雲璈詞鋒斂却還成陣忽變雙鉤作六韜四豪

共挾風霜夜渡河書成得意亦吟哦雖因染翰警霄漢也爲能文觸網羅羽倦恨難酬
筆債聲清幸未困詩魔而今咄咄書空者盡向樊籠自作囹五歌

長空如水走龍蛇不向人間判五花濡墨一生辭楚畹傭書半歲在天涯聯翩覓食如
投筆繹絡歸汀竟畫沙膺蹟草真應好辨莫將疑似認寒鴉六麻

持將飛檄問穹蒼到處隨成翰墨莊雲暗有詩通遠塞峰高無跡寄衡陽往來空運春
秋筆行止何慚伏臘郎鴻寶自教千古重評量奚用說鍾王七陽

遠入南天畫漸輕疾徐成象更分明徘徊寫出風雲幻嘹唳吟將月露清亦是孰觀揮
劍舞還如曾見擔夫爭凌霄自足供瀟灑不去閒題塔上名八庚

來賓天末試霜翎也有奇文照汗青塞曲寫成聊寄怨秋風賦就不堪聽濡毫時染金
莖露傳牘人稱使客星誰道竟無臨傲處玉關應是草元亭九青

北來清健擬枯籐久集南天體格增腕下更無塵一點腹中應有墨千升聯成幅頁隨
雲訂草就珠璣付水騰風雨夜來清翰濕還傳孤影上秋燈十蒸

旅信千行向誰投披雲掠月任風流肯教拘束烏絲幅直欲縱橫白玉樓警夜似防符

可竊來賓應有句先偷即今懸市求人易隻羽千金未足酬十一

何當天地見書淫寫出悠然萬里心羽鍛舞空翻倒薤首垂窺渚露懸針淡分蟬翼籠

輕霧遠帶蠅頭繞暮林指點兒童勤做習前山遮斷未能臨十二

鏖戰西風墨更酣龍蛇飛影落秋潭相依月窟題團扇獨入霞天押錦函孤點每從頭

上出雙鉤都向足邊含閒從法苑馳文藻散作天花聚作曇十三

廣幅何人擅典籤懸飛空舞任觀瞻影留寒月毫添墨行斷秋風句失粘書就有誰知

白帖草完無地給青縑偶然復向峰頭過幾處餘神繞筆尖十四

爲譯番文入漢岳指揮瀟灑誦聲喃汀爲古硯蘆爲筆雲作奇箋霧作函載贄使臣時

去國掌書仙史暫之凡興來不必勞呵凍舞雪題殘白練衫十五

張履亭先生偕友游山邀余同行余感盛情作七律四章以記其事光緒九年四月 祖谷蘭

沂水春風契聖心先生真有此胸襟怡情且自浮三雅信命何須卜六壬傀儡場中分

貴賤髑髏隊裡判貞淫看開世事宜行樂共把名山好景尋

其二

偶隨良友上高岡超出塵寰俗慮忘山色迎人開畫譜鳥聲悅耳弄笙簧登臨頓覺乾

坤闊游賞何須步履忙但恨天弢難解脫未能羽化赴仙鄉

其三

共作尋芳拾翠人
閩山首夏始如春
禽聲亂唱雲中曲
嵐氣頻霑畫裡身
欲卻利名除苦腦
故尋林壑助精神
今朝喜入英雄會
不惜殘軀步後塵

其四

自愧殘軀不自由
精神衰憊雪盈頭
蒙恩提挈遊山景
感法追隨散俗愁
此際堪稱真樂矣
今生未識再來不
七旬有二猶吟咏
石上應將姓字留

懷武侯

見前
愛辛保

南陽歲月幾遷移
草木年年綠向誰
江水何堪長夜咽
峽猴空爲老臣悲
陣圖磊磊遺頑石
廟柏森森淡晚曦
不是上天絕漢運
華蓉倂早獻神祠

送徐栗齋之任義州

見三槐書屋
詩鈔卷一

金朝覲

拜命陪京令望奢
九重恩詔帝深嘉
鼎鍾舊勒三岑績
雨露新霑一縣花
化履何年鳧有跡
垂簾盡日鶴排衙
東風遠送旌旗路
爲錫龍章荷寵嘉

烏拉草

前人

草名烏拉古無傳
近與村農用最便
露重芒鞋侵曉去
霜凝葛屨覺春還
山中踟躕名稱異
王不留祈義可捐
幾處芋眠平野綠
擬隨謝屐到峯巔

其二

前人

白嶽靈葩屬貢參尋常弱草亦堪吟生當夏雨宜河畔搗向秋風入夜砧翻笑傾葵空
自衛更如挾纜可人心緣隨野老同行止未必登然喜足音

其三

前人

地名烏拉又名鞋茲草稱之義轉諸物產蕃滋仍土俗春風披拂滿江涯安排不去塵
中駐冷暖還將足下偕試問三千珠履客可能解屨到當階

擬答烏拉草問即依元韻

古香茹大宗師觀風遠左以此試諸生其擬作末二句云參貂遼瀋稱珍久曾否茅檐到眼來故擬此以答

前人

觀風嬾□探花使辱在芻蕘訪異材冀北羣空多骨相江南春信只梅開品題不薄茅
檐陋採取能將卉圃該見否何勞重訊問而今仗策自田來

履亭先生來信云四月中旬會合三五同人往閩山遊歷一番一則風塵之心籍以少
洗一則名山之境不枉素欽人生行樂耳須富貴何固不必嘍嘍唧唧而困苦窮窮廬
余即其來語湊成一詩

祖谷蘭

名山妙境素原欽困守窮廬苦不禁世俗難行愁萬種人生能樂價千金藉茲林壑無
窮趣洗去風塵一片心富貴何時應有命嘍嘍唧唧詎知音

問梅

錢永清

不受塵埃半點侵略無俗韻到芳鄰北窗幹老嫌霜冷東閣枝連愛雪深聘就海棠常
揖意養成蘭蕙兩關心百花頭上開應早桃李春風爲結陰

過山海關

吳國瑞

水關山崇界兩旁雄關自古奠巖疆氣含巨屨千重浪影落長虹萬里墻邊塞逶迤維
薊鎮咽喉緊要扼遼陽欣逢四海爲家日漫學鷄鳴度孟嘗

詠閭山

前人

一紀光陰轉瞬間又因行路望閭山螺鬟消瘦秋容淨鳥道迷離夕照殷前日登高誰
縱步今晨眺迴我開顏名區久繫攀躋志卻惜浮生不得閒

和述懷原韻

吳國珍

一勤天下事無難敢說年增力已殘知命豈猶忘俟命在官不過且言官數談容易行
維艱敗故云關出處空思有定甘鳩拙績報無多惕燕安成

訓晚

吳國瑞

言教不如身教好勉將訓姪效康侯德能載福原宜厚事縱由天亦待謀有識何須評
月且無才更莫詡風流相期慰爾嚴君意舊業雖荒可再修

送宦遊兄南行

前人

時事難爲早見幾此番握別更依依虛堂月朗居心是比戶風清到眼非千里一官爲親屈三年五載盼兄歸他時共叙天倫樂願得聯翩舞綵衣

感友寫懷

字右臣
優附生吳廷弼

錦軒舉動出天真待我如兄別樣親四海交遊誰似子一心渾厚那如今友稱莫逆非空語文到重論每入神此後塵寰知己少再談肺腑恐無人

民國

孔子廟

宿文奎

大成古殿勢清幽歷代欽崇竭力修玉振金聲宣智聖禮門義路任遨遊尼山道統千秋重泗水薪傳萬古留廟貌一時觀不盡城隅眺望上奎樓

譚海籌先生六十雙壽詩

宋小濂

鴻案相莊共白頭一堂花甲喜同周詩人自古稱難老嘉耦於今咏好逑讓善不居修隱德濟人何恤減租收如君合享齊眉壽頌禱無慚號海籌

酬馬適齋步韻

薛翹如

已奉評詩月共明更聞爲政水同清

馬曾歷
任知事

風懷愴我常如醉荒郡逢君倍有情絳帳

才華難李式隆中淡泊本生成誰憐滿腹宮商韻小和無人敢應聲

適齋原韻

馬適齋

燈前握握聽佳句如飲醇醪味轉清欲以新潮融舊思能從淡語寫真情史才居正傷
離亂學問河津衍老成小駐征鞍容放論鳴琴應乞訂音聲

與適齋遊賓縣漉巾亭冒雨歸城

薛翹如

邊城淪落本心甘可與人言無二三騶唱松江迎使節鷄鳴風雨縱常談焚香侍者添
紅袖入畫圍屏憶翠嵐他日買山成小隱不教捷徑覓終南

適齋原韻

馬適齋

隨車有雨喜霖甘况值春光已暮三猶鼓蘭亭終禊興遍傳棠舍愛民談詩懷到處嘗
新酒畫稿何人寫遠嵐我在賓州縱遊履杏花消息憶江南

贈適齋

薛翹如

今始逢君悔我遲天池城畔柳如絲方正泡俗名天池刻符法妙追秦漢作字工深按藉斯能刻圖章並習

篆書詩好每將同輩和民艱擬達上峰知高風似此真無幾梁月江雲有所思

其二

茂陵家世謫仙風疊和新詩韻最工佳節懷人傳舍外輪舟洒翰大江中馬有寄內及江中旗行諸作虛

衷廉訪民情盡到處爭迎酒盞空我有一言向君告天涯待哺有哀鴻

和薛穎皆

馬適齋

入夏餘寒花較遲如酥細雨溼蛛絲半生橐筆偶來此三載鳴琴焉取斯疾苦在民吾欲問太平何日孰前知天涯應免翻虞恨一棹松江寄遠思

其二

破浪期乘萬里風使船自媿遜良工揚鞭柳塞榆關外擊楫驚濤巨海中斫地歌聲攄抑塞摩天劍氣亘長空憂民念比憂民切誰拯嗷嗷集澤鴻

清河門關帝廟

宿文奎

浩然義氣薄雲天廟建清河獨占先祖豆馨香垂後世春秋名分振當年衣冠儒雅邊關仰像貌莊嚴塞上傳爭道威靈經屢顯詩吟往事恨西川

詠清河門河西村前明把總廢署

宿文奎

聞明把總鎮村南父老相傳不異談惜此官衙無戍守問今軍政有誰參北留邊塞風吹柳東賸清河月印潭感慨勝朝防禦迹西山遙望晚烟嵐

詠台子山洞上關帝廟

宿文奎

漢朝壯繆幾千年建廟台山香火延古洞懸崖危鳥道深林盤石老松仙瑯嬛福地威靈赫風雨殘碑忠義傳獨立峰巔左右顧甌城指點隔晴川

贈馬龍潭將軍古稀榮慶

吳家象

矍鑠前身是伏波據鞍雙髻未全皤籌邊戰畧曾窺豹蓋代書名偶換鵝褒鄂英姿原
颯爽劉樊儷福足婆娑周行示我南針在愧負垂青雅意多

裘馬當年意氣揚勳名今見勒旂常橫戈早建凌烟業攬轡猶規縮地方關塞口碑長
嘖嘖天人眉宇自堂堂扶風世胄汾陽福留得餘春爲捧觴

通化城

見前趙仲珊

四面頽垣三面樓渾江一曲抱城流小環執酒留賓醉苻莽當途惹客愁車馬路從山
隙覓人家屋向嶺威修頻年作客風塵裏天地茫茫一水鷗

秋感四首

己巳
冬月

義縣縣長字青孫
江蘇漂水縣人

濮良至

宋玉悲秋別有情秋風爭作不平鳴生靈塗炭衣裳會錦繡山河草木兵大樹將軍甘
袖手太原公子善求名勳勞應憶遼東鶴舉足常能見重輕

其二

四顧茫茫浩劫中霜天澤地集哀鴻江潮忽帶腥羶氣國事難期水乳融挾策有誰重
儒術操戈無暇計邊功聞雞起舞仍思奮漫道途窮志亦窮

其三

垂老方知祿養難不辭五斗折腰官鄉雲在望家門遠塞月空憐將士寒戎馬頻興民
命賤世途多險酒腸寬重陽列有登高賦游子天涯意未闌

其四

偶覺風霜到鬢邊秋偏在客歸先幾人苦海思歸棹半世虛名誤著鞭落葉聲中聞
解脫拈花笑裏悟因緣憑他征雁排成字付與詩情萬里傳

之官義州留別瀋陽諸友

己巳年
小陽月

前 人

拼將書劍溷風塵宦海茫茫倒轉輪千古幾人知作宰一官容我學親民栽花好借邊
西境負米難辭塞外身閑話桑麻留父老下車權當是巡春

其二

親老家貧忍掛冠濫竽廿載理財官爲尋五斗還腰折且抱孤琴信手彈入境先詢民
疾苦讓人去論政寬嚴安排他日調羹事笑把牛刀子細看

秋感

宿文奎

秋風一到感增多觸動騷人每永歌到耳災情皆旱澇滿懷詩興恨山河悲聲花木烟
雲幻晚景桑榆日月磨若待陽春溫煦後太和鼓盪萬邦和

和秋感元韻

王鶴齡

容易秋來感最多幾人還和陽春歌東南樓牘摘奎閣西北城頽恨大河振耳礮聲誰
竟拭驚心鎌影話爭磨無情歲月留公道忠厚推君氣象和

遊故宮博物院

宿文奎

輝煌慘澹古皇宮對我城墻依舊紅大好河山寧足計繁華夢想總成空銅壺滴漏懷
前代柏樹連枝送晚風恰似公園開放意遊人散步任西東

和遊故宮博物院元韻

王鶴齡

帝王賸有帝王宮花謝花開幾日紅關外地方誰作主槐南春夢那知空留心景物應
徐步過眼繁華許趁風陳列可當禾黍看成周不便管西東

天津燈景

宿文奎

遊賞天津夜景濃電燈環繞滿街逢新車站外千門雪紫竹林中一火龍桿影玲瓏星
點點泡光閃爍月溶溶鐵橋一帶明如鏡各處行人含笑容

和天津燈景元韻

王鶴齡

真是天津景夜濃也曾親得面相逢幾驚磨電車離馬五色滿街燈幻龍桿影半含人
影鬧泡光好似月光溶一京二衛傳佳話仍願重遊君我容

仕途感言

宿文奎

聖言無怨更無尤得失窮通不必求高臥隆中甘淡泊隱居世外亦優游清風自古懷
巢許從政於今想賜由飲酒賦詩饒興趣樂天知命復何憂

和仕途感言元韻

王鶴齡

天不怨還人不尤聖人聞政異人求著書我敢戶常閉製錦君曾刃也游霸顯問誰爲
管晏清高有幾似巢由幾言和草莫嗤晚長此吟哦可解憂

書懷

宿文奎

滿目滄桑徒自嗟不知秋思在誰家題詩有句書蕉葉憂世無心賞菊花值此歐風兼
亞雨那堪白露又蒼葭停車坐愛楓林晚怕聽悲音塞上笳

其二

前人

茫茫浩劫集哀鴻過眼雲煙入夢中翰墨一生空苦海江山半壁痛和戎照人肝膽千
秋月洗我胸襟萬里風時局飄搖成大錯淒滄底是恨無窮

右詩共二百六
十九章

賦

清

拔趙幟立漢赤幟賦

以此在兵法諸
君弗察爲韻

見
前李芝齡

淮陰侯虎旅親提龍韜自恃扶漢而大展旌旂破趙而重翻壁壘乘彼虛矣倚天之劍
旋來鳴而攻之揮日之戈突起逞拔劍斬關之勇先聲早已奪人爭立竿見影之功朝
食敢期滅此當夫趙之拒漢也恃廣武之運籌仗成安之振凱將佩劍而前迎士執戈
以相待幟標趙字風翻鳥隼之形幟壯趙威日耀龍蛇之彩祇道深溝固壘堪當壓境
兵臨那知仗鉞麾旄竟有登壇將在維茲韓信用軍最精魏王初虜夏說方平又取西
陽之郡爰安石艾之營塞下蜂頭鼓聲霹靂路迷徑口旗色鮮明令午宣三特仿魚麗
而結陣夜方交半忽聞虎帳以談兵遂乃勝算獨操全軍齊壓士盡銜枚將皆帶甲三
千輕騎先令執旆而行廿萬敵兵直待降幡早插將訝來從天上捷妙如神陣看背向
水前事奇而法則見其拔也巧乘其間勇賈其餘雄心各逞猿背齊舒輕若拔毛作氣
悉猶一鼓易如拔草回頭頓失千旗從知力勝拔山不獨雄推項羽驟見功成拔戟果
然勇若專諸而見其立也想赤符之運啟恍赤壁之火焚幟變燕脂之色幟凝星血之
文若武帝之立金莖光連北斗儼伏波之立銅柱氣懾南軍深疑霞彩紛飛標建赤城
之地共擬火光猛烈威行赤帝之君是以漢家之組練旋張趙壁之旌旂頓拂立來而
大展神威拔去而餘無長物揮戈以逐似蒙皮之馬奔馳棄甲而逃與漏網之魚髣髴
看此際幟標漢國竟隨落日煌煌憶昨宵幟樹趙營曾逐飄風弗弗由是歇也就擒餘

也見殺捷堪計夫三月矛無庸夫丈八乘勝而尺書遙奉燕國隨降出奇而寶蘇重揮

齊城並刷似此圖麟無愧應加優寵以相酬奈何功狗是烹竟聽讒言而不察

按李芝齡己酉拔貢

蘇係奉天提督學政院考古取二名

吸鴉片煙賦

以性本狠貪煙製鴉片爲韻

孟銳舟見

則見夫門掩蝦簾窗明蟾鏡榻如龍臥而蒸雲燈類螢囊而映彩鴛鴦枕畔奇香非薦夫茶神翡翠衾旁異味差強于酒聖彼云既醉既飽可以寬胸此道一吸一呼立能祛病有識者莞爾而笑曰誠如是也我知其爲鴉片之煙請嘗試之誰能不昧雄飛之性原夫鴉片之爲物也備藥料之材產群芳之苑花名罌粟非罌亦可盛漿壳號米囊有米未聞造飯燔其脂而吸其髓猴兒頭太也凶殘生爲土而熟爲煙烏膏子何其縵縵鴉者假也精神假助增添片者偏也壽算偏多消損美味誰知美毒形容竟改夫原來靈丹却惑靈台氣血日耗其真本晨倒昏顛寢廢餐忘緊抱無糧之斗頻揮不穎之槍買土塊而破兼金頃刻灰飛煙滅藉火光而服洋藥須臾力壯神強歎天下之滔滔半遭其害笑愚夫之夢夢動日何傷面猶是人臥相偏如瘦狗煙豈有鬼癮來無異飢狼若夫侯門子弟富室丁男未經困苦久饜肥甘喚友呼朋先上酒樓而濶論尋花問柳後來煙館而高談綉枕銀燈青面鬼紅顏伴臥長檣大斗黑煞神赤焰中含聯臭味而

壓同儕彷彿鰲頭得意學排場而摹時拍那得鴉片不貪至若家徒壁立室若罄懸任
鶉衣之體露猶鴉片之情牽陰妻及子而神傷箇箇入迷魂陣裏號寒啼飢而貌慘團
團於照鬼燈前甚至身棲古廟頭頂破磚尙戀戀于撥土揚灰吹無聲之筒噴雲吐霧
起不爨之煙復有勇冠丁年名高甲第鴉片燈開獸環門閉刀槍日演懶爭射虎之功
煙氣久薰倦猷騰蛟之藝雖強于田家之子盜糧而不識艱難工商之徒竊物而不知
會計然而沉淪苦海嘆迷津一樣無邊胡爲陷溺甘心如美錦羣焉學製彼夫鵝兒美
釀雀舌名茶鼎烹竹徑甕打梨花不可敬待佳賓香噴口角歛留賢友芬溢齒牙盍若
此飯後開鐙物必投其所好槍中加炮望能慰夫太奢煙痕迷壯士之心祇爲灰心隱
豹煙色映佳人之鬢無殊雲鬢堆鴉是時也家富者貧力壯者倦患精愈深毒流幾徧
將必有仁人悲憫善杜鬼門烈士激昂獨開生面建嘉謀而除土稅嚴防商賈之私營
發禁令而止烟耕痛戒農家之利便近壽人而遠壽世豈止皓首百齡上益國而下益

民無愧婆心一片

李雨
臣歲

不爲五斗粟折腰賦

以田園將蕪
胡不歸爲韻

費清揚

風流邑宰儒雅名賢心如白水穀却紅蓮抗志甚高職薄難將我屈立身已固官徵羞
乞人憐富貴久不薰心受祿何堪受辱紅塵頻傷插足歸朝莫若歸田夫以陶淵明之

彭澤令也五侯笑傲五馬嘖喧五方被澤五畝沾恩五德既歌於赤子五刑立宥夫黎
元腰繫虎符總欲折心於草野腰纏魚袋惟求折獄於花村恥談五鼎喜對五樽看他
斗酒情酣不屑榮誇印綬亦即斗升志淡偏期路返家園督郵乍至俗吏不遑訟庭擾
擾公廨皇皇爲言來者尊官崇高職位且說見應束帶肅穆冠裳郡中簪笏鄉里兒郎
倘教曲體以迎危如困獸若使低頭而事辱勝牽羊無非誼屬同僚謀面則恭而有禮
詎惟粟求五斗折腰而於幣未將但願自立不肯爲奴挂冠懸冕倚仗傾壺祇緣一斛
珠丸何用此鞠躬拜首不過幾團玉粒豈爲他下膝卑軀抱奇骨格脫舊袍襦拋將鶴
俸魚滌風清兩袖想到柴桑栗里春滿平蕪門栽五柳衣卸五銖菊籬消遣竹徑盤紆
羨予茅屋草堂祇求燕息笑爾膏粱文綉未免鳧趨居對山腰君子竹廬圍萬筒香聞
金粟大夫松月照一株想前番受祿爲官形勞案牘到此日歸田解組劍脫風胡假使
志太卑身可屈折節非難折肢能勿但知鐘鼎縈懷那顧琴書故物貪官共號置身利
藪名場廉吏難稱繫念丹纓朱紱但說梁黃粲白乞爾無妨誰知親老家貧辭官何不
惟其世情味淡俗物心違大烹莫戀小隱忘機科頭桃李堂前五車書積抱膝柳榆簷
外五色雲圍迄今玉節冰心潯陽縣望風樂道猶憶罷官去職陶隱君戴月來歸

村學賦

以家有二斗糧不
當孩子王爲韻

見孟銳舟

狀如牧犢聲類鳴蛙半生糊口終歲磨牙短短長長聚村莊之弟子茅草草立學校於桑麻荒園破廟之旁誰憐西客愚夫庸婦之輩半是東家方其初議館也問尋街坊商量故舅錢論鎔銖米分升斗主則互形其吝以寒舍相謙師則自表其能以甘言爲誘算盤代學管教快是鶯流價值從權恐怕事歸烏有於是各諭玩童共稱勝事棹椅安排衣裳款試套環變作做圈餽匣竟成書笥會合修葺茅屋單門景况眞單定期禮拜聖人二月良辰初二稽其送學之人厥爲村叟亦步亦趨或前或後與其進也難分貴賤出身不亦樂乎齊與先生叩首列衆名於紙片洒掃分班寫吉語於香升金銀滿斗則見夫硯台列案雜字盈箱旣無詩賦更少文章打做影則描紅描黑貼號籤則有紫有黃姓本百家先念趙錢孫李文傳千字後温老少異糧時而春也欲請先生家無美味強作周旋情多委曲菜乾四樣用一火而皆成水酒一壺遍四鄰而始乞函丈聞風之下其樂獨深令人來請之時假云我不時而夏也蠅聲振耳墨點盈牆但聞汗穢那覺書香紙窗無風熱復熱瓦罐抬水涼又涼正值苗青鄉老齊言辦會求題告白先生也得應當時而秋也農忙又到告假齊來書齋甚靜場圃全開或檢梳耜於隴畔或拾豆葉於山隈並無同類之朋談談心腹莫若回家替婦抱抱嬰孩時而冬也共買燈油均攤窗紙本是玩童儼然學士三字經朗吟於口但取聲高四書註熟爛於胸不知

所以有時開講分分房地文書餘課加功寫寫春聯對子迨夫時逢歲暮共把年忙兒
童散去書室荒涼獨守孤燈四季熬煎已過回思羣弟幾家酒食未嘗幸罪滿於者番
得回故里祝館成於下次屢媚皂王

高夢齡藏

醫巫閭山賦

字鳴岐恩貢生義城南團山子屯人趙祖裔

突兀名都屏藩巨邑良城高垂坤輿屹立鳥道流丹於碧于雲蔚霞蒸螺峰聳翠於蒼
岩鹿奔麕集築城等四百八十寺壤堦堪登羅列儼七十二餘峰培塿莫及羌鍾靈以
毓秀縱橫世界三千賞烟景於陽春閱歷韶華九十原夫虞帝之封山也疆界分明方
輿掌記奠定名區載書通志天造必兼地設嶙峋之勢構幽燕鬼斧亦借神工剏劣之
形標堯翼王氣鍾於東北高高爭日月之光文明始自西南赫赫著唐虞之治會當臨
絕頂豈徒氣象萬千遊衍莫忘歸窮極河山百二有醫巫閭焉形垂霄漢勢厭塵寰大
而莫外高不可攀白石庚庚舒捲烟雲於千仞赤峰午午披欹花草於一灣山色蒼茫
掩映於虹螺晚照之際山光明媚崔巍於紫荊朝旭之間劇憐華頂嵩巔聖道朝宗歸
海緬彼太行王屋愚公竭力移山閭山勝境北鎮邊陲靈鍾五嶽脈接四維聖水盆御
筆親題自他有曜仙人影神光乍露匪夷所思遙仰錦水迴紋烟霞縹緲遠映筆峯插
海風雨離奇上下一十四城瞻仰者源源而來也週圍三百餘里遨遊人望望然去之

是以紀勝簪毫披圖珥筆物華天寶因時之利用咸宜人傑地靈不世之英奇特出山勢蜿蜒於瓊島長白山之間氣炳灵山形橫亘於崑崙摩天嶺之秀巖迢逸崛起真堪

如畫名同泰岱無雙天然宛若飛來人在蓬萊第一

趙氏家藏

諸將皆從壁上觀賦

以楚兵無不以一當百爲韻

王鶴齡

楚項羽破甌陳師沈舟誓旅勇壓千軍功期一舉惟衆將之在旁乃聚觀而相與值此壁前眺望那猶心有強秦迄今壁角潛窺誰得目無全楚方其爲上將而擊秦也愧坐觀爲誤事恥深壁以偷生既燒廬舍旋整旗旌戰將皆披堅從事部將皆執銳從征貔虎三千諸士從戎而恐後鯨鯢十萬諸軍從令以輸誠只期此戰觀成率其子弟豈爲他人觀矚繕乃甲兵然斯時之諸將何如也按兵良久倚壘相湏皆乏攻秦之策皆無救趙之謨恃壁固以藏身皆未敢催軍助戰仗壁堅而遁迹皆不能伐鼓爭趨驚心楚旅遙屯果是敵人勇甚拭目楚師大震或同仁者敵無爰有羽之引兵焉士卒雲從旌旌風拂鳴鼓喧呼渡河憤鬱諸征夫果毅難侔諸戰士精強不屈道是一軍破釜示還心之我無也曾三日持糧嚴恭命於汝不諸將乃於是作旁觀也或從壁上而高瞻或從壁上而遠視或從壁上而觀其持戟操戈或從壁上而觀其張弓發矢壁高數尺觀九戰之將軍壁峻千尋觀三軍之將士觀彼整而且暇非周旋兮不能觀他征則有威

能左右之曰以且皆從此觀也皆觀其虎隊齊齊皆觀其鵝軍慄慄皆觀其鼓振驚天
皆觀其戈長揮日神奇妙出沒皆觀戮蘇角以成功步伍嚴止齊皆觀虜王離之有術
皆作觀軍之客識拔山者瞳果爲重皆爲觀陣之人羨入壘者心真惟一迨其穴掃狼
氛勦成虎帳諸侯莫敢仰觀諸國尊爲猛將謀超宋義諸將皆拜手而觀瞻捷報懷王
諸將皆傾心而觀望共賀辰旗曉捲豐功莫與爭衡回思戊校急催渙號允爲的當洪
維我聖朝將效贊襄將深擘畫從公者皆懷頭銜從公者皆標骨格四方觀化從王皆
授以公卿萬國觀光從士皆封爲侯伯此所以肅鴻規於諸職樹立公三彰駿惠於諸
民平章姓百也哉

小春賦

以爲此春酒以介眉壽爲韻

山海關監督蘇毓芳

天廻陽暖人頌雍熙翠凋柳葉紅抹梅枝羣欽橘綠橙黃恰似溫和之候忽訝風晴日
暖重開豔冶之時本一氣以吹噓共信陽春有脚經兩番之醞釀始知造化無爲當夫
春色迷離春光崇侈小圃花香小園草美小畦則桃李陰濃小徑則桑榆秀起繪小樓
之春景芍藥紅翻描小閣之春容牡丹綠倚桃夭李豔願教青帝常依物換星移安得
東君到此况復隄疏紅蓼渡冷白蘋蘆花兩地楓葉一津秋光已老冬信將伸而欲於
蒼葭白露求信夕良辰吾恐地凍星回漸近嚴冬之候安必山迎水送再逢富貴之春

孰知運轉天心陽回巷口風後吹薰柄纔回斗烘一林之積雪白耐驢尋著半嶺之寒
梅紅平鶴守鼓敲賽社響擬催花風動簷鈴如追解阜帶得一團和氣何須共我圍爐
收回幾處涼痕不必呼童暖酒時則日暖小窗烟霏小泚小雨初停小風可息閒雲漠
漠依然小滿初來長夏炎炎豈復小年是似通化機於小暑相印綦深忘節候近小寒
不知所以星火方中歲聿云邁非關春閨添綺麗於斜陽不是春朝流光暉於上界擬
春光於九十日半子將開問花信於廿四番一陽未屆負暄獻曝儼分春序於東皇舉
趾出耕豈勸春農於保介花先雪放葭未灰吹涼風可作薰風之賞寒漏應同永漏之
垂步板橋而踪跡霜留想見踏青盛事收落葉於青涼月下猶疑拾翠芳規正宜醞到
樓邊傳得清香之夢豈果歸光柳上舒茲窈窕之眉我皇上憲政親頒人時敬授及時
建學春誦夏絃按序出征春苗冬蒐士也小室披吟小齋考究珍片刻於春宵惜分陰
於春晝且喜光迎春日敬依丹陛以陳詞還欣澤被春風請繼呼嵩而獻壽

畫竹賦

吾園馮芝

霜笳冷咽月笛淒鳴空階蛩語遠塞鴻聲悲莫悲兮失路年復年兮孤征酒觴欲滴病
髮旋生疇翛然於塵表寫此君以寓情爰有幽燕壯士磊落英多傷嚴親之不返遊徧
歷夫關河望白山兮屑涕眴綠江兮興歌頻椎心以悲惋瞰搔首而咄呵青春已老白

髮如何缺將彈兮嗚咽囊如洗兮蹉跎人孰無父余豈無他倘薄技之可效雖窮途其焉頗於是玉板拈毫墨池揮翰風雨颯來陰陽互換凝白淚兮成斑迸柔腸兮欲斷翠挹瀟湘碧撐星漢素彩飛空金波偃半摹與可之精神轟干霄之直幹豈知簫市徒吹筑歌漫擊俗骨難醫熱腸誰激巧縱肖夫棲鸞運猶當夫退鷁本期幻出烟雲何意轟來霹靂客况蕭條世情苦寂彼孺慕之真誠詎直淪於飢溺乃有雅人深致獨識焦琴感行踪之落拓撫紈素而沈吟賢遇賢兮不阮風以風兮獨任洵一唱而百和古道卓兮情深留青光數幅標高誼之森森徵兩美之必播□佳節於菘林爲之歌曰吁嗟苑生孝惟肅兮四時不改視茲竹兮又歌曰猗歟猗歟義克尙兮永宜子孫福無量兮

凱歸同飲賦

以鑄劍戟爲農器爲韻

漢軍生員耿慶泉

緬左氏之遺文考魏都之舊賦將士策勛君王息怒宴開麟閣之春轡返龍堆之路不
是列文英於寶殿何來王爵之傳非同聚鋒鏑於咸陽奚事金人之鑄當夫師出有名
兵行非僭士氣雄威軍容整練即此開樽餞別暢飲誰能憐他持節長征曰歸是念黃
沙白草塵揚壯士之鞭金柝鐵衣冷逼將軍之劍鄉國逶迤沙場咫尺慘淡風煙紛紜
矢石操兵永念夫同袍布陣時懷夫同澤擬同人之于野底是人和直同志之偕仇共
期志適同心同德願同剪爾寇讐同行同車曾同修我矛戟皦皦戰鼓凜凜義旗一攻

莫恃百戰奚辭單騎前驅同仰威風於異域偏師直入同稱妙算於深幃既不日而不月亦載渴而載飢蓋此固鷹揚之事而不比燕飲之爲者也未幾禍除蟻穴蝕息狼峯凱歌鼓舞歸路從容既殲魁以獲醜遂飲至而酬庸我姑酌彼金罍龍光載見君曰是月玉女燕喜羣逢仙仗排時花迎王劍華筵飛處坐列霜鋒是則舉罍傳盃酣戰盡酬酣飲賣劍買犢歸師遂得以歸農方今聖天子德布威行文修武備執銳盡干城之選捷獻維三披堅悉向義之儔心存不二將見除邪異域展龍韜而大將施威旋看奏績彤廷錫虎爵而小臣拜賜螳綠鵝黃之側既共沐夫鴻恩鴛班鷺序之旁更咸邀夫名器

問菊賦

以緣何晚節香爲韻

耿慶泉

涼颼陣陣冷豔年年花開砌畔人在籬邊多情對月無語含煙伴儂銷瘦爲爾纏綿春去春來都不管色深淺爲誰妍儻教子美吟來應揮別淚似悔陶公隱去曾話前緣我嘗自問莫能衆和幾枝傲骨一曲狂歌淡淡衷懷繁華夢渺花花世界隱逸情多亦當小院秋高聞情無賴看到荒籬人淨癡想成魔露冷風清予懷若此花繁葉茂渠意云何菊影迷離菊香淡遠如此孤高爲誰繾綣既饒佳色何妨爭豔於三春不伍羣芳胡弗托根於九畹白衣人可曾相識請挹金樽黃花天若許常留願描粉本有無瘦蝶

昨夜眠花多少寒蜂今朝繞院未聞呼婢應成香夢於宵深誰得同君獨著清芬於歲
晚特冒雨來請從頭說孤根閱歷曾經幾度重陽瘦骨嶙峋應傲千秋積雪未識故鄉
去後三徑誰吟想從薄宦歸來繁英又結儘饒雅意人少知音爲訴芳情我應折節一
番問訊幾度徬徨其問之而不答也淡淡以凝妝其問之而欲語也亭亭以自芳雁字
行行寫不出黃花意趣虫聲唧唧說不盡逸士衷腸羨君幽雅待我商量願如酒市寒
梅潛來入夢蒨着霜天紅葉好共吟香

右賦

共十篇

銘

明

賀鄉進士考妣銘

鄉貢賀士諮等

惟我考妣 積善實多

不食其報

天地奈何

明正德五年庚午

賀給事中墓銘

潘辰播

允矣先生

偉哉男子

力到功深

逢源達委

時行則行

時止則止

諫則忘

身 隱則樂已

不愧不作

盡善盡美

表今風後

寧有餘已

我作斯銘

用

補國史

明正德六年辛未

聯

明

大奉國寺長聯

見前賀 欽

生於周入於漢盛極五代任世態遷移收拾來盡是百千色相

遵於道埒於儒並稱三教統宗門廣大歸根處惟存一點婆心

倡大教於西方不生不滅迄今數千年後金殿中永存香火

傳法門於東土無假無真但願一切衆生紅塵內普入慈雲

合掌拜如來來也不必只須向天理人欲辨得清就登彼岸

澄心參大道道在性生但願爾善男信女回頭處便是阿彌大明成化年

清

擬僧王廟聯

前見李鶴年

領袖四十八部獨報精忠聽到處父老謳歌儼然異姓汾陽大名諸葛

承平二百餘年重扶景運祝此後神靈翊佑常與河流萬古嵩嶽千秋李氏家藏

城隍廟楹聯

義州知州 題并書 德 明

盛朝設險帶礪盟存數百里河山知是何年圖畫

大地發祥土農慶集十萬家烟火盡歸此處範圍

乾隆甲戌年仲秋月上浣吉立

趙得榮妻王氏牌坊聯

守身不為奇閨閫中特傳貞潔

節字非即孝人世上最重綱常

清光緒十九年二月

廿二載青鸞鏡掩烈性彌堅志挾冰霜直擬蒼松有節

五十年紫燕巢空年華已暮心同金石宛如古井無波

上全

題萬佛堂古寺長聯

見前李魁麟

壯義郡之大觀東望閭峯西臨凌水南連峻岑北枕荒邊想前朝留勝跡安排這無憂

上境

接福山之一脈高吞旭日低壓平沙遠對孤城近瞻寶塔登古洞仰佛光彷彿到極樂

西方

見萬佛堂本寺中有古塔一座

旌表節孝許金氏石坊聯

光緒二十一年

壬午副榜
戊子舉人吳國瑞

飲水思清茹蕘忘苦 朵雲捧誥貞石留芳

溫語褒嘉垂諸彤史 天鑒苦節昌厥後昆

南關關帝廟楹聯

欽差官
題并書 陳寅風

道參天地拯弱扶危興社稷

義冠古今明燭達旦振綱常

其二

扎普善

數定三分扶漢室伐吳削魏辛苦備嘗未了一生事業

志存一統佐熙朝降虜伏魔威靈丕振祇完當日精忠

其三 乾隆己巳蒲月

義州知州
題并書 鄭廷觀

東扶炎漢西定巴蜀南拒孫吳北吞曹魏在當年費盡了聖武神謀不想那兩朝四百

義重君臣情深兄弟生全忠節歿顯威靈到而今祇落得普天率土共慶這五月十三

宋旅長依欽保喪聯

李魁麟

五十三旅長少將初膺際茲蒙俄潮起遼瀋塵騰遽爾壞軍界藩屏想經文緯武煞費

勤勞往日韜鈴成夢寐

四百八行程先靈乍返當此閭岫雲寒凌河波冷滴不盡兒曹血淚合弱女孤男同聲

號泣滿天風雪助悲涼

送州牧汝次臬楹聯

前人

妙手造文明百里河山成壁畫

上兩番書惟恐寇君早去

熱心宏教育萬家兒女荷甄陶

栽萬株柳更期陶令重來

景浚川輓依榮廷

前人

名將荷褒榮建銘竹漬獲采薪憂兩三番飛電頻來方期和緩功成更有癡心求素問
故人空想像念附葛情悵如蘭誼五百里英魂乍返回憶朱陳契合聊將痛淚表丹忱

輓戴松齋

前人

老友別余去矣離情渺渺直同南浦波深對芳草池塘能不關心懷舊雨
故人從此仙乎幻影匆匆遽爾西方駕返望暮雲城郭那堪回首問斜陽

輓張雨亭師長太夫人聯

前人

太夫人是閩內英雄慈暉遽遠誰不懷截髮高風合賓客三千同向萱幃揮痛淚
大師長乃遼東保障戎事方殷偏又值椎心暴痛統貔貅十萬盡依蓮幕起悲歌

民國

輓宋教仁

前人

除五千年專制感四百兆歡迎障他萬頃狂瀾何惜那肝胆全傾頭顱遠擲
動二十紀悲觀傳兩三番噩耗拚此一腔熱血直染得河山改色草木回春

雙城縣忠勇祠楹聯

字繩武師範畢業
舉人雙城縣知事魏紹周

取義舍生展拜詎足酬烈士

捐三尺軀享千秋祀

崇功報德斷頭方許配將軍

作奇男子為不朽人見雙城縣志

忠勇祠附屬義地聯

前人

聊賦招魂安餒鬼

敢云澤骨法明王全上

追悼張大元帥聯

義縣高
小校長張景新

廿年餘戎馬勞神奔馳南北本期環海安瀾偉烈克成驟致富強於中國

一旦間惡魔作崇什麼東西竟折中流砥柱大仇冀雪後來責任在斯民

既治安三省復拯救四方統奉吉黑直魯畛域無分竭慮殫思非僅關心桑梓地

功德在人民喪亡如考妣合警學紳商農號啕不已椎胸泣血遙看照眼石榴花

持堅強魄力為扶黃族致討赤氛成功方在及艾而識務識時撒手退歸遼地

剩破碎河山期靖內訌旋生外患大事尚非去矣何辭人辭世息肩直赴冥泉

民國十七
年六月二

十四日

自輓戊辰秋九月下流撰於
瀋陽西埠之講座下

字東郊清優
附生義州人馬芳春

薑桂是吾性老益壯窮且堅公直爲懷毀譽弗計平生願行三代道
富貴如浮雲命苟全腰莫折氣節自勵聞達不求蓋世功名一秀才

輓張大元帥聯

字炳臣奉天兩
級師範畢業楊育春

霸氣塞神洲總教後世評論名滿天下謗滿天下

將星沉瀋水回想當年戰績生也英雄死也英雄

民國十七年

輓志書館贊助綽言胡刺史

本館
編緝王鶴齡

胡爲乎來哉身退名留卓卓政聲寧晉循良昭兩任

公今其逝矣事與願背茫茫天道志書贊助少一人

熱河避暑山莊內月色江聲處所設之陸軍模範團楹聯

見前趙仲珊

爲國樹干城快振刷尙武精神莫效拈毫吟月色

中流誰砥柱且懷抱澄清志願同來擊楫聽江聲

輓聖清宮趙大法師壽山聯

前人

憶客歲在此養痾松間閒話月下偕遊雅意獨殷拳惟有心銘不去內

悼今朝斯人何往經舍塵生丹爐火冷道躬空想像那期羽化以登仙

張母劉太夫人哀輓

義縣農
務會長王廷儒

門閭倚望未歸人喜佗鐵鑄英雄真不數常山兄弟
桑拓停開來歲社留此金張德澤願無忘孟母擇鄰

其二

義縣教
育會長蔡維垣

秉溫良恭儉中壘懸規眎百年猶一日耳

集夫子孫曾錦堂屬續問三省有幾人哉

其三

義縣區
村代表王義海

手栽大樹蔭鄉邦纔錦燦北堂機閑東壁

目斷白雲淒羽葆正星孤南極月冷西池

其四

義縣紳
界代表杜九文

啓金張望族玉樹倚靈椿殆從奕世簪纓基聖善

壯東北長城萱堂留碩果真與普天仙佛共慈悲

其五

董春芳

教子孫成封疆將帥之才雖死何感

考事績以恭儉慈惠爲重其賢可知

其六

五常縣
知事王者興

享壽七旬有餘堪羨誥封榮重母範昭垂蘭桂滿庭芳萬事已足絳闕珠宮歸正座
受恩念載之久深知我佛存心菩提濟世芸蒙庇福蔭百年常在荆山凌水溯遺徽

其七

義縣知事 趙興德

臨民知母教郡人以生佛呼之習聞廣廈庇寒一代縉紳垂正笏

論世叙通家小吏在孫枝列者瞻念慈雲遺愛彌天風雨罷鳴琴

其八

吉林省長公署科長 宋召棠

淑範千古懿訓千秋總帳風淒雲馭冷

壽母八旬佳兒八座護堂花老戟門寒

其九

錢希文

德範璇閨榮膺紫誥方期壽逾期頤長為鄉邦作矜式

詔赴瑤宮光收婺宿緬想魂歸極樂永留哀慕在閭閻

其十

楊桂林

大陸起龍蛇欣看子孝孫賢縱橫掃蕩三千里

仙游升鸞馭回憶持家處世愷悌慈祥八十年

其十一

武漢卿

誕育一代偉人殆爲吉省蒼生造福

若論千秋賢母堪與趙宋岳母齊名

其十二

堂背萎靈萱仰賢母爲鄉里女師留有徽音光史乘

天心沉寶婺羨哲嗣作邊封保障應無遺恨到泉台

其十三

丸熊裏鮪彤管播芳徽廻思夙夜憂勤直追孟母陶慈而上

誥鳳書鸞黃封褒盛德俯念黎元歌頌久遍白山黑水之間

其十四

一笑拈琪花定知仙證菩提位增蓮座

三軍悲墨絰驚看星沉寶婺灵黯凌川

其十五

哲嗣任時局安危巾幗有汾陽家國百年依愛日

賢母証上乘因果瑤天沉寶婺江山千里失慈雲

其十六

字壽山宋九齡

依蘭鎮守使東北陸軍第九旅旅長李杜

吉林高等審判廳長富春田

濱江關監督魏紹周

上壽殆享百年厚德利物勤儉興家允堪儀型巾幗
有子知名天下文治發皇武功赫濯洵足表率羣倫

其十七

王士珍

高門牙戟丸熊啓

仙路珮環馭鶴歸

其十八

白崇禧

保國精忠四字爭傳岳母訓

懷人比玉一芻聊表徐孺心

其十九

吳佩孚

休屠法度兒曹守

羊琇功名母教來

其二十

張學良

節鉞付兒曹韎韠山邊留偉績

閨檐傳母範華鬢天上返真靈

其二十一

朱顯廷

數十年共仰徽音預知弗祿天申後嗣咸成名將帥

五百里驚聞噩耗遙憶慈闈風冷滿城同哭太夫人

其二十二

黑龍江軍政兩
署電務處處長 蕭鶴延

聖母駕雲幘教子常留忠孝字

將軍悲墨經讀經遽廢蓼莪詩

其二十三

宋文林

手携麟鳳近諸天名第啓金張遽從曙後晨星驚月缺
眼見芝蘭環玉砌元戎傷墨經再倚椿庭大樹覺風淒

其二十四

洪維國

教子皆韓范一流截髮留賓門館幸瞻慈母訓

立德邁陶歐而上遺徽範世鄉閭痛失女宗賢

其二十五

吉林地方檢察廳檢察長郭藝林

懿德本性成壽而康強歷著人間閨闈範

慈恩隆食報巍然功業但看膝下子孫賢

其二十六

陸軍十五師步兵補充旅第一團一營長張作田

撫我育我衣我食我而今已矣 是耶非耶夢耶真耶夫復何言

其二十七

萬壽寺方丈明善

訓子治家教導有方念切國際時艱悠悠自然生淨土

金枝玉葉傳留後世慈心掇救成功洒洒今已證菩提

輓關海珊

滿洲生員白恩魁

憶昔日情因鳳卜爲嫡孫擇配與寒舍聯姻本期鳩杖相携時常會話乃其人不遠爾室非遙數載間接洽久疎芳草連天空入夢

自邇來予謁鯉庭談中外新聞論國家大事方謂鶴年長享興敗可知忽星隕少微雲沉華表四鄉內老成是惜榴花滿地總傷神

輓山海關監督蘇秀亭封翁耀先七十有七溘世

宿文奎

德望樹同昌獎邀元首壽逾古稀不讓老泉獨步

言論宏議院花縣頻登海關久權豈惟季子知名

右聯 共五十
二副

制藝

五經制藝 共
二

清

圻薄父違農父若保宏父定辟

見前王 猷

列卿職之重面毖酒宜及矣夫薄違若保定辟職何如重而不毖及之其又何令哉王若曰朕欲汝劫毖而及若疇者何惟爲若之疇也矜貴倨則晏僻相高慕風流則形骸自外於是國家禁令有信於小臣而屈於大臣者難以風己不知先王建官三卿並論

正以職掌有所不分則優遊必有所不逮也蓋寓憂勤之意焉抑先王設官三卿互貫
正以盡瘁可以相師則遊情必可以相制也又寓觀摩之意焉今且爲立其名述其職
孰掌邦政而薄違是司曰維圻父是天子之守臣也其守疇於汝則與汝共扞牧圉者
也有如四方之驕逸不虔不於焉致武而以淫泆墮戎政若圻父何孰掌邦教而若保
是司曰維農父是天子之司鐸也其疇與汝則與共擾萬民者也有如衆庶之相親相
遜不於焉錫保而以沉酣傷雅化若農夫何孰掌邦土而定辟是司曰維宏父是天子
之分野也其疇於汝則與汝共謀幹止者也有如四民之群萃州處不於焉底定而以
崇飲妨何恒若宏父何則惟是就圻父而問之爾薄違夫敢先自違則以政愆而彼思
干城之托當不願罄酌之歡綱紀其亦有攸賴矣就農夫而問之爾若保夫敢先弗若
則以教愆而彼馴五方之性自不暇怡一己之情化導其亦有專責焉就宏夫而問之
爾定辟夫敢先未定則以事愆而彼按疆理之法必不甘自麗於勅法救平其亦有攸
屬矣蓋人情規異已則嚴至規同已則寬但凜共事之糾繩而顧名已切濫觴之慮習
俗劇於尊則化劇於尊我而父我者則更化但嚴多一之儀型而環顧俱深覆餗之憂
朕之惓惓若疇以此而若而知也

王氏家藏並見經藝宏括文集清乾隆十七年壬申恩科

虹始見萍始生

見前李鶴年

見與生不殊其致而春行於上下矣夫虹何以見萍何以生觀於春暮而知託始有由矣謂非行於上下哉且物不能自見也其見焉者恆麗乎天物不能自生也其生焉者必附乎地麗乎天則燦於雲霞之外附乎地則盈乎沼沚之中而要非春氣之既深則潛伏焉而其彩不彰亦閉藏焉而其機弗暢夫乃知二氣之流行運於微無不昭於顯也豈第桐與田鼠可覘季春之物象乎哉則試即虹之垂於上思之更即萍之散於下者驗之宇宙之精奇何限風雲雷雨無非變幻以呈能而虹則於幻之中愈見幻焉陰則佐雷雨之成晴亦壯風雲之色蝮蝮而在東矣問引領雲霄者孰不驚焜耀之光乎顧自陰氣漸凝之後吸酒而祥瑞待徵飲澗而筆談無據人幾無能測其端矣今則匹陳依然也色相非空形跡亦非實雲容乍展人驚紫氣之橫日色新晴儼若赤繩之繫且也映雙橋而倒影彩落平湖臨遠岫而排雲氣橫丹壑昔則日見其斂茲則日見其舒也寒暑緼縕之氣逢時而大發其華則無論日在東則西見日在西則東見而計定期以相驗覺爲雄爲雌皆自此而露其機緘蓋見端自有常期爾雨露之滋長無窮荇藻菖蒲莫非纖微之物象而萍則於微物之中更見其微焉雜荇藻而輕勻附菖蒲而隱約清風其徐來矣問臨池佇望者孰不念聚散之踪乎顧自霜露既隕以後荷殘而遙浦風清荻老而秋水淨亦幾無能尋其跡矣今則流水無恙也舒卷自如亦淺深

有致三分春景借薄潤以華滋一夜柳花入青池而改色且也柔茵始能泛鴨碧浸水而仍浮薄蜀恰可遮魚青逐波而不散則於茲而甫見其生即繼此而常見其生也浮沉離合之蹤歷久而能結其實則無論生於海者波浮兩葉生於沼者風約半池而順氣候以相推覺或紫或青胥自此而遂飄泊蓋生機自無愆誤爾此始見始生所以皆屬於季春也

李氏家藏並見道光二十五年乙巳恩科會試硃卷

四書制藝

共五

清

爲長者折枝

字子年錦
府教授 劉蔭椿

即事之易者以借鏡不得以山海目之也夫長者之命人以枝之易折也而授命者果爲之折焉否且夫物之易致者自致之可也又奚必命人待爲之致哉顧自致者不見其難斯命人者而以爲甚易則有是命者固非漫然以相強也而承是命者當急服乎其勞矣則試以折枝論則試以爲長者折枝論凡物之難持者則用挾而物以易取者則用折挾必以大力折不資乎大力也是折較挾爲甚便也而况所折之爲枝也凡勢之難越者則用超而勢之易屈者則用折超必以全力折不事乎全力也是折較超爲至逸也而况有枝之待折也天下至固者莫如山欲移而不可移若枝則柔甚世有柔

而難屈者乎則長者誠非強迫矣天下至大者莫如海欲測而莫可測若枝則微甚世有微而難取者乎則長者誠非過甚矣使長者而好爲其難謂必挾山以來前而搜彼岩阿何以借一枝之用此亦長者之不情而長者不役以挾山也而但以折枝焉耳而舉手已可效其勞使長者而故爲其刻謂必超海以遠索而遊乎蓬島以求一枝之需此亦長者之非策而長者不令以超海也僅令以折枝焉耳而近取已堪持而贈非有折衝之責豈有折鼎之虞既著敬長之心豈違事長之禮爲長折枝亦折之而已矣而

得諉爲不能哉

按題係義州聚星書院課士題院長劉子年因擬一篇以爲諸士範並批云偶擬一篇以爲諸同學式何必抄小題文府之濫章也近來小題等石印文章最易誤事其中佳文甚寥寥也文章之妙不過如題何處着

一開話也

則有慶

上取一名王鶴齡

先論慶於入疆若未易有也夫慶鉅典也於入疆時則有之非先爲諸侯勗哉嘗讀書至呂刑之篇知天子勉諸侯者曾曰咸中有慶矣顧行其慶於用刑懷王章共邀燕譽而篤其慶於考績謹侯度悉荷鴻仁君錄功焉實臣熙績焉乃嘆屬車所至洵用敷錫福之盛事焉入疆而辟治養尊在位如此此亦尙一人之慶已耳又何事別言有慶哉然而課功之典首重酬庸何容於用命勤事或濫太宰之錫予然而考績之條先宜旌善豈其於崇德報功猶吝天家之寵賜則且召都鄙之農民而詢之僉曰宜有慶則且

就膠庠之耆碩而訪之僉曰宜有慶則且進在學在朝之多士而咨之僉曰宜有慶則且觀其重農重農者宜有慶則且視其教孝教孝者宜有慶則且驗其崇德崇德者宜有慶則且覘其使能者宜有慶天子若曰是以有慶矣我國家禮亦宜之爰命太史其議有慶考周官所載福事用慶禮所以贊諸侯之喜也乃若有可慶者勸耕貴粟垂其經引年烝髦著其典國中方鼓舞而交相慶也王者豈能漠然乎命太常以勒茲丕績蓋深協翕河喬嶽之情也遂得本德曰勳力曰功言曰勞之例特示鴻恩稽宗伯所司親侯用慶典所以聯諸侯之情也乃若有諸慶者興於養而稼穡匪懈勤於教而齒德兼崇列邦且聞風而咸相慶也王者能弗殷然乎詔司勳而念茲成功蓋適符繹恩永定之志也遂得從爵馭貴祿馭富予馭幸之餘顯敷駿譽觀於加地進律蓋一人有慶百辟其型之矣

丁酉年聚星書院月課題長院劉子年批語云顧視清高氣深穩文章彪炳光陸離移贈斯文庶幾無愧

嘉善而矜不能

超等王鶴齡

嘉善人所同獨異於矜不能也夫善者雖嘉子夏何嘗矜不能哉子張若曰必嘉而矜也然後君子且天之生材也得天厚者則爲善得天薄者則不能善者先聲奪人我不爲褒人其貶諸不能者時形粥粥我不爾恤爾將安附贊揚尤必護惜焉此又君子所以異於人者君子尊賢容衆賢固善衆更有不能也夫不能之人或抱一知意切求知

或負半解情深索解或拘拘然也似無告者望施或空空如也若迷途兮待指凡以抱其絀質乞憐於人云耳則不能之人未得與善人居同見嘉許者也然在君子亦奚以爲以彼上觀千古下觀千古知材不材亦各由天賦也一旦有詢禮樂則曰不知問射御則曰不敏論書數則曰不及者君子即云嘉乃丕績安得戀戀於此不能而君子曰否否後來居上亦事之常予甚怪撫此不能者汝惟不矜大匠不爲拙工而弗誨羿不爲拙射而弗教此中大有哀矜焉懷哉懷哉舍不能其奚恤哉於是君子喟然嘆曰吾與善也善人之行事實懷我心善士之生平膾炙人口而未已也愛恤不能幸予之既出其外垂眷不能喜予之未入其中嗚呼噫嘻彼何爲而獨不能矜而矜而較之揚善者急而當此之時夫豈無忌善者而君子則以爲非矣曰善人吾不得而見之矣惟其嘉矣豈無薄待不能者而君子必以爲忍矣曰彼雖不能天惟畀矜爾不然嘉善而矜不能夫子何以告哀公此與尊容吾聞之矣

按此篇係代作義州觀風題原義州學政潘批語云毫髮無遺憾波瀾獨老成奉天提督學院批語云簇簇生新

戰必勝矣

上取
一名王鶴齡

以勝爲可必者有所主於戰之先也夫戰未易勝也乃曰必勝非有主於戰之先乎且戰陣不恃有制勝之數而恃有決勝之勢不恃有決勝之勢而恃有全勝之心蓋衆志成城何城不克有勝心乃有勝勢有勝勢乃有勝數其勝與戰若不相因者即戰與勝

若相待矣吾思不戰之君子夫君子初非好戰而矜勝也雖其時有謂戰由於得天者曰丙辰伏尾庚午勝金既天休之滋至非天忌之可犯時哉弗可失而未免爲倖勝也倖勝則不可必復有謂戰由於得地利者曰沃野千里奮擊百萬此謂天府天下之雄國也宜留意焉亦未免爲求勝也求勝則不可必惟是戰而出於君子固若以勝爲戰之常也亦祇以勝爲戰之券也所謂戰者良有故也設也列國中有如九黎之敗德如三苗之不舉如羲和之廢時如葛伯之不祀則見王赫斯怒元戎是出我旗我旌於道於陌百校羅峙千部列陳美王師之遵時茂七德而發止父老扶杖而觀子弟承筐以迎倒戈者前途獻俘者百國是戰也取彼於殘侵予之疆非敵百姓也而何難於勝何難於必勝雖我修甲兵彼戒車乘勢均力敵各籌勝算而必之於三軍之用命如先聲奪人必之於六師之同仇如左券預操所以靖難以仁勝殘以德一戰而狼野自清一戰而梟心以息一戰而長鯨既戮一戰而封豕載屠一舉干戈載橐弓矢揚分闔之威無逾六月來有苗之類不過七旬太史作書以紀之曰某年某月伐暴柔遠惟王之德肅將天威羣臣珥筆而頌之曰王旅嘽嘽王卒嶷嶷張其武備喻以德心遂取殘暴還師於京四夷賓服罔有不庭

按此係義州聚星書院月課題原長院劉子年批語云知攻必守已得驪珠行文亦古氣磅礴古色斑斕擷選樓之精英焉得不令人刮目

是豺狼也

字祇嚴清優附生城內人上取一名張濟寬

獸有至殘者不援嫂者是也夫獸至殘者莫豺狼若也以之擬嫂溺不援者孟子不己告髡哉且楚有越椒嘗誌其豺狼之聲矣抑知聲之似者堪以忍獸擬之而心之同者可以忍獸目之以忍獸形忍人則謂爲忍人也可謂爲忍獸也亦無不可嫂溺不援斯時也其危急如投豺虎其進退實爲狼狽吾將何以擬之哉詠鹿斯而事父歌狸首而孝母茲之不援其嫂者尙能孝其父母乎何得詠鹿斯何得歌狸首賡羊踐以恭兄誦猓升以睦弟茲之不援其嫂者尙能友其兄弟乎何得賡羊踐何得誦猓升將擬以麟趾未必仁厚其子孫將擬以鹿鳴未必燕樂乎賓客吾故直斥之曰是豺聲之忍人也

是狼疾之小人也不能擬以豺狼乎伯石有子曰豺聲聲如豺未必心如豺草野有民曰狼視視如狼未必心如狼獨是擬以豺狼殘忍成性即無人阻其援而自不欲援也

豈第若豺之聲狼之視禮曰豺祭獸有豺未聞有狼詩曰狼跋胡有狼未聞有豺獨是擬以豺狼虺蜴爲心即有人勸其援而終不肯援也豈第若豺之祭獸狼之跋胡世豈無豺狼成性禍及天下者夫禍僅及疏猶切指之曰豺狼而況不援者禍更及於親乎形不必如犬而心忍即豺象不必如獾而心忍即狼彼豺狼之餓噓聚斂者僅未施人而此豺狼之擬非言殘忍者更將禍人哉世亦有豺狼當道害及斯人者夫害及國人尙明斥之曰豺狼而況不援者害更及家人乎身不必有爪牙而心殘即豺行不必有

跋壺而心殘即狼彼豺狼之嗥擬空疏者僅未惠人而此狼豺之喻非謂苟薄者更將害人哉是豺狼也非嫂溺不援者未知權哉

義州聚星書院月課題長院劉子年批語云清輕靈三字其訣均得之矣斯題得此吾何聞然

右制藝共七篇

贊

唐

棘城吐谷渾贊

晉書九十七列傳第六十七

唐太宗李世民

谷渾英奮思矯頽運克昌其緒寔資忠訓

棘城慕容氏庖黠僑暉四前燕國王贊

晉書一百八至一百十一載記第八至第十一

前人

青山徙構玄塞分疆蠡茲雜種奕世彌昌角端掩月步搖翻霜乘危蝟起怙險鴟張假

竊神器憑陵帝鄉守不以德終致餘殃

棘城慕容氏寶盛熙三後燕國王贊

晉書百二十四載記第二十四

前人

戎狄憑陵山川沸騰天未悔禍人非與能疾走而捷先鳴則興道明烈烈鞭笞豪傑掃

燕夷魏釗屠永滅大盜潛移鴻名遂竊寶心生亂盛清家難熙極驕淫人懷憤惋孽貽

身咎災無以道

棘城慕容氏德超二南燕國王贊

晉書百二十七至百二十八載記第二十七至第二十八

前人

德實姦雄轉敗爲功奄有青土淫名域中超承僞祚撓其國步廟失良籌庭悲霑露

明

少師許文簡公讚像贊

少傳象太子太傳吏部尙書武英殿大學士東里 高拱

河洛縈光嵩嶽降神名世者出秉國之鈞業弘堂構德裕經綸靖共篤斐茂翊熙辰拔才若茅育善如春庶幾斷休保我黎民仁乃登壽哲能保身高朗令終二疏是倫梁木已壞光儀煥新千載論世獲識其人

清

至聖先師孔子贊

聖祖仁皇帝

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂既穹象繫亦嚴筆削上紹往緒下示來型道不終晦秩然大經百家紛紜殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖溯源洙泗景躅唐虞載歷庭除式觀利器濡毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱高萬仞夫子之堂孰窺其藩孰窺其

徑道不遠人克念作聖

清康熙三十三年

顏子贊

前人

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

全上

曾子贊

前人

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

全上

子思子贊

前人

於穆天命道之大源靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

全上

孟子贊

前人

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇竝垂六藝孔學攸傳禹功行配

全上

旌表節孝許金氏石坊贊

壬午副榜
戊子舉人吳國瑞

雲山蒼蒼松柏芒芒匹婦立志日月爭光流風遺俗山高水長

民國

邑人胡紉言明府贊

見前王鶴齡

閩山之精 凌水之英 顯謨承烈 世繼簪纓 子官民國 父宦有清

輝煌仕籍 邑乘增榮 古宜族望 巨富家聲 輓系以贊 哀死勗生

右贊 共十
二

行述

清

趙母徐太宜人行述

進趙廷熙等

嗚呼吾母太宜人竟棄 不孝等 而長逝耶太宜人年二十二歲歸我先府君至今幾六

十年先府君早年棄世困苦流離難辛備歷守 不孝等 兄弟四人以育以教至於成人

不孝廷熙 於辛未通籍後接太夫人至都門就養甫及六載罔極之恩未報萬一遽遭

大故抱恨經天萬死不足以自贖亦復何顏偷息人世哉惟念太宜人一生慈範懿行

在在堪作典型若日久湮沒不彰則不孝等獲戾滋大用是濡淚和墨謹陳大畧太宜

人系出徐氏為三韓名閥外曾王父湛恩公由侍衛賦應制詩稱旨改授部曹歷任河

帥後以閣學致仕外王父國琛公以祈州司馬署州篆所至有聲外王母氏黃亦漢軍

卷十五 藝文志下

望族即太宜人所自生也前山西老營參將諱紹公妹丁卯科舉人前工部侍郎山東

巡撫諱績嫡堂妹奉直大夫太學生壽保公胞妹丁酉科舉人現任四川保寧府知府

雙桂公己酉科舉人貴州仁懷直隸廳歷署遵義府知府諱錯公胞姑母現任古北口

提督諱錕公嫡堂姑母太宜人在閨閣時即姻內則族黨皆推重之先王父素菴府君

諱瑜公以雍正乙卯舉人揀發長蘆提廣積庫大使升任天津府鹽山縣知縣與外王

父國琛公以同寅聯姻後先王父謝職鹽山縣回籍僑寓於郡城北之陳家三屯僅有

薄田數十畝依然寒素家風先王父亦旋即謝世先府君貢植府君諱汝楷胞兄有三

府君其季也乾隆乙卯三伯父汝桂公秋試後送府君赴津門就親外王父家成禮之

日適三伯父捷音至親族觀禮者咸以爲家門之慶云迨府君偕吾母回錦時先王母

才太君在堂家門本寒素僅供饘粥太宜人一力撐持甘旨之奉一唯先王母所欲時

有大二三伯母同侍起居惟太宜人尤得先王母歡鄉閭由是稱孝焉惟念太宜人在

閨門時值外祖家鼎盛飲食起居席豐履厚非寒素家所能及迨歸先府君一寒士也

又居於鄉太宜人安之若素先王母甚憐之常推食太宜人俱分賜諸侄輩不肯入己

口且太宜人自幼聞葱蒜氣即嘔因此常忍飢人不知也時大先伯持家奉天俗樸厚

雖素裕家俱家人執爨事居鄉者尤儉僱工種地恒數十名飲食皆自散給先王母憐

太宜人素未習此勞不忍令與諸婦同作而太宜人□益自強不肯居人後其辛苦勞
勸真有令人不忍□不忍聞者而太宜人則行之若素鄉里皆以爲難次年先府君入
泮旋即食餼恒館於外太宜人侍奉先王母又兼勞家務者數年至乙酉府君補恩貢
是年長姊生後因食指日繁艱於合爨府君與父議以奉養先王母爲己任時親友俱
議析爲五其一爲先王母養膳府君與太宜人力辭仍均以四歲戊子不孝廷燾生壬辰

次姊生甲午不孝廷烜

生太宜人仰事俯恤既勞且瘁且自析居後家徒四壁府君以

筆耕資饘羞太宜人日操井臼夜作針黹佐家政逾年先府君亦館穀稍豐太宜人甫
少慰乃先王母又忽得痰症起居不能自遂先府君因居鄉艱於醫即於乾隆四十一
年遷居城中太宜人移侍先王母側晨昏左右累月目不交睫凡先王母所欲無不適
如其意以故不能頃刻離如是者三年則太宜人之純孝也丁酉不孝廷熙生戊戌先

王母才太宜人棄世府君暨太宜人哀痛倍至喪葬皆如禮先府君所由告無媿者惟
太宜人之力居多服闋後三伯父入都需次無力措資斧府君與太宜人議質所分之
田儘數傾助之家計又益窘而諸父尤甚府君又與太宜人隨時竭力推解嗚呼太宜
人之用心亦良苦矣至乾隆四十六年辛丑正月先府君以家政操勞過度得疾時家
無餘積太宜人則質典釵環料理醫藥至四月病良已先府君即出門謝客至六月病

又發醫不復效竟於初五日亥時去世享年四十三歲嗚呼痛哉太宜人少府君一歲是時不孝廷熾十四歲廷烜八歲廷熙五歲廷煦則甫於四月生耳太宜人慟極幾不欲

生因環顧而泣曰死易易耳以是藐諸孤將焉置之若一廢棄趙氏書香絕矣乃強起

為先府君料理身後事喪葬皆如禮當先府君之歿也戚某有欲助之棺者太宜人力

辭之曰未亡人有子四雖成立未可知而父死不能殯何以為人子耶卒謝不受太宜

人之所見遠矣及葬先府後一稚弱孤苦零丁實無以自存太宜人乃携不孝等赴天

津外祖家維時外王父尙在堂太宜人晝則侍奉夜則燈下課讀少暇針黹不去手如

是者又四年外祖給資回錦即於是年為不孝廷熾娶於夏次年聘次姊戊申外王父

訃至太宜人以路遠不克奔喪一慟幾絕即命不孝廷熾赴津哭奠至庚戌夏不孝廷

熾妻之伯父諱蘭公選授直隸寧河縣令夏姻兄夢颺接眷赴任太宜人挈不孝等

相隨赴渠梁居年餘又赴天津時外祖家已中落太宜人惟以不孝等讀書為念雖僕

僕道路間時引經書中語詳為講解指示俾知動必則古昔又時舉鄉里中某人事可

為法某人事當為戒俾知所擇守到處親友見太宜人之作人無不欽佩而太宜人寢

不安席食不甘味惟以不孝等不能成立為憂嘗垂淚諭不孝等曰爾等讀書無成則

趙氏書香自予而墜予何以見爾父於地下予死後有餒而已不汝享矣自今思之言

猶在耳嗚呼痛哉乙卯由天津仍赴寧河即於是年回錦爲不孝廷烜娶於才時不孝廷

熾遊幕於外不孝廷熙棄舉業改途貿易嘉慶丙辰不孝廷烜入泮又次年爲不孝廷

熙娶於王於時食指日繁有勸不孝廷熙改途謀生計者太宜人告之曰余所生四子

不能盡令讀書已無以對亡人於泉下此子也才若並棄之他又何望焉姑試令就讀

俟無成再議不遲也庚申不孝廷熙補博士弟子員辛酉舉於鄉壬戌不孝廷烜歲試

一等食餼次年爲不孝孝熙娶於魏於是婚嫁事畢太宜人勞力勞心十數年於茲可

以少慰矣而不孝廷烜暨不孝廷熙屢應鄉會試不獲售太宜人無隱憂惟以勉力讀書

勿稍懈志爲勗且命不孝廷熙曰爾強得寸進然硯食維艱予已桑榆暮景所欠親友

之情無日可報予之晝夜不安者也爾宜謹記之是年三先伯解組歸宦况蕭然無以

爲養太宜人請以共爨居年餘三先伯自覺不安移居於團山老宅太宜人仍時饋

問不絕嗣三先伯三伯母暨二先伯相繼下世太宜人命不孝等親含斂具棺衾且教

不孝等曰凡親故尙宜周恤况胞伯父母乎此皆人分內事非好行其德也且常云人

之作人當存厚道量其力而行之以求吾心所安而已不孝廷熙常於讀書暇時見事

之有關懲勸者竊記之積久得二百餘條一日爲太宜人所見責之曰爾所記多近人

事將以勸世乎勸世而翹人過是爾居心已不厚且令其子孫見之必多不安將隱惡

揚善之謂何命速焚之毋蹈筆墨孽則太宜人之教不孝等大率類此辛未不孝廷熙

成進士授內閣中書親友稱賀者無不道太宜人之食報有由焉不孝廷熙因冷宦京

師無以供菽水擬欲改歸本班就知縣而太宜人令止之曰以京官用正吾之志也豈

改知縣以為利乎此念斷不可存且汝將來作官倘使一文贓錢即祭五鼎予亦不享

熙謹記不敢忘是歲冬承親友資助迎太宜人來京就養太宜人常諄諄訓曰自爾祖

父以來世莅外任皆忠厚積德畢生無稗行爾始有今日雖以寒士作冷官總當竭爾

心力無負厥職不孝廷熙聽命維謹是年終不孝廷燿自甘肅遊幕來京省親壬申不

孝廷熙充方畧館分校終日值館事而太宜人綜理家務猶日事補綴是年春不孝廷

熙賈失利亦來京省視冬月不孝廷熙婦王氏卒太宜人泣命不孝廷熙曰爾婦在

我家無少違禮且生二子宜如例治喪勿以我廢禮時諸嫂俱在籍太宜人無侍奉而

操勞家務兼撫育諸幼孫心力幾耗不孝廷燿在籍聞信令長孫曰和侍其母兼程來

京太宜人心少慰次年又為不孝廷熙聘於劉且曰諸孫幼此事宜急辦予心始慰遂

命不孝廷熙赴河南汲縣就親兩閱月不孝廷熙攜婦回京太宜人甚喜是年不孝廷

燿遊幕九江甲戌不孝廷燿舉優貢是年秋不孝廷熙隨蹕木蘭太宜人為收拾行裝

無微不備冬間二表兄雙桂以四川保寧府知府來京引見與太宜人多年睽別適十

三舅父亦來京團叙話舊每至漏數下不倦如是者兩月餘都中親友無不稱羨以爲壽徵迨歲底忽患手麻即延醫調視並服酒藥不數月精神如舊乙亥秋不孝廷熙又

扈蹕灤陽時以舊居湫隘將易他所適奉差就道迨差竣回京太宜人已率僕婢等遷

寓矣太宜人雖年近八旬而布置一切猶經理裕如是年不孝廷烜考取盛京教習丙

子春不孝廷熙爲太宜人預慶八十演劇時親友稱觴者見太宜人之精神強固無不

嘖嘖稱羨丁丑春不孝廷燿暨不孝廷熙俱來京省視五月二十七日爲太宜人壽辰

不孝等恭率諸孫綵觴稱慶親友來祝者甚衆是日談笑極歡喜爲加餐不孝等竊謂

太宜人脾胃素壯耳目俱聰明牙齒尤健燈下猶可看書授諸孫字無異壯年且以太

宜人之德尤宜享遐齡孰意不數日忽染時症飲食不進醫藥無靈至六月初六日未

時竟棄不孝等而長逝矣嗚呼痛哉不孝廷燿侍奉無狀罪難擢髮數不孝廷烜在籍

不獲親視含歛不孝廷熙今春又兼充玉牒館協辦纂修不克朝夕左右致罔極深恩

未獲稍報萬一言念及此不孝等真萬死莫贖矣嗚呼痛哉嗚呼痛哉太宜人明達練

事通經史却不從與人談文惟以女紅爲重生平無疾言遽色馭下寬而有制人亦願

服其勞愛諸孫尤切然稍有過失必加教責無少姑息與族人及姻婭隣里藹然相接

親友家偶有詬誶者聞太宜人至輒自解性好善自奉極儉有告貸者即無錢必假以

質物雖當先府君棄世家貧如洗之時有負欠者不能償猶焚其券而慰諭之是以卒之日內外皆失聲即家鄉親友聞之者亦皆感嘆不置蓋慈惠之入人深也太宜人生於乾隆三年五月二十七日未時歿於嘉慶二十二年六月初六日未時享壽八十歲以先府君乙酉科恩貢候選儒學教諭例封儒人以不孝廷熙官例封宜人子四長廷

耀候選從九娶夏氏原任定興縣訓導蕙公女乾隆丙子科舉人原任河間府景州知

州蘭公胞姪女次廷烜歲貢生充盛京宗學教習候選訓導娶才氏候選縣左堂介福

公女繼娶張氏歲貢生晰公胞妹次廷熙嘉慶辛酉科舉人辛未進士欽點內閣中書

充方略館分校國史館校閱玉牒館協修協辦侍讀娶王氏之璧公女國標公胞妹繼

娶劉氏邑庠生奉政大夫諱士藻公女乙丑進士前任河南汝州直隸州知州廣澍歲

貢生廣澂癸酉拔貢浙江候補知縣廣涓公胞妹次廷煦國學生娶魏氏庠生霄公女

歲進士聯舉武舉人聯璧公胞妹女二長適盛京左右翼教習候選儒學孫諱銘公次

適附貢生魏諱恩榮公孫七曰和曰中不孝廷燿出曰強曰剛曰德不孝廷烜出曰吉曰亨

不孝廷熙出曾孫松齡孫曰和出不孝等苦次昏迷語無倫次伏冀當代大人先生錫之

銘誄俾傳久遠則不孝等世世子孫感且不朽趙氏家藏清嘉慶二十三年

書

晉

與陶侃書

侍中位
特進慕容廆

明公使君轂下振德耀威撫寧方夏勞心文武士馬無恙欽高仰止注情彌久王塗險遠隔以燕越每瞻江湄延首遐外天降艱難禍害屢臻舊都不守奄爲虜庭使皇輿遷幸假勢吳楚大晉啓基祚流萬世天命未改玄象著明是以義烈之士深懷憤踊猥以功薄愛國殊寵上不能掃除羣羯下不能身赴國難仍縱賊臣屢逼京輦王敦倡禍於前蘇峻肆毒於後凶暴過於董卓惡逆甚於催汜普天率土誰不同忿深怪文武之士過荷朝榮不能滅中原之寇刷天下之恥君侯植根江陽發曜荆衡杖葉公之權有包胥之志而令白公伍員殆得極其暴竊爲邱明恥之區區楚國子重之徒猶恥君弱羣臣不及先大夫厲己戒衆以服陳鄭越之種蠡尙能弼佐句踐取威黃池况今吳土英賢比肩而不聞輔翼聖主陵江北伐以義聲之直討逆暴之羯檄命舊都之士招懷存木之人豈不因風振落頓坂走輪哉且孫氏之初以長沙之衆摧破董卓志匡漢室雖中遇寇害雅志不遂原其誠心乃忽身命及權據揚越外杖周張內憑顧陸拒魏赤壁克取襄陽自茲以降世主相襲咸能侵逼徐豫令魏朝旰食不知今日之江表爲賢儻

匿志藏其勇略耶將呂蒙凌統高縱曠世哉况今凶羯逆暴中州人士逼迫世促其顛沛之危甚於累卵假號之彊衆心所去敵有釁矣易可震蕩王朗袁術雖自詐偽皆基淺根微禍不旋踵此皆君侯之所見聞者矣王司徒清虛寡慾善於全己昔曹參亦崇此道著畫一之稱也庾公居元舅之尊處申伯之任超然高蹈明智之權虜於寇難之際受大晋累世之恩自恨絕域無益聖朝徒係心萬里望風懷憤今海內之望足爲楚漢輕重者惟在君侯若戮力盡心悉五州之衆據豫兗之郊使向義之士倒戈釋甲則羯寇必滅國恥必除虜在一方敢不竭命孤軍輕進不足使勒畏首畏尾則懷舊之士欲爲內應無由自發故也故遠陳言言不盡宣

按慕容廆棘城（在義州西北）人
見乾隆元年盛京通志藝文

上陶侃書

行遼韓
東相韓 矯

自古有國有家鮮不極盛而衰自大晋龍興克平嶠會神武之略邁縱前史惠皇之末后黨構難禍結京畿釁成分族遂使羯寇乘虛傾覆諸夏舊都淪滅山陵毀掘人神悲悼幽明發憤昔玃狁之強匈奴之盛未有如今日羯寇之暴跨躡華裔盜稱尊號者也天祚有晋挺授英傑車騎將軍慕容廆自弱冠蒞國忠於王室明允恭肅志在立勳屬海內分崩皇輿遷幸元皇中興初唱大業肅祖繼統蕩平江外虜雖限以山海隔以羯寇翹首引領係心京師常假寤寐欲憂國忘身貢篚相尋連舟載路馬一作戊不稅駕動

成義舉今羯寇滔天怙其醜類樹基趙魏跨略燕齊虜雖率義衆誅討大逆然管仲相齊猶曰寵不足以御下况虜輔翼王室有匡霸之功而位卑爵輕九命未加非所以寵異藩翰敦獎殊勳者也方今詔命隔絕王路嶮遠貢使往來動彌年載今燕之舊壤北周沙漠東盡樂浪西暨代土今作山南極冀方而悉爲虜庭非復國家之域將佐等以爲宜遠尊周室近準漢初進封虜爲燕王行大將軍事上以總統諸部下以割損賊境使冀州之人望風向化虜得祇承詔命率合諸國奉辭夷逆以成桓文之功苟利社稷專之可也而虜固執謙光守節彌高每詔所加讓動積年非將佐等所能敦逼今區區所陳不欲苟相崇重而愚情至心實爲國計晉書一百八載記第八

報封抽韓矯等書

晉太陶侃

車騎將軍憂國忘身貢筐載路羯賊求和執使送之西討段國北伐塞外遠綏索頭荒服以獻惟北部未賓屢遣征伐又知東方官號高齊班進無統攝之權退無等差之降欲進車騎爲燕王一二具之夫功成進爵古之成制也車騎雖未能爲官摧勒然忠義竭誠今騰牋上聽可不遲速當任天臺也晉書一百八載記第八

與庾冰書

幽州牧平慕容皝

君以椒房之親舅氏之昵總據樞機出內王命兼擁列將州司之位昆弟網羅顯布畿

旬自秦漢以來隆赫之極豈有若此者乎以吾觀之若功就事舉必享申伯之名如或不立將不免梁竇之迹矣每觀史傳未嘗不寵恣母族使執權亂朝先有殊世之榮尋有負乘之累所謂愛之適足以爲害吾嘗忿歷代之主不盡防萌終寵之術何不業以土之封令藩國相承如周之齊陳如此則永保南面之尊復何黜辱之憂乎竇武何進虛已好善賢士歸心雖爲閹豎所危天下嗟痛猶有能履以不驕圖國忘身故也方今四海有倒懸之急中夏通僭逆之寇家有漉血之怨人有復讐之感寧得安枕逍遙雅談卒歲耶吾雖寡德過蒙先帝列將之授以數郡之人尙欲并吞強虜是以自頃迄今交鋒接刃一時務農三時用武而猶師徒不頓倉有餘粟敵人日畏我境日廣况乃王者之威堂堂之勢豈可同年而語哉

晉書一百九
載記第九

上燕王書

晉穆帝永和五年

前軍都督慕容霸

石虎窮山極暴天之所棄餘燼僅存自相魚肉今中國例懸企望仁恤若大軍一振勢必投戈難得而易失者時也萬一石氏復興或有英豪據其成資豈惟失此大利亦恐

更爲後患

燕王名儁

上慕容皝書

記室參軍封裕

臣聞聖王之宰國也薄賦而藏于百姓分之以三等之田十一而稅之寒者衣之飢者

食之使家給人足雖水旱而不爲災者何也高選農官務盡勸課人治周田百畝亦不假牛力力田者受旌顯之賞惰農者有不齒之罰又量事置官量官置人使官必稱須人不虛位度歲入多少裁而祿之供百僚之外藏之太倉三年之耕餘一年之粟以斯而積公用于何不足水旱其如百姓何雖務農之令屢發二千石令長莫有志勤在公銳盡地力一作利者故漢祖知其如此以墾田不實徵殺二千石以十數是以明章之際號次昇平自永嘉喪亂百姓流亡中原蕭條千里無烟飢寒流隕相繼溝壑武宣王以神武聖略保全一方威以殄奸德以懷遠故九州之人寒燠殊俗襁負萬里若赤子之歸慈父流人之多舊土十倍有餘人殷地狹故無田者十有四焉殿下以英聖之資克廣先業南摧強趙東滅句驪北取宇文拓境三千里增民十萬戶繼武闡廣之功有高西伯宜省罷諸苑以業流人人至而無資產者賜之以牧牛不當更收重稅也人既殿下之人牛豈失乎善藏者藏于百姓若斯而已矣邇者深副樂土之聖中國之人皆將壺餐奉迎石虎誰與居乎且魏晉雖道消之世猶削百姓不至于七八特官牛田者官得六分百姓得四分私牛而官田者與官中分百姓安之人皆悅樂臣猶曰非明王之道而况增乎且水旱之厄堯湯所不免王者宜濬治溝澮循鄭白西門史起漑灌之法旱則決溝爲雨水則入于溝澮上無雲漢之憂下無昏墊之患句驪百濟及宇文段部之

人皆兵勢所徙非如中國慕義而至咸有思歸之心今戶垂十萬挾湊都城恐方爲國
家深害宜分其兄弟宗屬徙于西境諸城撫之以恩檢之以法使不得散在居人知國
之虛實今中原未平資畜宜廣官司猥多游食不少一夫不耕歲受其飢必取于耕者
而食之一人食一人之力游食數萬損以如之安可以家給人足治致昇平殿下降覽
古今之事多矣政之巨患莫甚于斯其有經略出世才稱時求者自可隨須致一作之
列位非此已往其耕而食蠶而衣亦天之道也殿下聖性寬明思言若渴故人盡芻蕘
有犯無隱前者參軍王憲大夫劉明並竭忠獻欵以貢至言雖頗有逆鱗意在無責主
者奏以妖言犯上致之于法殿下慈宏包納恕其大辟猶削出禁錮不齒于朝其言是
也殿下固宜納之如其非也宜亮其狂狷置諫臣而求直言亦猶北行趨越豈有得邪
右長史宋該等阿媚苟容輕劾諫士已無骨鯁嫉人之有掩蔽耳目不忠之甚四業者
國之所資教學者有國盛事習戰務農尤其本也百工商賈猶其末耳宜量軍國所須
置其員數已外歸之于農教之戰法學者三年無成亦宜還之于農不可徒充大員以
塞聰僂之路臣之所言當也願時速施行非也亟加罪戮使天下知朝廷從善如流罰
惡不掩王憲劉明忠臣也願宥忤鱗之愆收其藥石之效

晉書一百九
載記第九

上靈太后書

郎中韓子熙

竊惟故主太傅清河王職綜樞衡位居論道盡忠貞以奉公竭心膂以事國自先皇崩
殂陛下冲幼負辰當朝義同分陝宋維反常小子性若青蠅汗白點黑讒佞是務以元
乂皇姨之壻權勢攸歸遂相附託規求榮利共結圖謀坐生眉眼誣告國王枉以大逆
賴明明在上赫赫臨下泥漬自消玉質還潔謹案律文諸告事不實以其罪罪之維遂
無罪出爲大郡刑賞僭差朝野怪愕若非宋維與乂爲計豈得全其身命方撫千里王
以權在寵家塵謗紛雜恭慎之心逾深逾厲去其本宅移住殿西闔門靜守親賓阻絕
于時吏部諮稟劉騰奏其弟官郡戍兼補及經內呈爲王駮退騰由此生嫌私深怨怒
遂乃擅廢太后離隔二宮考闕胡定誣王行毒含齒戴髮莫不悲惋及會公卿議王之
罪莫不俛眉飲氣唯諮是從僕射游肇亢言厲氣發憤成疾爲王致死王之忠誠款篤
節乂純貞非但蘊藏胸襟實乃形於文翰搜括史傳撰顯忠錄區目十篇分卷二十旣
欲彰忠心於萬代豈可爲逆亂於一朝乞追遺志足明丹款乂籍寵姻戚恃握兵馬無
君之心實懷早白擅廢太后枉害國王生殺之柄不由陛下賞罰之詔一出於乂名藩
重地皆其親黨京官要任必其心腹中山王熙本興義兵不圖神器戮其大逆合門滅
盡遂令元略南奔爲國臣患奚康生國之猛將盡忠弁市其餘枉被屠戮者不可稱數

緣此普天喪氣匝地憤傷致使朔隴猖狂歷歲爲亂荆徐蠢動職是之由昔趙高秉秦令關東鼎沸今元乂執權使四方雲擾自古及今竹帛所載賊子亂臣莫此爲甚開逆之始起自宋維成禍之末良由騰矣而令凶徒姦黨迭相樹置高官厚祿任情自取非但臣等痛恨終身抑爲聖朝懷慚負愧以臣赤心悽悽之見宜臬諸兩觀洿其舍廬騰合斲棺斬骸沈其五族上謝天人幽隔之憤下報忠臣冤酷之痛方乃崇亞三事委以樞端所謂虎也更傳其翼朝野切齒遐邇扼腕蔓草難除去之宜盡臣歷觀曠代緬追振古當斷不斷其禍更生况又猜忍更居衡要臣中宵九歎竊以寒心實願宸鑒早爲之所臣等潛伏閭閻於茲六載旦號白日夕泣星辰叩地寂寥呼天無響衛野納肝秦庭夜哭千古之痛何足相比今幸遇陛下叡聖親覽萬幾太后仁明更撫四海臣等敢

詣闕披陳乞報冤毒

魏書卷六十列傳第四十八

上高祖書

中書侍郎韓顯宗

竊聞輿駕今夏若不巡三齊當幸中山竊以爲非計也何者當今徭役宜早息洛京宜速成省費則徭役可簡并功則洛京易就往冬輿駕停鄴是閒隙之時猶編戶供奉勞費爲劇聖鑒矜愍優旨殷勤爵浹高年賚周鰥寡雖賑普霑今猶恐來夏菜色况三農要時六軍雲會其所損業實爲不少雖調斂輕省未足稱勞然大駕親臨誰敢寧息往

來承奉紛紛道路田蠶暫廢則將來無資此國之深憂也且向炎暑而六軍暴露恐生
痼疫此可憂之次也臣願輿駕早還北京以省諸州供帳之費并功專力以營洛邑則
南州免雜徭之煩北都息分析之歎洛京可以時就遷者僉爾如歸其二曰自古聖帝
必以儉約爲美亂主必以奢侈貽患仰惟先朝皆卑宮室而致力於經略故能基宇開
廣業祚隆泰今洛陽基址魏明帝所營取譏前代伏願陛下損之又損頃來北都富室
競以第宅相尙今因遷徙宜申禁約令貴賤有檢無得踰制端廣衢路通利溝渠使寺
署有別四民異居永垂百世不刊之範則天下幸甚矣其三曰竊聞輿駕還洛陽輕將
數千騎臣甚爲陛下不取也夫千金之子猶坐不垂堂况萬乘之尊富有四海乎警蹕
於闐闔之內者豈以爲儀容而已蓋以戒不虞也清道而後行尙恐銜蹶之或失况履
涉山河而不加三思哉此愚臣之所以悚息伏願少垂省察其四曰伏惟陛下耳聽法
音目翫墳典□對百辟心虞萬幾晷昃而食夜分而寢加以孝思之至隨時而深文章
之業日成篇卷雖叡明所用未足爲煩然非所以嗇神養性頤無疆之祚莊周有言形
有待而智無涯以有待之形役無涯之智殆矣此愚臣所不安伏願陛下垂拱司契委
下責成唯冕旒垂纒而天下治矣

魏書卷六十列傳第四十八

諭崔道固書

征南大將軍上黨公慕容白曜

天弁劉彧禍難滋興骨肉兄弟自相誅戮君臣上下靡復紀綱徐州刺史薛安都豫州刺史常珍奇兗州刺史畢衆敬等深覩存亡翻然歸義故朝廷納其誠款委以南蕃皆目前之見事東西所備聞也彼無鹽戍主申纂敢縱奸慝劫奪行人官軍始臨一時授首房崇吉固守升城尋即潰敗自襄陽以東至于淮海莫不風靡服從正化謂東陽歷城有識之士上思安都之榮顯下念申纂之死亡追悔前惑改圖後悟然執守愚迷不能自革猥總戎旅掃定北方濟黃河知十二之虛說臨齊境想一變之清風踟蹰周覽依然何極故先馳書以喻成敗夫見幾而動周易所稱去危就安人事常理若以一介爲高不悛爲美則微子負嫌於時紀季受譏於世我皇魏重光累葉德懷無外軍威所拂無不披靡固非三吳弱卒所能擬抗況於今者勢已土崩劉彧威不制秣陵政不出閩外豈復能浮江越海赴危救急恃此爲援何異於蹄涔之魚冀拯江海夫蝮蛇螫手則斷手螫足則斷足誠忍肌體以救性命若推義而行之無割身之痛也而可以保家

寧宗長守安樂此智士所宜深思重慮自求多福

魏書卷五十一列傳第三十八

明

與鄧都闔書

見前賀 欽

欽之不才荷蒙誤舉母老身病有幸盛意愧負愧負更望執事充此爲國薦才之心廣

詢博訪不間幽顯苟得其人隨其才德之巨細或上之朝廷或薦之鎮守或用以自輔或委拔衛所以主軍政此忠盡之大端也或以生之不才有辜盛意而遂沮夫薦賢之心豈可乎哉惟高明勉圖之

乾隆元年盛京通志藝文

與王天申書

前人

今侄誠繡衣公選入遼右書院用功杜誠亦然誠母老疾嗽喘不寧雙目不辨物色思其子不得見日夜憂戚書院生惟歲暮得歸餘時不得擅出書院門侍者弗容故耳杜恣之在官能不思其母耶萬一自今而後母氏告終寧不爲終天之恨耶竊謂相知之深者當速語恣之使及早辭官歸養老母終其天年服闋再起能忠孝兩全也恣之與吾天申爲窗友而余亦托交恣之父子間知恣之歸養爲美事而不以告是吾人先不自盡朋友之道也是明視恣之墮不孝之域不一引手救之也是謂恣之不能辭官歸養便已私忘母慈也在吾人而可如是乎曾謂恣之之賢聞良友之忠言不惕然悔悟解組趨庭終愧反哺之烏乎因會錦州友言李廷幹父八十有餘病臥弗起余曰朋友當勸廷幹歸終養再仕張解州在座曰子何舍近求遠杜母如是而不勸恣之尙何廷幹之勸余深然之用有此舉惟天申圖之

乾隆元年盛京通志藝文

清

與趙鳴岐書

都察院工科給事
中翰林院庶吉士朱顯廷

鳴岐老弟如見凌川握別倏易數旬相安抵都門起居佳善為慰兄如常株守乏善足

述所幸眷屬平安差慰綺注今將尊作二篇草為參核殊抱不安因闌期在即只得寄

去以塞責耳諒知己者必格外見原也專此敬候元安並請於心翁二叔老大人座前

叱名請安姻愚兄朱顯廷頓首

其二

乙酉拔貢深澤縣知事張尙瑛

鳴岐大兄大人如晤多日不見為歉前聞大駕移居會館正擬造訪又有他事所阻貴

居停曾文正公大事記一本現在劉錫綬處借觀俟弟一二日出城取回必親自送到

萬無遺失至吳鳴九寄存五經揭要一時未在手下待查此覆即請元安不另愚弟張尙瑛頓首

其三

朱乃禎

鳴岐表弟先生大人閣下昨閱手示敬悉種種楊運午新貴前曾來舍一謁篤兒會面

知其人甚老成渠欲結伴入都甚愜鄙願一二日內令篤兒與之面訂起身日期至到

京引見于良宗兄更屬易事宗兄平日愛士無不樂與交接也手此代面即請刻安諸

維亮察不備侍教愚表兄禎朱乃禎頓首

其四

洪兆麟

鳴岐賢契閣下如晤客歲聚首都門往來面談意甚愜也冬底別來又忽忽半載餘矣本擬今春回京仍就舊館兼可彼此聚會藉慰離情不意年前到家時室人老病較重至正月內仍未見痊兒輩贊鈞等皆不欲余遠行是以未獲西上仍立館於楊柳屯人數不及往年之多惟喜去家不遠耳今幸病人漸痊差堪告慰未識閣下之館今歲何如竊料無不如意耳年前閣下欲就通州倉場効力以爲教職階梯乃所謀未遂想亦有數存焉不該由此途進自當另覓別途耳况當秋闈在即攀桂蟾宮聯步青雲不禁拭目俟之此科鄉試舍侄贊廷因新分爨未能前往惟贊鈞晉京然所備盤費無多京中需用及回家路費一切未備惟望閣下將年前所挪之銀兩交還爲妥勿令贊鈞在京拮据是即愛我之至矣愚年前至家諸多窘手所有與人行息借貸尙多未完今年館穀又不甚豐一切往還日用頗多所入不敵所出故急需此項銀兩耳又兼旗號鄉試所費較繁故望閣下務必代爲措辦纔好所挪之銀前後共二十五兩祈交銀時將愚所用閣下之皮棹墊翎笛與京票十一仟合銀多少不妨留下餘即親交贊鈞手千萬無悞切囑切囑專此特達即問近佳兼候捷報餘希心照不暨

友人洪子興、

其五

王炳章

鳴岐仁弟大人文几如見前者文旌辱臨匆匆話別未得盡東道之誼殊深歉仄然知

已者諒必見宥捧讀大作雍容華貴偉俊光明字斟句酌煞費苦心得列榜首原非濫叨拜服拜服今歲曾未獲正案然明春采芹直如拾青紫耳堪爲預賀然尤願大弟在府閉戶潛修勿懈厥志明春三試奪標兄將拭目俟之忝係末交與有榮施今寄去佳作一篇祈收訖匆匆草此藉頌吟安

如兄王炳章頓首

右書共十
六篇

簡

明

簡石齋陳先生其六

見前賀 欽

欽往年京師承教誨之勤恩同父母奉別至今忽忽九載企慕之私無間時刻屢辱惠書教并紀夢說自策讀近思錄諸詩及門下從遊諸友論學書每一拜領如飢之得食渴之得飲欽佩恩教莫可言喻第昏昧之質立志弗堅加以壬辰析居以來創構室廬課治田事不克專意於學是以雖荷教誨屢屢未能少進愧愆之至推其病源又以不知其要耳何者往時見書冊中先聖垂教之言及親承先生之誨或涵養或省察或致知力行無所不信無所不悅隨所聞見以用其力特以實非自得不知大要見無一定力且弗專坐是迄今無少改于其故耳今者屢承開示潛玩久之乃知此理充塞天地

貫徹古今無處不有無時不然事事物物各有本然之理吾人何必勞攘勿忘勿助循其所謂本然者而已然雖見得大意如此苟非格物致知灼見事事物物本然之妙烏能勉強以循之此知之所以當先也然非敬以涵養此心使其常主於中不馳於外則身且無主雖視之不見雖聽之不聞至麤至近者且不能應酬之況於究義禮精微之極乎此涵養之功又在知之先也以是知今日用功之始惟當先事涵養放心不收終難爲學此則決無疑也林絕熙端默有見誠晚學所當遵行欽又欲求僻靜處或山寺中靜坐以收久放之心第老母年高無他兄弟備養理無可出今春二月攜一二生始就本城奉國僧寺杜門調攝旬日一歸省母於是收心讀書然亦弗能累旬端默但孜孜持敬以收放心之意則弗敢忘耳前時因循負教罪過千萬自今稍識用功寧敢蹈故轍以自取絕於大賢君子耶自是以後積累久之幸有所疑所得續當請教仰惟先生道明教行樂莫大焉欽之不肖再得親炙函丈不識在何年耳相望萬里不勝馳情謹貢此書不罪僭易幸甚

乾隆元年盛京
通志藝文

簡都闖王公

前人

日昨進拜蒙厚款承喻教家人紡績推及以及城堡居人甚大惠也蓋此方之人素不曉此用是困於無衣若上之人教勸之使一方無一家之不紡織日後人人遂暖衣之

願無號寒之苦則大人恩澤之溥極於久遠人之感惠不但有五袴之謠也桑棗之植亦有久遠之利不三數年便見成效又云欲作射圃於府中以教射藝亦大好事凡此俱望及時行之邊方之大幸也恐公務繁多或以此爲不急則非吾民之福矣用敢瀆

告惟高明留意焉

乾隆元年盛京
通志藝文明

右簡共二
篇

文

明

祭古墓文

見前賀
欽

維年月日戶科給事中賀欽遣園丁朱紀以隻鷄杯酒之奠昭告於前朝古墓主人之靈今歲之夏園丁作廬掘土築墻石棺以見奈何愚夫不告蔽而埋骨別所取棺入城貨人爲槽用祀畜產自恨無德化及家衆乃致園丁爲此不仁知之後時改過遲暮謹以遺骨復歸故器深埋堅築誌以封土期以久遠更無他虞世俗衰薄殘忍成風石棺飼畜比比皆爾曾念古人骨棄何所我亦人耳忍復用茲安得仁人在位行政各使遺骸得歸故藏德薄力微痛惻而已謹遣園丁酌酒謝過不忘者存鑒此誠意尙享

乾隆元
年盛京

通志
藝文

清

御製訓飭士子文

聖祖仁皇帝

國家建立學校原以興行教化作育人材典至渥也朕臨馭以來隆重師儒加意庠序近復慎簡學使釐剔弊端務期風教修明賢才蔚起庶幾樸域作人之意乃比年士習未端儒效罕著雖因內外臣工奉行未盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功源委有叙爾諸生幼聞庭訓長列宮牆朝夕誦讀寧無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文童歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社要盟乃如之人名教不容鄉黨弗齒縱倖脫褫朴濫竊章縫返之於衷能無媿乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻頃已作姦犯科則異時敗檢踰閑何所不至又安望其秉公持正爲國家

宣猷樹績膺後先疏附之選哉朕用嘉惠爾等故不禁反復惓惓頒茲訓言爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮即爾祖父亦增光寵矣逢時得志寧俟他求哉若仍視爲具文玩愒勿傲毀方躍治暴棄自甘則是爾等冥頑無知終不能率教也既負栽培復干咎戾王章具在朕亦不能爲爾等寬矣自茲以往內而國學外而直省學校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難追勿謂朕言之不預也爾多士尙敬聽之哉

清康熙元年見清雍正十三年盛京通志典謨

祭蒲州府步千景公文

清舉人直隸
正定府同知王仲

嗚呼死生之數如朝暾之必頽也而生無虛晷死有餘哀則惟有德是歸若吾鄉千景公者殆其人哉翁爲河中望族生而岐嶷幼攻舉子業經史百家靡不淹貫試輒高等食餼膠庠丙辰恩科本房以第一人特薦因一字微疵遂貢成均雖翁之食報于詩書者未竟其志而士林之羣奉爲典型者匪伊朝夕矣既而俯就一秩歸於泉石菽水布衣日與諸生談詩論文恬淡自若大約翁爲人性樸直以禮自持不可干以私而與人交實和藹如坐春風中然諾不欺坦衷及物不設城府不務機械深得聖門忠恕之旨焉至於處家也事兩大人以孝撫諸弟以友御伉儷以敬課諸子以義方睦宗族以恩

周親朋以信而惠即家無斗儲而以急難告者濟之無吝色無怠容此真可謂有德者矣夫有斯德何難於介斯福以故熙養天和壽踰古稀辛卯年得選壺關教諭邑之人交相慶曰行見鐸音所被古黎士子均沾化雨一杼數十載雪案螢窗文章道德之力也緣抱微疾優游林下赤松之仙躅堪追洛社之耆英復覩詎意玉樓召急不過七旬有八遽乘箕尾而歸天上耶語云天道無親常與善人不於其身必于其子孫今翁育其丈夫子有二長□□善治家律身循謹承顏養志次公□□元燈克續弱冠蜚鳴文品卓卓爲一郡領袖乃屢蹈棘闈慨然棄舉子業運籌操策居積奇贏不愧無鹽大隱跼看恩邀議叙光耀墓門鬱鬱葱蔥鳳毛麟趾之祥增榮奕禩者又寧有量乎□□等誼切桑梓夙仰德範典型已墜誰忍哲人之亡絮酒是將聊效楚些之慟神其有知鑒

茲微忱

王氏家藏

祭柏公摺陳先生文

王仲

維我同鄉世伯皇清柏公摺陳先生我同學 兄本生父也於本年秋九月二日以病卒於宜州里舍春秋五十有五維時兄鄉舉來京場甫罷而訃音至躡踊一痛血淚霑裳逝將麻衣遄返矣 等於今誼托鶯鳴情同雁序雖未及登堂拜見 先生音容則分亦異姓猶子也又况夙仰令德如候左右形隔神親於厥心實戚戚焉聞山間隔弗

獲臨穴敬付斯嗣俾携歸一奠以附古人虞殯之歌斥苦之義嗣曰吹邊風兮蕩莽
靈促駕兮何往式露馬兮雲麾靈一往兮安歸緬靈生兮畿內隨北遷兮關外恭洗腆
兮牽車澤似續兮詩書慶析薪兮克荷正家門之將大垵上藏兮發枝膺弗祿兮在茲
胡既炊兮不食豈報施之極則召王陽兮賦大招懸德帷兮風雨蕭蕭戀大椿兮堂上
髮婆婆兮鳩杖靈孺慕兮生前養地下兮依然拋膝前兮兒女任號呼兮不語靈鞠幼
兮多慈寧泉下而忘之入遊子兮噩夢望白雲兮驚慟知交相送兮素鞵宵奔凍雲垂
垂兮雪暗閭門日月在上兮遼海在左藉手中言兮靈其听我柳塞荒寒兮靈不可恣
遊花樓爛熳兮姑與夷猶靈無遠逐兮海角天涯炎炎茅土兮是即故家靈朝發兮暮
可還桑梓難忘兮孤竹祠邊馨明德兮來止鑒明水兮千里

弔戈年伯母幃文

王猷

嗚呼何天姥之峯頽兮婺星忽焉其沉彩惟女宗之是悼兮憶閭型而如在溯毓秀於
名門兮性端慤而有儀長于歸於望族兮欽婦德之可師相夫子以治內兮禮與法乃
兼之躬節省而厚宴祀兮豐與嗇其皆宜娣姒相將以和敬兮咸有言而無間慈惠下
逮於婢僕兮復何恩之不偏絜乾德之藉夫坤承兮敷仁化於南國百里視爲母儀兮
爰率先以蠶織義偕恩以交至兮嚴督課於兒曹淵源夙秉夫家學兮尤多母教之勤

勞珠樹森其挺生兮覩三鳳之齊騫榮視草於鸞坡兮伯子著望於木天仰上應夫列宿兮季子蜚聲於粉署憶訂交於仲氏兮羨秋鶚之高翥間過從以迫遊兮竊心儀夫德行知餘慶之流衍兮洵培植之有原群賢克振其家聲兮實稟承於慈訓披林下之清風兮休聲孚於遠近膺綸誥於九重兮淑德溢於珩璜扶鳩節而看鵲起兮補燕翼之克昌茁孫枝以秀發兮見嶄然之頭角信積厚而流光兮仰儀型之卓卓娛色笑於含飴兮庶長駐夫桑榆謂期頤其可得兮奚必閭苑與蓬壺胡天年之難假兮鸞驂遽即於修途悼靈萱之萎謝兮咸涕泗以沾濡哀悃鬱其莫伸兮用托之芻束奠醴琰以陳詞兮靈其鑒此衷曲嗚呼尙饗

祭孫孺人文

候補知府陳玉麟等

維乾隆四十有九年十二月宜祭之辰鄉眷弟候補知府陳玉麟戶部江西司主事慈國璋刑部主事焦和生保定府安肅縣知縣夏蘭湖北施恩府咸豐縣知縣史易保定府唐縣知縣鄉晚生常承武姻眷弟甘肅即補知縣郭明德族人刑部湖廣司郎中候補道作又掌陝西道監察御史爾烈內閣中書舍人學海翰林院檢討福清廣西施恩府武緣縣知縣侄柱浙江湖州府歸安縣知縣侄士昉原任刑部主事侄德潤等謹以清酌素羞之儀致祭於皇清勅封孺人之靈曰嗚呼孺人爲西寧明府篋夫先生之賢

配前此篋夫任京學朝夕往來不獨吾輩契慕於篋夫也眷屬皆誼同娣姒頗有與孺人相見者無不以孺爲賢嘗嘖嘖稱之今忽罹此厄何淑德之頓失天道之難憑也孺人出自儒門幼即穎慧好書史及于歸自恨不及事舅姑而諸姑伯姊婉婉和睦無弗愛而敬之及篋夫初筮仕于高邑官貧居陋孺人怡然安之無少愁苦及調任京師猶然首著况味而辛勤家事相夫教子操持不倦篋夫初不知米鹽瑣細爲何如也故得竭力供職爲長官所知擢膺民社洎至寧邑淡泊如素家政益繁而孺人佐理一切上而賓友下逮臧獲咸頌其德少暇則課授諸子或至夜分自奉甚儉服食粗糲率以爲常而篋夫當僻

以下
文佚

民國

譚海籌先生六十雙壽文

見前
薛翹如

曩聞蜀中山水奇特以東偏爲最懸崖萬仞峭立江濱十三高峰形如巫字談形勝者必以是爲觀止地饒絲茶鹽蠟米穀藥材煙葉鑛則金銅鉛鐵煤及煤油他如毛革齒角之屬所出以繁物產之富甲於全國其人則多才俊秀異之士特立獨出之性有類於其山水之奇而道德文章之蓄更如其物產之富以是知天地之靈氣所產蓋有專屬非可爭竊嘗心嚮往之而未親接其人甲寅秋服務龍沙迺與雲陽譚君心之晤雲

陽固蜀之東偏也心之即所謂才俊秀異之士有特立獨出之性蓄道德而能文章者

也

翹如

給事省署獲與同舟時見心之長任總務有條不紊簿書則覈核必精錢穀則

權衡悉當以及考察吏治並辦理其他重要各事無不悉協機宜必公必允暇則以筆

墨自娛冬夏未嘗少輟書法適勁上規秦漢下逼鍾王誠可謂德藝兼全才不世出宜

乎薦剡屢膺獎勵頻頒而勳章疊晉也閱嘗語家世之詳及太翁太君之行心之謂太

翁海籌先生事親至孝弱致經世之學不苟爲制藝帖括之文淡於科舉究心實業家

計因之日隆間或發爲吟咏以寄志趣出醫方以療民疾不受值亦不受謝凡親族之

能自立者助之弱者扶之各有等差咸依依不能去其餘關於公益及一切慈善事業

無不竭力贊成刑巨資而不吝嘗以片言解里中之紛悍懦均相率賓服人愈敬重而

已愈撝謙尤復於西學東漸之時極力提倡改革擴充學堂又能於□步換玉土匪乘

機竊發之際主持一切邑人賴以安居太君涂太夫人倡隨內助無纖忽違而於濟急

一事尤特別注意以致家中歲入常不如額蓋皆有慷慨好義之風然後知心之之超

羣出衆雖受性獨厚亦稟之庭聞者日久濡染而不自知也本年六月中旬八日爲先

生暨太君六十雙壽同寅之良咸作爲詩文以祝難老

翹如

不敏亦效顰爲序且因之

而有所感焉昔孔子稱知者樂水仁者樂山又曰知者樂仁者壽孟子亦云夫物之不

齊物之情也或相倍蓰或相什伯或相千萬然則天下山水之奇特莫蜀若而物產之豐富亦莫蜀若今雲陽譚家二老居於蜀之東偏而仁且知固將樂此不疲以介眉壽遠出他人萬萬也夫豈僅培其長君心之特立獨出之性有如蜀山水之奇道德文章之蓄更如蜀物產之富而已哉吾知屆時展覽斯文必爲忻然更進一觴以樂永年是

用爲祝

宜頌
壽言

張母劉太夫人祭文

宋文林等

維中華民國十七年夏曆戊辰七月五日鄉世侄宋文林洪維國謹以庶羞清酌致祭於張太伯母劉太夫人之靈曰於戲坤寧載福厥後必昌令儀纘緒潛德必彰粵維賢母家國之光休仁化物濟世之航惟母事親重堂盡孝養志雞豚修儀蘋藻車挽少君眉齊德耀敬戒帥恭克成婦道維母誕嗣麟鳳自天提師奠國佐命柔邊堦筮鸞序元愷蟬聯楠翹木本醴出淵泉維母壽徵啟明人瑞國曜極媮帝褒龍貴梁孟引年劉樊比歲翟弗千祥箕疇九備維母厚福天祿全歸曾孫繞膝子婦當幃一冥含笑三覺飯依白雲遺愛彤史留輝嗟我鄉邦頓失樾蔭琴撤錦堂塵封里閭閻尾緘愁凌川漱恨病草凋枝涕洟孰禔靈輒戒道綵紉成行神歸淨土路出西方念慈靈貺奠此椒漿式格式嘗伏維尙饗

其二

洪維國等

維中華民國十七年歲次戊辰六月二十三日吉林督辦公署諮議洪維國參事李汝舟謹以清醴庶饜之儀虔祭於張母劉太夫人之靈曰嗚呼惟太夫人生有懿德孝養稱賢克式女則乃誕哲嗣爲國宣勞未冠投筆慈訓所褒分符建節聿展宏圖功高當世謙光遠敷凡此勛業秉自彤徽庭蘭階桂胥樹英威仰聞哲言富貴不移履豐守約積慶爲慈寶婺星黯心憂風雲一門忠孝國事方殷福壽允極將歸仙寰海宇澄清或慰慈顏諄諄遺誠保國衛民九邊邀福大地回春懿歟貴母古今所欽惟我將軍拳拳沃心叨隨旌旗莫贊韜鈴戴恩山重敢避危阨馨酒三獻感泣失聲縞衣素甲同此丹誠伏維尙饗

其三

富春田等

維中華民國十七年八月十九日吉林高等審判廳長富春田吉林高等檢察廳長蕭露華吉林第一高等審判分廳監督推事裘猷章吉林第一高等檢察分廳監督檢察官荆光鼎吉林第二高等審判分廳監督推事曾遠吉林第二高等檢察分廳監督檢察官王虞耕吉林地方審判廳長李文蔚吉林地方檢察廳長郭藝林吉林長春地方審判廳長魯同恩吉林長春地方檢察廳長徐良儒吉林濱江地方審判廳長王銘紳

吉林濱江地方檢察廳長馬僖銘等謹以香帛酒醴之儀致祭於張母劉太夫人之靈位前曰嗚呼古稱賢婦兮是惟孟光懿歟太夫人兮堪與頡頏四德躬備兮七誠訓詳持家以儉兮內外皆康慈善事業兮每倡導之多方戚友窮困兮尤具救濟之熱腸積善餘慶兮百世其昌有子超羣兮領袖戎行固人間之騏驥兮實國家之棟樑凡此偉畫措施兮悉秉慈訓於高堂年逾古稀兮宜逢吉而康強何撒手塵寰兮竟鸞鶴以徜徉嗟母儀不見兮能令萬人哭之傷巷歌無聲兮鄰舂不相追思淑德兮感慨徬徨爰陳庶物兮敬備酒漿太夫人其有靈兮來格來嘗伏維尙饗

其四

李杜等

維中華民國十有七年歲次戊辰夏歷七月初四日依蘭鎮守使兼第九旅旅長李杜率參謀長翟景儒團長張佐臣路永才陳宗岱等謹以清酌庶饘之儀致祭於張母劉太夫人之靈位前曰嗚呼翳維太母鴻案相莊丸熊畫荻教子義方待人以慈內外以康持家以儉鉅細成臧孫賢子孝克享榮昌媿美古人鍾郝流芳人言無間彤管修揚令德壽考期頤可望胡爲一疾遽夢黃梁幽冥永訣實爲可傷夙積陰騭祝返仙鄉不腆酒醴奠祭影堂仰祈靈貺式格式嘗伏維尙饗

其五

莫德惠

維中華民國十七年八月十八日前農工總長莫德惠謹以清酌庶饘致祭於張老伯母劉太夫人之靈曰嗚呼惟太夫人巾幗之英宅心仁恕秉德幽貞持家以儉相夫以誠篤生賢哲功邁韓彭建牙樹戟開府名城惟太夫人恬淡性成勗以謙下戒在驕盈素秉慈訓益播修名胡天不弔寶婺潛形八旬壽考兩代褒榮生爲人瑞歿返瑤京懿徽永在女界觀型萬人縞素涕泗縱橫嗚呼哀哉尙饗

其六

翟文選

維中華民國十七年八月十八日奉天省長翟文選謹以清酌庶饘之儀致祭於清封一品夫人張老伯母劉太夫人之靈前而陳詞曰曜靈挺育坤輿粹鍾翳維賢母實稱女宗化之覃敷門內斯起淑問孔昭相夫有禮荀龍賈虎天祚門基毓賢弼世厥惟母儀天平成功征西作輔和丸截髮并耀今古母儀穆穆表度雍容笄珈郁譽淪弗滋冲樹戟建牙驕盈必戒飫聞義方萬戶羅拜彼蒼酬德宜葆期頤迺闕徽音泣涕漣而矧茲末交淑型瞻矚自愧南州生芻一束輝光照國隆禮昌家書陳女憲流風嗣遐千載其馨百身奚贖用揚懿芬式斟醺醑嗚呼哀哉尙饗

其七

張景惠

維中華民國十七年夏建戊辰七月初四日前實業總長如愚侄張景惠謹以牲醴粢

盛竭衷致敬告祭於清封一品夫人張老伯母劉太夫人之靈曰嗚呼天蒼莽地元黃
華帆掩婺星芒侶臬魚而泣血兮感風木之凋傷忽王陵其念母兮哀墨經之難忘沛
猗歟兮母德其克昌兮厥嗣既允武兮允文復乃述兮乃繼享猗歟兮母壽既八豔兮
引年媿齊眉兮梁孟儕偕老兮神仙持母躬兮教勤規母行兮式儉唯知足兮守常斯
持盈兮戒滿威母儀兮是敬敦母性兮惟慈咏葛藟兮叶稚賦瓜瓞兮賡詩何錦堂一
瞬兮控鶴馭而難留辟梓宮如棄兮增喬木之煩憂怵猶子之東旋兮鉏麀魔不戒慘
元首之崩墮兮副車襍穢伏匡牀以咽泪兮聞缺月以驚呼莫進巨卿之斗酒兮奠孺
子之生芻策拄杖而奔趨兮敢褰幃而躡踊夢色笑魂歸兮知泉臺之夜冷維母靈爽
兮實所式憑願恩流桑拓兮錫福祿於孫曾潔清醴而盈觴兮奉香楮之供養嗚呼哀
哉兮伏維尙饗

其八

汲金純

維中華民國十有七年歲次戊辰七月丁亥朔越祭日壬辰姻愚姪汲金純謹以瓣香
清酌不腆之儀致祭於清封一品夫人張太夫人之靈曰嗚呼齊眉舉案孟氏流芳鹿
車同挽桓氏歸鄉淑德休風於今渺矣孰嗣徽音後先媿美惟太夫人系出彭城適清
河郡久著賢聲相夫無違教子貴顯任重封疆兵符久綰歡承萊彩孝事雙親籌添海

屋壽祝千春家慶方長媵星遽隕鸞馭登仙雲輶發軔哀哉賢母與世長辭驚聞噩耗
遐邇增悲月照佳城風吹丹旆神柩歸來恭迎夾道辦香薄奠藉表哀忱在天之靈來
格來嘗尙饗

其九

闕朝璽

維中華民國十七年舊歷歲次戊辰七月四日時闕朝璽謹以清酌庶饘致祭於張母
劉太老夫人之靈曰嗚呼夫人之德鍾郝爭光夫人之譽彤管褒揚蚤持家政辛苦備
嘗晝親井臼以春稻梁夜操縫紉乃服衣裳及爲人母訓育有方教書教子荻畫於堂
戒荒戒怠杼斷於房遭時喪亂避地他鄉提携撫育未敢或忘賢豪輩出母教是藏王
陵守訓擇主而昌武穆報國刺背遺芳稽諸史冊事蹟昭彰夫人子二皆國之良玉崑
金友並起戎行仲膺命伯負任封疆孫枝挺秀列戟相望勳閥鼎盛傲惕時匡勿驕勿
騫誥誠周詳年及大耋性更慈祥助其戚友卹彼傷亡律身則儉朴素如常仁者必壽
老當益強遽聞溘逝實深惋傷天胡不佑莫問窮穹藥胡罔效術窘岐黃補如衆口以
憂致殃危哉五月戰禍披猖京師不守將士生降大纛東返鬼瞰其旁風霆陡起內外
恐惶惟孫與子同阨前方心傷家國病至膏肓其憂莫解其生易戕嗚呼噫嘻星流寶
婺夜半沉芒花折萱草盛暑飛霜總幃蔽月風露淒涼麻衣如雲涕泣徬徨幽明異路

塵海茫茫褒額在里天語煌煌惟此懿範千古馨香悲歌薤露敬奠椒漿神其來格伏
惟尙饗

其十

萬福臨

維中華民國十七年六月初九日黑龍江督辦軍務善後事宜世如侄萬福臨謹以牲
醴秘楮再拜致祭於清封一品夫人張府老伯母劉夫人之靈曰母昔井臼今宜駟車
母昔荊布今宜珮琚乃樸其服不彫其廬母昔饁餉今豐菑畚母昔齏鹽今盈庖廚乃
茹吾素不耽厥腴義方訓子中饋相夫齊眉鮫背繞膝虎符雙修福壽一夢華胥中天
婺舍淨土蓮趺涅槃若斯母也含笑矧復諸郎至性純孝攬轡中原秉麾邊徼是爲國
楨曰維母教版圖榮養翟褰詔藹其仁風頌若德曜我黍猶子壺儀親眺昔拜竹慈
今來鶴弔錦水侔清醫閭比隋我揚母徽爲世則倣尙饗

其十一

奉天孔教總會

維中華民國十七年夏歷六月吉日奉天宣講孔教總會會長張書春代表曾憲廷
暨全體會員等致祭於我會副總裁吉林督辦賢母張太夫人清封一品夫人劉太夫
人之靈前曰嗚呼夫人世系劉祖漢皇于歸儒裔義州之張相夫無違訓子有方孝順
純謹貞敬淑詳誨女柏節志凜冰霜愛孫桂枝口含飴糖喆嗣雙傑勛著名揚自古建

將母教精良媿王陵母陶柳增光樂施好善慈惠溢洋久隸悒感戴難忘有慈令德
期頤可望胡壽八十鶴駕西翔幽明修阻遺像在堂星沉寶婺實爲可傷虔何以表誠
奚以將杯酌清酒爐火瓣香嗚呼哀哉伏維尙饗

其十二

張煥相

維中華民國十七年夏歷六月二十三日爲張母劉太夫人五七之辰東省特別區行
政長官張煥相謹以清酌庶饘之儀致祭於靈前曰猗歟張母毓自名門嬪于宗工偕
老是敦其儀肅肅其德溫溫子專闔寄雲舉霞蒸諸孫蔚起亦領一軍岳母涅背忠義
是存陶母截髮佳話留賓何圖不弔遽萎金萱寶婺星沉絳帳風翻几筵告奠有苾有
芬靈其來思悽愴蒿焄哀哉尙饗

右文

共十
九篇

引

清

重修聖廟興工始末引

董履坦

我州自建立聖廟以來迄今八十餘載風雨剝蝕近就傾圮且近處窪下東半城之水
必流入泮池方達城外遇大雨驟至巨流壅溢泮之四畔鄉賢名宦東西廡浸濕尺餘

大成殿亦漸入階台道光二年學正董淡園先生來義目擊心傷而苦於工程浩大未敢輕舉扼腕久之三年秋謀之州牧鳴坦園先生少宰任東圃先生均以爲修理不容稍緩爰集郡之紳士於明倫堂公同酌議並先捐俸以爲之倡各紳士等感倡率之意亦踴躍爭先樂出資財以爲之助第恐工巨資薄非易完竣緣又募之燒當兩行及舖戶旗民人等亦均慷慨樂輸願襄勝舉約計共募銀五千百餘兩因於是年冬飭材備料自四年二月起工九月工竣大成殿地基增高八尺餘木架增高九尺餘添益兩楹梁柱及前檐花板月台羣台普通增益石堦各增基四尺餘崇聖祠增基三尺東西廡戟門盡換用瓦裝以吻獸泮池移修水道北新增園橋三座並設周圍護牆半壁其舊泮池仍爲水道覆板石六十餘丈鄉賢名宦祠各增基二尺餘櫺星增二尺餘木架重更舊勢新添石鼓八節忠孝義祠移修于廟外東隅各分墻垣庶于體制相宜照壁及禮門義路移北五丈餘庶覺門外寬敞其間隙地立碑亭兩座自後及前巍然煥然有肅觀瞻又遵於明倫堂建臥碑俾多士觸目驚心亦於風教有關我等感倡率之德

□舉之艱難謹述顛末勒之瑱珉並望後之起者相繼修於不朽云閣郡紳士等謹序

前任奉天錦州府義州城守尉加三級紀錄十次恒森三十兩

義州城守尉加三級紀錄十次貴保十兩

奉天錦州府義州知州加五級紀錄九次鳴山七十二兩

前學正李聖贊十兩

奉天義州儒學正堂加二級董履坦三十兩

候選兵馬司副指揮義州吏目加四級紀錄二十六次任翰堂二十兩

倉外郎德毓十兩

右引共一篇

墓誌

遼

朔州順義軍前院侯張府君墓誌併序乾亨三年十一月八日記
係宋太宗太平興國六年辛巳

將仕郎檢校尚書虞部員外郎守軍王府記堂鑒軍賜茲派趙

伏以文碑深永記陵遷谷變之期字石幽泉紀地久天長之事生之限也墮颺怠圖準

電輕淪死之約乎碎珠折玉晞露風燈感情而還矣清河府君瑞鳩傳裔靈銘得學宰

晋相韓興蜀霸波德源自遠良派爰多善不泯於春秋事亦豐於典策府君孝諱諫南

瀛州河間縣人也學備張車才盈曹植從師泗北授士關西校武則搏虎□□埋輪祖

業緒文則懷蛟夢鳳無讓先賢旋值我北朝大聖皇帝初創乾坤才磨日月變家爲國

授軒錄以稱尊取地爲疆執黃圖而作帝公以因隨折杖俄逐揮鞭遂步龍沙皆歸闕時讓國皇帝在儲君時携筆從事雖非拜傅一若師焉自後讓皇入漢天授潛龍公爲王府郎中重元臣也天授帝龍飛公授密直學士轉給畢除朔州順義軍節度使檢校太保到任後甘雨隨軒靈珠赴浦民謠五袴家給千箱表扇風清庾樓月朗滋王澤也增民事也公莅勤得替匪敗政也後以天順皇帝登大寶公授兀威衛上將軍爲入班節度使班首先瑩夫人丁氏有子四焉長子正岌爲通軍舍人舌辯如川儀溫似玉年過壯室在職而殂次子正巒但爲通事舍人禮備執理儀全束帶次子正嵩爲朔州順義軍節院使即府君也小子正峯後營夫子王氏子也有一女嫁西臺御史大人鄭稽府君生懼四知長無三感令嚴訓子禮厚睦親娶悼陵崔氏女有子五人長子思眷婚而祿次子思恭辯禮有知觀得學娶永和縣劉令女有子二小幼不書焉次子思敬幼兒早亡次二幼乾七乾八女二長適天永趙司空小男一在室府君榮限而終歿期俄及既經豎禍昌兌豐端墮艷難留輕淪自返春秋四十有八葬於雙山之陽原禮也旣傷去箭後悼藏舟意而言之謹爲銘曰閱世閱川繼生繼死石火風燈浮漚逝水壽不永皆傷榮不長而可毀誰謂府君道匪齊論其來寧脫其去也如情貞妻在室賢子當門針不煞于豎奪于三魂即失藏舟難留去箭死誰不傷生誰不羨祿定非改善求可

薦已達幽開又何悲戀爲榔工石穴山鎊金確乎不拔線古貞今己年子月慶厚祥深
天長地久永保徽音

耶律弘益妻蕭氏墓誌銘

故齊國大王孫前六殿詳穩太和宮副使耶律弘妻蕭氏墓誌銘并大遼建號乾統八
襪孟秋莫生三葉夫人痼疾終於顯陵之南是時皇家哀切國族痛傷子孫兮流涕如
淮僕隸兮酸心若錐日月暄然而失色星斗鬱然而不輝雨霏霏而降長天宛同戾迅
雷虩虩而奮厚地甚若哀鳴鳥雀舛聲人倫黯竊以翼聖學囿宄才儒門末胄特承諦
請所有美敢不記之且夫人蕭氏名彌勒女始承聖獎授夫人之命則以異服色於倫
常者也故母即因八主公是也故公主是聖宗皇帝孫興宗皇帝姪道宗皇帝妹今天
祚皇帝之姑也乃夫人者皇之親也夫人處女之際月娥逸態星婺殊賢秉五常之
性執四德之維夙彰訓子之規殊有事親之禮故美譽遠延休稱遍達其則太和宮使
耶律弘益婚侶道契嫁述之禮通鳳鸞翕爾以和鳴絲蘿崛龍而締結始於願期終比
於松柏忽變爲凶志各分於蓮禮夫人年五十有四而於命也以當年九月十四日癸
時遷其夫家曾主所塋之地其日春山可詔聳萬仞之龍岡壯千尋之狼水也儀準克
全形勢必備所有四子長男蘇那護衛將軍次子高什鉢季子有福皆以若麟趾之振

振如棠華之韡韡室女一名骨捏以年纔佩鞞妙及笄初遞全孝思之心未果從人之禮又况夫人幼以履仁長而近善筵僧營佛莫盡其稱量育老賑貧孰測其涯濔造次而註想佛國斯湏而留心聖經是皆天生之異相證聖之大端者哉翼聖乃重搆瑣才換遺烈謹爲銘曰國家枝派皇王宗親夙鍾淑善素習真純動用異俗猷爲絕倫忽以染疾俄而殞身子孫泣血宗族黯神塋枕翠巔勢達厚土左置青龍右分白虎儀禮大全形勝特處暫啓壽堂長封幽戶恨鄉仙兮一返空朱扉兮寂寞命瑄士兮誌斯文亘

芳猷兮億萬年

墓在義州城北四十里盤道嶺北山之麓
清光緒十一年歲次乙酉夏六月發現

明

一峰羅先生墓誌銘

見前賀 欽

先生諱倫字應魁改字彝正號一峰其先豫章人唐末徙居吉安永豐湖西代有聞人歷宋尤盛武岡教授開禮公勤王死節以故族屬三百餘灶無臣事于元者祖諱求仁號善耕儒雅倜儻樂善好施考諱修大號大山耿介忠信母李氏以宣德辛亥正月十一日生先生生時有祥奇甫五歲常隨李入園收果長幼競取獨賜而後受年七歲善耕先生訓於庭不匝月而童諸書咸通明年學於里師時乏書里師令遍逐諸生受讀諸生未成句讀而先生皆已成誦嘗牧樵則携書讀之自幼勤學定省之餘未嘗釋卷

年十四歲授徒于鄉以資親養莊重嚴毅師道卓然嘗曰學豈科第而已哉乃欲捐舉子業父兄不可已而補郡庠弟子員言動不苟勵志聖賢之學朋黨以道學目之郡守張公瑄嘉其學行而惜其貧乏命有司賙之先生謝弗受豪右肆侮殊甚先生恬然不之校也是年丁內艱居制嚴甚踰大祥口始沾鹹酸物丙子領鄉薦癸未赴春闈遭回祿呼曰吾生平無毫髮得罪于天今乃至此奈吾親何須臾垣上一老人以杖提而出時殞軀者幾二千人而先生免之出示招老人竟無所得未幾大山先生訃聞奔喪執禮如初先生雖不以科第爲心而大山先生預知必魁天下成化丙戌其言果驗就題論事頃刻萬言指切時弊拳拳以格君務學爲說時謂之真狀元爲翰林修撰無何會內閣大學士遭喪去官朝廷起復之先生詣其私第告以不可者三復俟數日上疏歷陳古今起復之非是且謂如其不然必準富弼故事終喪劉拱故事言畢反復數千言一本於天理人心之不容己者名曰扶植綱常事奏疏落職提舉泉州市舶司然士論益榮而緘默之風爲之一變終先生之世臺省不復有起復者矣在泉時秋毫無所與惟講學鬻文以自給配梁氏安人卒泉守李宗學遺以棺先生以其求文未償受之明年召還復修撰當道者語人曰某之復官我之力也乃無片言謝先生聞之曰渠非有私于我也乃改南京供職三月以疾辭朝廷不允二年章三上始得歸戊子秋抵家臥

病養心之餘苦禮記註說之繁命門人錄其要以便觀曰庶不失所執守也壬辰疾稍愈以族屬未化論之以約束本之以律令于是喪禮行浮屠除盜賊息民業安十餘年間兼並不作鄉俗爲之一美嘗欲做古置義田有助以堂食錢者先生弗受且告之曰是錢雖公亦不可費以之積粟賑民可也或衣之衣遇乞人死于途輒解以覆之乙未臥病羸囂乃于金牛山中結茅東曰靜觀西曰正密居焉四方學者往來益衆先生于講明性學者納之務舉業者辭焉越二年戊戌九月二十四日先生疾革怡然而逝無所顧慮者見道明也先生素清儉自朝服外絲帛之衣未嘗入體歛襲具乃取敝幃以斂門人方琬輩解衣以襲友人羅峻極貴僚助以棺嗣于迎柩歸隨而悼祭者數千人四方赴弔者三載不絕先是夏秋間山嶽崩裂大雨如注烈風折木先生所居山脈忽墜一井其深叵測哲人之喪而天地山川爲之一變其生蓋不偶也先生天資剛明清介淡然無欲勵志聖賢涵養純正學貫博約才周經濟忠孝懇懇至老不衰出處進退合乎道理片言隻字有關世教教人本之以誠敬成之以寧靜又以小學近開發之惓惓不少怠先生於功名富貴真如浮雲之過目惟終日乾乾不自滿足潛修之功垂死不已而踐履益純此靜觀正宓之銘所以繼作也先生律已甚嚴待人甚恕自奉甚薄而賙人甚急其排斥異端以崇正學蓋天性也有識之士以先生之處而委以吾

道之緒翼先生之出而望以吾道之行惜乎年不配德未老而歿悲夫梁氏安人卒繼
劉氏安人子母四人梁柱幹樛梁柱先後領鄉薦女三人一適張其二早世以成化辛
丑十二月日葬本里都溪塢上源有一峯集行于世愚忝先生榜進士尊事唯謹先生
直弟我不世俗讓愚與先生俱以戊子謁病歸逾十年而先生訃至又二十五年弘治
壬戌之夏其子梁柱自京師走書古宜請銘先生之墓嗚呼我尙何辭哉但以筆力綿
弱不能發揚盛德自愧銘曰先生之德正大光明先生之才奇偉汪洋先生之志聖域
是臧先生之功扶植綱常嗚呼哲人日月其光醇哉醇哉百世之望

明弘治十五年壬戌見乾
隆元年盛京通志藝文明

醫閩先生墓誌銘

潘辰播

愚始聞醫閩先生之訃既爲位哭之已而厥嗣鄉士士謚奉先生高第弟子外甥胡深
所撰狀請愚銘其墓愚與先生道義相契垂五十年非燕游一朝之好可論不能以不
文辭按狀先生諱欽字克恭姓賀氏其先浙之定海人隸遼東廣寧後屯衛官籍考孟
員甫妣郭氏以正統丁巳三月十一日生先生于官邸幼挺嶷岐長標洵淑總角從鄉
先生習舉子業心不自滿曰爲學止于是耶及聞先儒所謂以誠敬爲人門踐履爲實
地諸語因省曰作聖之幼端在于此弱冠以詩書魁山東鄉薦兩躡春闈咸即日歸省
或諷之以取捷徑則曰老親在堂定省不可久曠吾烏知其他成化丙戌登羅倫榜進

士丁亥春擢戶科給事中謂家人曰古人事一職豈可苟然爲是職尤不可爲者遂書鄙夫可與事君章于壁以自警戊子春亢旱與給事中胡智董旻各上章極諫先生言修德彌災當以實心行實政庶天意可回今朝廷所行未免徒務虛文不報先生復以言官曠職召災自劾求退雖不得請而去志決矣其年冬即告病歸杜門不出專以進修爲務初在科時聞廣東陳白沙先生爲有道之士修刺謁之一見契合遂相與講明治心修身及經綸大務終歲弗輟至是懸其小像于靜室時率諸子焚香拜之儼如神明大聚古聖賢典籍于中屹屹然窮日與夜而繙閱之必求造乎其極而後已有求學者則謝之曰學者君子之爲己教者聖賢之餘事自治不贍何暇及人久之于性命道德之蘊天理民務之彝經世之要道爲學之大法所得益深始內履焉而其爲教一以躬行實踐爲主文章政事次之磨礱卒厲成其器業故及門者咸知有爲己之學學在有用而不惑于他歧矣雖不出戶庭而達官貴人聞風仰德者莫不躬拜牀下得其緒餘而惠及生人恒多弘治改元大學士劉公吉首薦先生才堪大用及除陝西參議撫治商洛等處兼分守漢中府地方錫之璽書假以便宜懇辭不就乃陳四事一曰資真儒以講聖學二曰薦賢才以輔就道三曰遵祖訓以處內官四曰興禮樂以化天下數十萬言極其愷切皆人之所不敢道者使得見於行事天下可幾而理之處家篤恩義

正倫理厚姻戚睦鄉黨救災恤患重本抑末冠婚喪祭一遵古禮不根之言纖毫不入其耳子侄能言與行者必薰陶之以孝弟之義僮僕與人相競者不問其曲直必撻以記之鄉俗溺于異端凡喪葬者皆作佛事啖酒肉肆爲奢僭而不顧其子奉先事親之禮背戾尤甚先生以身範之日改月化漸入佳境仍舊習者百無二三焉性酷愛山林每時和景明必僂門人子侄登高涉遠徜徉嘯咏而歸然獨有所得爲學雖不務詩文然應酬之際信口流出一皆藹然仁義之言大有關於名教故得其片紙隻字等莫不寶之正德初年錦義二城激變鉅室鮮不爲其所撓獨相約不敢犯于先生之族雅量汪濊喜愠不形惟愛君憂國之念老而彌篤每聞朝廷用一善人行一善政輒喜而不寐如有愆違則疾首蹙額不能安庚午_{正德五年}十二月四日以疾終於正寢壽七十有四配席氏本城官家女有賢行與先生同德比義相賓友少先生三歲先四日而卒生男四長即士諮次士闇士謨士詔皆積學待聘女一適本城都指揮史文孫男十一世雍世和世泰世平世清世寧世安餘幼女八長適錦州都指揮梁臣次適本城馬都指揮冢子倫次適指揮劉涓餘亦幼以次年二月十五日合葬於閭山之光明谷中先生少讀書於此山之西因以醫閭山人自號人遂稱之爲閭山先生云於戲以先生之跡言之其學雖未大明於天下而能明於一家與一鄉先生之道雖未大行於天下而能行

於一家與一鄉先生之德雖未被於天下而能化其一鄉一郡之強暴以先生之功論之則其學之醇其道之正其德之粹其節之高其名之稱表表昂昂所以風勵天下垂範後世者固無窮也豈曰行於一家化於一鄉被於一時一世而已耶是不可以銘乎曰允矣先生偉哉男子力到功深逢源達委時行則行時止則止諫則忘身隱則樂己不愧不佞盡善盡美表今風後寧有窮已我作斯銘用以補史

明正德六年辛未見乾隆四十八年盛京通志藝文

明故陳公世美墓誌銘

鄉試武舉錢 轍

蓋墓誌銘者非所以示今欲以昭萬世而不泯□□不以實其如死者夫何益予故曰公陳姓諱世美時以諱行未有其家或者難曰古宜斯姓所同者多公之所以來者源其誰歟予對曰有名福者原籍湖廣常德府洪武初客於遼東生通通生子長曰洪次曰深公其深之所出長子也曰公可謂巨家者也觀其公之伯世襲戶侯才氣英邁居官勤政治家有法公之父笑仰其風出踵其志公之規模果如是乎予對曰公之爲人專篤子職愛敬不忘克盡弟道忠順弗懈勤以律己儉以守家然其一動一靜未必不循途而履轍也曰公性自然又在純善宜享齡壽以終天年夫何忘之卒耳予對曰顏子盛德未至不惑孔明忠誠弗踰耳順賢人君子尙且如斯況於公乎大抵死生一定之命古今不易之理是故公生於弘治壬戌年三月十九日卒於嘉靖乙未年八月二

十三日□乎予對曰公娶馬氏本郡庠生洪之長女生乎□□年十四歲乃曰公有後矣死□何恨故擇本年十一月初十日辰時葬予以實□云銘曰 哀□厥靈 □□

□傷 躬耕耘畝 匪急匪荒 惟勤惟儉 不父有光 親踝一別 萬古淒涼

按此墓誌藏之於李氏耀秋家出於本邑南關因挖土發現係青石寬一尺七寸長一尺一寸厚二寸一分上載蓋墓誌云云又一石文曰明故陳公世美墓誌銘寬一尺一寸九分長一尺一寸二分厚一寸九分

明嘉靖十四年十一月初十日

昭信校尉陳公妻安人金氏墓誌銘

邑庠何鎔撰

安人諱大姐姓金氏明威將軍指揮珍之女母陳氏生□□成化庚寅七月十七日未周歲而母卒鞠於繼母孫氏天性純篤貞慧聰敏婉婉柔順容德言工一任母教時陳公母周太安人自言我以孀居撫二孤一女爲陳氏增光吾兒既長□爲冢子不擇賢女以爲之配何以終吾事乎諮謀度訪得安人焉保母亦云吾女爲閨中毓秀匪得賢婿決不輕許適陳公剛明偉異克孝厥母乃通媒灼合二姓之好既歸克孝於姑侍巾櫛問起居愉色婉容應對唯諾未有一時弛於敬謹知夫之弟妹姑所鍾愛處之優裕曾無恚意妯娌相待彼此愛敬亦無愠色夫妹已嫁衣服飲食一切禮儀未嘗少有差誤舉順姑心相夫子事上接下靡不得宜童僕卑幼戴恩愛尤渥洽宗族親戚隣里和

睦調卹尤爲周悉凡親戚宗族在尊行者見敬之禮在爲尤厚鄉人稱賢婦未有出安人之右者嗚呼當家道方殷子孫興盛懿德馨香而偶嬰一疾醫藥理療藥無一效竟至弗起迺正德己卯六月四日也距成化庚寅方五十祀僅得爲下壽非數歟生子三長曰世隆娶指揮郝雄女次曰世英娶余女三曰世奇未娶女二長雪姐許嫁千戶高昂家于貴曰六姐許嫁千戶張直冢子卜七月二十五日葬城南依光塋也世隆輩泣血向余曰吾母蚤事孀祖母至今若干年未能終事一旦罹此吾輩失恃固可慟而祖母反送吾母豈不尤可慟哉願銘諸墓余以兒女親姻之故相哭久之乃收淚而爲銘

銘曰 噫安人兮德孔馨 孝孀姑兮和一親 稱賢婦兮世無倫 闔幽宮兮萬古

珍

陳張氏墓誌銘

張氏百戶侯張公澤之女缺生氏於天順甲戌十二月十五日缺克嫻母儀長歸缺侯

二公子居士達婉婉聽從奉事公姑與夫兄嫂愧德承缺及夫兄蚤逝夫婦缺以事孀

嫂撫二孤使成人缺蔭特立萬才公缺人皆皆爲缺生子而缺于氏缺娶陸氏缺娶于

氏缺娶柏氏缺男四世真缺三子缺頭缺之子七十一缺三子于長壽缺之子孫久大

姐缺女之姐四姐嘉靖丙戌三月一日卒距生之年七十有三乃上壽也卜是月二十

以昨者缺軍開門畏缺以不能動而城中官軍隨以別道逐賊出城聞缺至為益隍

公督戰缺己而知為缺我乏賊解去逐比出缺餘缺散竄林木缺殊甚賊軍大振比

益缺邊絕迹缺近地缺公嘗以疾缺官代之不缺月缺赴缺臣投缺保缺公缺怙恃

與邊人大悅缺馳缺之重缺公之任缺寧為缺故為都缺首任缺指揮缺時勝任者

鮮乃缺以指揮缺傑缺者缺與都指揮並以始至缺奔競者或缺己而察知德器成後

焉公缺紀孝事者及維缺和順缺毛髮缺第凡十人缺公少從家君缺後長壯尊禮

之誠如缺有公僚用公職名缺知其人遂唯任之缺問以臨民忠義缺實為缺以疾卒

於廣遠近缺戚聞缺天果夢缺何缺在弘治辛酉仲冬缺月二十二日葬義缺錦州李

氏副總兵韓公之缺都指揮缺也有缺子缺克明缺惜功賞公缺葬用缺異端且能節

飲用是缺公先世河南開缺人公祖宣德間以缺以衛指揮缺事調義州衛公鄉進士

而銘之曰缺公之年缺公嗣人缺者天缺

清

廷尉王公允升墓誌銘

丁酉舉人山西芮城縣籍郭照藜

乾隆四十四年七月丁酉鄉進士王君自京邸官舍歸其尊甫年伯之櫬于奉天義州

銜恤苦菟哀毀至極復以窆窆有期潛德幽光不可不勒諸貞石垂示後裔以予與鄉

進士同歲舉於棘闈有猶子之誼且曩與鄉進士游甚數能言其家世德行持狀涕泣請銘其何敢以謏劣固辭謹按公諱猷字允升元亨其別號也姓王氏爲義州望族世

居城治曾祖

諱良臣祖

諱乾吉父

諱有文俱贈通議大夫族曾伯祖

諱倉伯祖

諱自強

諱伯考

諱義明

諱瑄均以子孫貴膺封贈胞兄弟三長

印基庠生候選布政司理問次

捷廩膳生公其季也族兄五長

諱佐辛酉拔貢次

諱佑附貢生次

諱文舉應舉俱庠生

次印君召國學生族弟一

印仲壬午舉人現任順天府教職公生而款異過人少即耽

學性質中和年十五即受知于邑令胡公冠童子軍補博士弟子會壬申恩科春秋連

捷成進士選庶常甫二十有五歲授職檢討充丙子順天鄉試同考官改吏部文選司

主事遷考功司員外郎乙酉四川鄉試主考擢考功司郎中調文選司掌印郎中補陝

西道監察御史戊子順天鄉試內監試總理七省漕務戶部生糧廳監督遷吏科給事

中工科掌印給事中甲午巡天津漕倉巡視東城乙未巡山東漕務協辦河道丁酉巡

江南漕巡視北城戊戌會試同考官轉內閣侍讀學士遷大理寺卿以詩受睿知屢膺

簡命咸稱職焉筮仕以來歷二十七載矢廉矢慎以忠以勤其間任科道言官時章奏

每上朝廷輒報可惟奏請順天鄉試房考官閱卷仍應迴避一摺尤合皇上慎重掄才

之至意傳旨特獎着禮部知道欽此欽遵公之爲國彰彰類是未可以更僕數至待鄉

里處親族又爲父老所稱贊史曰明德之後必有達人易曰積善之家必有餘慶源遠者流長本固者枝茂予於鄉進士有以知公之德明而善積也鄉進士顯揚其親光大其家丕承其緒廣無遺恨而猶以王事抱終天之痛哀切無己惟恐前人之休光懿德不顯聞於當時於此益覘公之世澤長而流慶遠也公生於雍正戊申年正月初九日子時卒於乾隆乙亥年七月二十八日巳時享年五十二歲二品銜特授通奉大夫元配劉太君誥贈淑人先公十八年卒及是葬邑東南平房峪西先塋側之東丙壬山向劉淑人祔焉繼配胡夫人順天大興縣太學生誥贈奉直大夫候選州同加二級能燦公女候選州同致孝公安徽寧國縣湖東司巡檢致禮公胞妹候選府經歷致樂公胞姊子男二人長士芳字正甫丁酉舉人即予同年也娶公同年舉人浙江太平縣知縣屈彰公女次士楷候選縣丞聘公內兄致禮公女胞侄士旂武庠人士昕乙酉拔貢現任直隸樂亭教諭士南廩貢生候選布政司理問族侄柱戊子舉人分發廣西候補知縣蕙成齡均監生乾齡庠生女三人長適同邑太學生高廷楨次適江蘇江陰知縣馬麟書次適直隸長垣知縣李鈴予敬爲之誌而係以銘曰古宜之東南兮平房峪之塋太原之族望兮建此佳城坐丙向壬兮擇吉經營哲人今萎兮柩歸故鄉卜安先塋之兆兮元配祔將閭山遙拱兮凌水遠照千秋萬禩兮降之祥片石刻辭墓旁兮世系豐

徽流揚

乾隆四十四年八月吉日

特授奉政大夫次南王公墓誌銘

江蘇武進人 戊戌進士

管世銘

公諱仲

字次南 號篋甫

行三乾隆庚申年三月初十日子時生義州學附生習春秋領

壬午鄉薦予副是科榜與公為同年友雅相愛也得諗公之家世履歷甚悉公先本山

左籍族繁戶衆幾數百丁明季遭兵燹散而之直省臨榆樂亭寶坻冀州四邑嗣清康

熙初公會祖

諱

倉自臨東遷盛京義州城內占籍興社一甲族伯祖

諱

宗順自樂遷錦

之齊家屯為香封社十甲族伯

諱

友文族兄

諱

君召又先後自樂自冀同遷義焉於是

枝葉繁衍科第聯綿簪纓絡繹寔為古宜望族曾祖

諱

倉祖

諱

自強父

諱

義明俱以公

貴贈奉政大夫族曾伯祖

諱

良臣伯祖

諱

乾吉伯

諱

有文以族兄

諱

猷贈通議大夫公

胞兄二長

諱

佐

字

尚衡辛酉拔貢

贈奉政大夫次

諱

佑附貢生贈文林郎族兄

諱

基

郡庠生捷廩膳生猷壬申聯捷進士大理寺少卿文舉應舉皆諸生君召太學生候選

巡檢公初仕高邑縣及順天府學訓導以課士成績聞提升知縣歷任西寧武清有循

聲特授滄州知州遷正定府同知署大名知府卒於嘉慶七年壬戌七月二十五日丑

時得年六十有三元配才氏繼配孫氏兩誥贈宜人俱先公卒至耐葬再繼曲宜人主

持家政子男五長厚齡次盛齡俱業儒次旭齡小試冠童子軍受知於徐之寬州牧補

錦府學博士弟子即今來請銘者次椿齡皆孫氏出次松齡曲氏出均幼讀胞侄成齡太學生乾齡庠生錫齡辛酉拔貢分發江蘇試用知縣族侄士旂武庠生士昕乙酉拔貢浙江歸安知縣士方丁酉舉人現任山東登州同知士南廩貢生士楷候選縣丞今以是年八月卜葬公於城北新塋之次公之孤旭齡奉繼慈命持狀請銘予與公壬午同榜是請也烏得辭銘曰古弘正北別建佳城昆季三人相與經營考妣虛墓立石刻銘兩兄繼逝公今西行風丹旆先塋之前元配繼配同祔葬焉閭山左衛凌水前迎先生之靈山秀水清清嘉慶壬戌八月

山東登州府同知虛谷王公墓誌銘

生 庠胡金鼎

君寶進金紫之加而勇健絕倫篤生榮祖克恭登進士之第而經魁鄉薦繼有士諮考元及明義州固不乏父子競秀者而國朝王君諱士方太史允升公長子也字正夫虛谷則其號聞其先世居山左族最大後析居直省臨樂寶冀四邑及東遷關外則錦義各隸籍君爲義籍之裔曾祖乾吉祖有友俱贈中憲大夫父猷即太史允升公乾隆壬申恩科聯捷進士授職檢討歷遷部科道閣官至大理卿是予姑之夫王氏自允升公一登翰院甲第洵冠乎古宜五職言官申奏悉可於高廟甲午乙未丁酉屢膺簡命咸稱旨爲時名臣君趾美前休丁酉登賢書丁未備大挑分發豫省所任鎮葉確泌南拓

七縣鄭睢二州山東青萊東登四府俱有聲以曹州軍功補登州府同知敬以持已儉以養廉鬱然負清望君堂兄士旂武庠生贈武略騎尉士昕乙酉拔貢浙江歸安知縣候補分府士南廩貢生贈儒林郎配屈宜人壬申舉人屈彰公女無出君以胞弟士楷子霖爲嗣又予姊之子也浙江候選巡檢君生於乾隆二十年十一月二十四日辰時嘉慶二十一年七月十九日未時卒于山東東昌府公寓享年六十二歲是年秋奉君神柩自東昌歸義州葬平房峪新阡堂兄士旂之左丙壬山向先期以狀請刻珉之辭予以姻誼故不辭而爲之誌銘曰詩書之家疇衍其澤簪纓之門疇益其脈望出瑯琊雋才奕奕籍古同昌家聲赫赫厥考爲卿公宦亦榮光前裕後幼學壯行南豫東魯著績留名素輒旋返丹旄風迎附於祖墓建有新塋丙壬山向葱鬱佳城閭山蒼蒼自東而傾凌水洋洋惟北是縈刻辭幽宅禩萬秋千我作斯銘以永其傳

民國

茆汀公薛孝廉墓誌銘

見前王鶴齡

中華民國十八年二月十三號吉林富錦縣知事薛君聞電奔其尊甫世伯之喪歸於遼寧義縣銜恤苦塊哀毀至極復以窀穸有期潛德幽光不可不勒諸貞石垂示後裔以予與知事爲通家世伯與予先四胞叔止翁爲忘年友予堂兄雲閣又受業於世伯

當民國十六年丙寅春義縣志書館成立世伯被聘爲館長予忝編輯席日長聚首迄
今復年餘知其家世素行甚悉持狀請銘其何敢以譚陋固辭謹按公狀公諱俊升字

鳳三號甫亭行一芥汀其晚年別號也薛氏隸清義州民籍寧社七甲先世爲直隸東

鹿人始祖以墾田遂居朝陽之艾林臬曾祖諱蘭輔生四子長福祿次福禎三福祥即

公之祖也四福有兄弟四人均業農仍僑處艾林臬父諱立茂堂伯二立興立旺堂叔

立永堂兄一殿甲堂弟二晉升業儒書升業商從堂侄二式如充奉軍中校團附翰如

供差蘭西全如經商錢業從堂侄孫三鴻恩鴻濱鴻江均幼同居已六世矣公因爲己

爲人多有事於義州先寄寓城內近年方置有宅舍於丁卯歲始分爨家中舊債累公

甘認一概全負其艾林臬薄田若干悉歸兩堂弟此公之主持也公生而穎異過人讀

書目數行下及操管爲文千言立就才思浩瀚命意超越而規度復秩然有先正大家

之風焉年十七應州府試輒列前茅院試蒙取偕生二十二歲再試受知於徐嶼齋州

牧冠童子軍補博士弟子員棘園試八次輒薦卷以額滿見遺光緒八年壬午挑取膾

錄彼時才名籍甚義朝兩州縣士子咸來請學遂設館教授諸生多資成就或以品節

見或以勤儉稱或以孝友經濟知名其他本文學取甲第掇巍科者若舉人葆祺慶餘

及河南知事宿文奎吉林知事崔龍藩等凡十有三人迨至二十八年丁酉科春食廩

饒秋登賢書見知於溥裕徐孫四先生適制科停遂以知縣歸部揀選公所交遊及登門士皆名儁而義行善舉遂大有可傳者如友某商人營業虧累私將公寄存大宗布貨典質抵債公慨然自行抽贖從未索償嗣後友某歿無子妻妾將虞凍餒其族莫恤恐債累公乃邀其族人遣其妾清其債另以其侄承繼俾不絕世而其妻且得修養又如友某進士因幣虧累波及破產某進士私以義市錢兩萬吊秘交公寄存其家無知之者及進士病故公力爲營救清理年餘產贖無幾公乃出所寄存市錢悉付其子類此之行不勝枚舉至公之爲義州團總其言變通縮減辦法則爲高州尊所採納爲阜新籌款總理其進行手續又爲鄭縣令所崇拜以及被舉爲義州募捐總董則又更訂簿記綜核詳密嗣後被舉爲奉天諮議局議員任職三年更頗多建議而況公生平義方之訓皆名言篤論未可以更僕數知事始就學時即教以孝悌友愛忠信廉節爲大防一進退立坐之頃都有矩矱嘗言課子之法全在發蒙時教之端正方能造就學問不僅讀書識字便稱教子也至哉言乎斯謂以一語括小學之精義矣公又深明古者易子而教之旨知事十齡時即命去家數十里就傳於恩貢聶興周先生知事筮仕以來凡蒞一官公必熟計其職守所當爲隱括數語以訓之其任克山嫩江青崗諸邑則教以勤恤民隱充直隸省長公署秘書則教以謹慎從公署邢台宣化等事則教以夙

夜匪懈治方正富錦兩縣則教以寬猛相濟其詞甚夥大旨根據有利於民生有益於國家不愧爲循吏即不愧爲孝子語異而旨同理明而詞摯又嘗語人曰父之於子冀其祿養則有覬覦之心吾有敝廬足以蔽風雨薄田足以給饗殮眠食優游觀史閱報足以娛朝夕何用以日用瑣瑣縈彼方寸爲乎達觀窮理之識蔑以加矣知事奉以周旋矢廉矢慎以忠以勤受知於大總統曹得分直之簡任職傳令嘉獎並內務部加俸註冊公亦齒登大耋爲鄉里所矜式易曰積善之家必餘慶詩曰君子有穀詒厥孫子夫慶視其所積而謀視其所詒源遠者流長本固者枝榮予於知事有以知公之所積者久所詒者大也知事顯揚其親光大其家服膺其訓可無遺憾而猶以王事抱終天之恨痛哀切無已惟恐前人之休光懿德不顯聞於當時於此益覘公之世澤長而流慶遠也公生於清咸豐二年壬子二月初五日子時卒於中華民國十八年己巳夏歷正月初一日丑時享壽七十有八元配房太君蚤逝無出繼配趙太君邑北四台村國學麗生公次女附貢生聯五公胞妹先公四年卒浮厝於舍之南圃生子一翹如現任吉林富錦縣知事即今請銘者娶康氏側室張氏再側崔氏孫男二長濱次凌俱張氏出孫女一康氏出河北省立第一女師範肄業適阜新姜元甫北平豫章中學校肄業以是年夏歷二月初五日奉公及趙太君神柩合葬於阜新艾林泉祖塋之次房太

君亦耐馬爰爲之誌而係以銘曰古宜之北凌水滔滔距六十里曰艾林臬存廉薛老
文雅賢豪義朝士子多屬李桃茂才乃嗣富錦縣曹哲人雖逝德劭年高生居弘政死
葬阜新時柩焉者房趙夫人土周於椁碣石磷磷癸山乙向祖墓相因清河前映閭鎮
遙循刻辭幽宅徽采生春千秋萬禩景仰耆紳先生之道相得益伸先生之風垂久不

湮補登邑乘列傳寫真而今而後其孰比倫

中華民國十八年三月初一日

武德騎尉趙貴餘公墓誌

民國十六年四月

陸軍少將二等文虎章 陶冶平

武德騎尉趙貴餘公

諱永保邯鄲華胄道德傳家天性人和心身正直家族稱其孝鄉

黨稱其義急公益勤耕讀耄耄尤勵當值國初造之秩若公其人者實爲社會之賢豪
吾民之模範也哉公令正于太君仁厚淑善孝慈溫良操井臼相家政舉案齊眉倡內
助公每作公益太君嘗以見義勇爲四字勗成之人皆頌爲賢助焉民國紀元余奉簡
命長東三省兵工廠公喆嗣長材料處同仁共濟倚俾攸資其公正廉潔敬事好義之
品格爲當道所推許爲寅僚所同崇嗚呼是乃嘆其家傳有自學詩學禮之訓教人教
義之方道德文華允哉象賢今公已歸道山下佳城於義縣九間房屯之陽癸山丁向
後座閭山前照大嶺輝山屏於左凌水繞於右公爲一世仁人斯得萬年福地十六年
春喆嗣爲公立墓誌問序前來余情關世誼楷則素諳爰據是寔敬述要略公生子一

名文會陸軍五等文虎章前東三省兵工廠材料處處長孫三長名恩榮陸軍三等獎章現充東三省兵工廠衛隊連長次名恩蔭北京新華大學畢業留學日本東京二名恩慶現幼蘭桂騰芳德徽堪表銘勒瑣珉以誌不朽云爾是爲序

張母劉太夫人墓誌銘

字敬 洪維國

自來閱之肇興其鬱鬱而積之者都不必有顯著之功德以炫耀乎世俗往往一夫一婦之庸行隱洽天心天道福善降之百祥古史聖賢特出英雄崛起殆未有不基乎此者吾鄉張氏自輔忱督辦昌而大之門楣鼎盛松喬處長文武兼資兄弟競爽公子凡人雲波蔚久尤徽崎而傑出四世同堂家庭雍穆而封翁及太夫人均聰強大年富貴壽考多子多孫人艷羨之以爲不可及不知天處其平地處其成平不易知成則可見竊以爲張氏滋大寶太夫人之德有以成之也太夫人系出望族來嬪張氏克孝克慈克勤克儉居家庭而有德量應世變而有義行雖極繁極難至艱至苦之境遇皆能坦夷以處之儲厥聖善以貽子孫太夫人遂食其報用知庸行既至天眷歸之世之煦仁子義茹素倭佛以妄冀福佑其後嗣而通顯其家族者殆未與聞乎太夫人之潛德也夫太夫人享壽八旬無疾而終一品之封八座之養其生也榮三軍之素四方之弔其死也哀維國不文無高論博議以闡揚太夫人之懿德謹以庸行獲德報之義標揭

之以告世貞珉屹屹遺德峨峨使千秋萬歲無或磨滅此則維國所志也爰爲之銘曰
庸言庸行發於至性天隱相之門楣鼎盛純孝大慈無違有敬教子義方蘭森玉映敷
政春溫平治秋勁將帥公侯清勒嚴正繼母聖善自天錫慶駕鶴驂鸞清風遐躋豐碑
屹屹述德述聖萬歲千秋播諸詩詠

右墓誌 共十
五篇

墓表

清

清故資政大夫直隸候補道李君墓表

義寧人 陳三立

君諱葆恂字文石號猛庵晚歲復號鳧翁義州人河南巡撫李公諱鶴年之第三子也
生五歲即能作擘窠書九歲能屬文十三畢群經兼覽流略百家之言稍長讀書巡撫
官廨之偶園著有偶園小稿偶園讀書志偶園所見書畫錄讀水經注志疑諸書一時
通人老學斂手驚服君用所學名世基於此光緒十八年許文肅公振禕爲東河總督
君既屢就舉不第於是客文肅所佐幕職施政治河防一倚任君累勞保知府擢道員
後發直隸委用二十八年湖廣總督張文襄公調入鄂久之忠敏公端方署總督舉君
應經特科以母病不赴母終服除忠敏移督兩江復奉調君至江南委充湘鄂兩岸准

鹽督銷局差恤商別蠹課贏金百數十萬忠敏據入告詔交軍機處存記忠敏通雅好
士收置彝器壞物絹素舊蹟甲天下前後爲題跋凡三百餘篇忠敏嘗嘆曰錢竹汀後
一人也蓋君之學宏綜而慎且治經專尙書治諸史殫精班氏爲文承姚氏惜抱梅氏
伯言之傳簡雅有法詩效玉溪涪翁下逮元遺山書則貫輸古今之能者自成其體旁
及天象輿地梵典繪畫騎射南北曲彈院之屬靡所不究至金石摹刻法書名畫別其
真贋等差其優劣獨具神解匪徒引據浩侈論列精確而已當是時績學嗜古負鑑賞
名海內者凡數輩君幾掩其上而嫺歌吟擅文章闕見古作者蘊奧所在契合於冥漠
益非諸家所能及也辛亥之難作君避居南宮尋就醫天津疾少間猶與吳侍郎重意
詩詞相酬唱抒哀憤乙卯八月七日卒享年五十有七即以其月葬君順義縣燕王莊
曾祖諱蔚秀庠生妣高氏祖諱維藩禮部員外郎妣楊氏父即巡撫公妣樊氏生妣葉
氏皆以父貴贈封如其官娶徐夫人生子放度支部員外郎敬學篤行克續君志業繼
娶林夫人無出側室王孺人生一女未字孫一人曰辟兵君內行粹美盡其性以事親
及於昆弟子姪襟度蕭遠挹之若不可窮善談諧或雜妖鬼幽恠使人意移而神悚始
余識君自大梁俱少年耳其後二十餘年復稍游聚江海間遭國變遂不相聞余以孤
陋於君博涉藝能類非所習輒引爲愧今當道消雅廢禍亂積而生人之趣盡獨往往

思對君說鬼少娛四海一身莫知死所之歲月而已不可得則信乎可稱無以爲質之非過言也已悲夫所著書有手寫擊揖集一卷讀書詩二卷然犀錄十卷餘俱散佚或毀於兵燹爲孤子放所搜輯者曰猛庵文略二卷三鬯翠墨移題跋四卷偶園讀書志二卷猛庵雜著二卷舊學庵筆記一卷庚癸小草一卷紅蕪山館遺詩一卷津涉聯吟

集一卷

文心社刊張新翹報告並寄來原墓表民國四年乙卯

右墓表

共一篇

記

明

遼右書院記

見前欽賀

弘治癸丑秋南燕繡衣樊按公治東土以教育人才爲首務乃選河東西諸生之優等者庠各有差建遼左遼右二書院分處之讀書其中以相切磨延學行老成師儒主之復命官典薪米供億之費院額之扁巡撫都憲河東張公九雲之所署也樊公臨古宜枉顧病夫請爲遼右書院記欲成諸生而久斯院辭以迂鄙不足辱命繼而托分守叅戎金臺王公彥箴懇求不已乃爲一言夫古今之道一而古今之學不能一蓋古之學者將以明此道而體於身足乎已而及乎物非若今之學者務誦讀攻組織要聲光徼

利祿而已此義利正邪之分而治道隆污生民休戚之所係焉者予不能苟同流俗謹
取紫陽文公之教於白鹿者躬勉以誨子弟暨館下之生時人不迂闊之者鮮矣今樊
公之記斯院乃不我迂而惓惓是託公其有意於法古乎則亦遵文公之規而已蓋其
所示立教之目爲學之叙修身處事接物之要炳然具在至所謂誠明兩進敬義偕立
其丁寧之意愈益深切諸生由是以進高乃志正乃學實乃功以祛習俗趨利之鄙陋
吾知德成而才富體立而用行進足以匡吾君而澤吾民退足以化其鄉而善其俗夫
然後古聖賢垂教之意可以不悖朝廷育才之心可以無負而樊公之建斯院與夫贊
惠而成之者亦皆有光於無窮矣嗟夫此固諸生之所以成而斯院之所以久者與書
曰事不師古以克永世匪說攸聞故敢以是爲諸生勸敢以是爲將來告樊公名祉字
介福丁未名進士是役也提調者參戎王公銘督工則都閩魯公勳云

乾隆四十八年盛京通志歷朝藝文弘治六

年癸丑

史氏倚廬記

前人

史氏祖山東東昌聊城人今爲古宜金紫巨家君名璠字公玉昭信校尉百戶公諱鏗
之三子也生而剛明自好雅重鄉里雖處塵市而衣冠言動簡飭不少慢浮薄者或謂
之曰乃亦士夫態耶君惟自信而已旣而遣其仲子冊從病夫遊病夫教人不能專事

口語文辭以取青紫必首以文公小學使人讀而躬行之迂之者恒多史公乃能於其家亦取小學焉誚之者亦甚而君之自信益篤弘治五年仲冬日母安人劉以壽終哀毀如禮乃於中門之外敷數椽爲倚廬居焉絕肉酒遠帷薄且未嘗一造親故之側以終喪制又常以其自置居第讓其季焉是其行誼今之士夫每每難之矧流俗之浮薄者耶嗟乎禮教之壞久矣滔滔者固無足言而仁人孝子之間出者復往往舍神靈而守塚墓孝有餘而學不足守先王中制者希矣故記史君之行於其廬以世其子若

孫且以告吾鄉之人

清乾隆四十八年盛京通志歷朝藝文弘治五年

義州修建緣邊營堡記

前人

義州古曰宜州在醫巫閭山之右有虞封十二山時即爲中國之地矣秦漢以來或得或失我太祖高皇帝掃蕩烽塵混一四海爰命功臣龍虎上將軍都督馬公雲葉公旺由東萊航海來遼招附而經營之設遼東都司焉義州之境廣袤百餘里東翊廣寧南庇錦州西引大寧大寧諸城亦一都司也惟北部與敵鄰耳永樂間朝廷以朵顏三衛等處効順遂徙大寧諸城之人於北直隸而以其地與之義州遂兩面受敵而緣邊凡百六十里最爲要害焉正統初提督軍務都憲鹽山王公九皋乃創立六馬營堡每堡守以餘丁五十人小官一員城中官軍輪番設伏內則保庇耕牧居民外則救援台空

戎卒小寇入則覘踪斷其歸路大舉至則協力助爲聲援在彼有腹背之虞而在我得犄角之勢焉又凡在城官軍每至一邊有所止宿而無暴露奔馳之苦垣點台空一有壞缺營之兵丁即時補治無久壞大壞以致千里調夫勞瘁死亡之患此實保邊禦寇久安長治之要術也自後以北人入寇暫撤官軍以避其鋒遂因循而廢棄焉弘治六年分守參戎金台王公銘建大清一堡填實官軍五百餘尙邱墟榛莽間有識者浩歎而已弘治戊午以來邊備益弛外患大作始而窺邊卒攻台空以疲弊我兵馬繼而掠耕牧窃屯堡以戕害我人民已而擁衆深入掩復軍官以蹂踐我土壤雖晝行官道夜宿園廬者猶不免焉嗟呼敵寇之勢熾官軍之勢沮膏腴之田棄農桑之業荒死亡流徙何斯民之不幸也皇天厭亂否極而傾弘治庚申參戎襄平韓公良弼分守吾州公才兼文武志在安攘甫下車而梟磔逆聚者數矣且慨然以起做爲己任請之鎮巡重臣極其心力然皆未果乃癸亥歲巡撫贊理軍務山東張公用和巡按閱實兵備侍御江右余公宗周相踵惠臨俱汲汲以修建營堡爲保邊首務躬親行邊觸冒險阻相度其宜區處其費與凡犒勞而賞勸之者無所不用其至而韓公之志於是始伸自大清堡西南堡曰大寧大平大康大安大定甫踰年而皆以次就緒每堡填實多者七百少者四百人供軍舍餘從焉於是授以附堡田土使之且耕且守以漸包砌而擢賢能以

官守之其官軍之多寡亦時勢之使然也自是聲勢連絡內外倚伏邊境無虞歡聲滿野積年之禍一旦掃除而利澤宏遠矣六堡舊名清河義寧鎮防青榆林大安綏遠今五堡新名則張公之所易也其督工委員則有備禦都指揮張椿千總都指揮楊忠焉吾州父老喜極而憂曰安知平寧既久無廢棄如前日者乎吾子若孫必復罹其害矣盍求德人之言記其源委利害之實以深刻而永鑒乎於是武弁礮石薦紳請余文歡欣從事靡約而同余遂欣然諾之記成乃喟然嘆曰是舉誠多益矣使後之繼者能體今日諸公之心邊不永固民不永安乎苟或受昧而畀以非人私役而妨其公務科尅以蕩其恒業別野其營堡而臧獲其軍丁寄空名而曠實事焉則烏合鷓張之衆乘之其患可勝言耶如是而歸咎於創建之人誤矣後之君子尙有念於余言也夫

十六年
癸亥

見四庫全書明弘治

釣魚臺祠記

都御史蔡天祐字成之睢陽人弘治乙丑進士

凡有功於人者祀報之義也醫閭先生教化鄉閭者四十年異端之教不行焉鄉人爲祠祀之不謂義乎先生姓賀諱欽字克恭家醫巫閭山因號焉天性高明幼學即有志於古及見性理羣書朝夕玩索而有得乃益自信古聖經書本教躬行不可徒自誦說已也乃益厭俗學舉進士爲給事思盡厥職有犯無隱成化戊子春京師災乃上疏大

略謂應天以實不以文不報遂自劾又不報乃告病歸築室圃中取古聖賢書以漸幽討非弔喪問疾不出如是者數年大有所得乃教鄉人鄉人故事重佛老及不經之神先生乃製祀外神文畢祀而悉焚之上下翕然從之無梗焉者於是趨門墻者日益衆學者始至必詢其奉先祀事父兄之節苟簡則亟命改之曰學者學何事也而可緩於是耶每謂朱子白鹿洞規爲經書機要小學書爲日用準則自修教人一本於是故異端之說無自以入而義州之俗獨美弘治初以大學士劉吉薦除陝西參議賜璽書假以便宜會母病不果行乃條陳四事一曰資真儒以講聖學二曰薦賢才以輔治道三曰遵祖訓以處內宦四曰興禮樂以化天下皆世切要鑿鑿可行疏未上而母病不起遣子上之且辭新職許之而寢其言識者有遺憾焉先生好山水每景物熙明輒携親友遊釣凌溪之澍徜徉竟日歿後五年鄉人思先生者相謂曰吾人之不爲佛老惑者先生功也吾人幸見先生而被其教也先生往矣恐久而忘之吾不忍於吾之身而忘先生也吾子孫不幸不及見先生而不蒙其教也先生往矣恐久而不知之吾不忍吾之子孫不知先生也凌溪先生游樂所也蓋爲祠歲時祀之使吾人接之於目思之於心則先生之教猶在也使吾子孫接之於口思之於心則先生之教亦不敢違也嗚呼先生之功亦大以遠乎哉嘗聞先生學出白沙白沙者廣南陳公甫也史謂陳公甫作

詩好奇時人多宗之予生也晚不及登白沙之堂知其人也使白沙而止於作詩好奇也則作詩好奇爲信而先生不作詩好奇所造乃其自得使白沙而不止於作詩好奇也則作詩好奇爲誣而先生不作詩好奇所造乃爲善學因併及之

乾隆學八年盛京通志歷朝藝文正德十年乙亥

右記 共四篇

集

明

醫聞集

卷一附教門生四語

見前 賀 欽

鄉武弁喜功名者往往有燒磚包砌邊牆之議自都閩請諸先生先生曰噫是欲爲秦皇之長城者矣審如是邊人死亡無日矣我國初立邊始而埋木已而掘坎爲壕又其後也爲小小土墻邊人不甚勞也今規模高厚民已告勞矣苟欲燒磚包砌非秦之長城而何古人云作者不居居者不作如秦作長城後人因而爲利而秦則亡滅此事理之明白者奈何效之縱使處處有法不勞而成只欲地方繼續修理亦已難矣且如吾州之城九里餘耳頃因連雨傾塌殆盡以一城兩衛之力累年不完今一城之邊動輒二百餘里倘有如吾城傾壞時何以修復今姑以黑白窑言之一城只有三座每年春追其夫丁尙有至秋未完者今爲長計其窑當數倍於前矣民力可能辦耶幸勿再議

白公悚然而止

四庫全書

附 西山先生曰 罪已而不非其親者仁人孝子之心也怨親而不反諸己者

亂臣賊子之志也

賀醫閭因門人失愛於繼母以此教之

右集 共一篇

辭

清

同治十年辛未春川省族伯母命家人詹俊來迎弟榮爲嗣續躊躇數旬始於清和十

八日起程雨夜回思能勿慘然

右調名水仙子

一肩風月下秦關萬水千山行路難荊花合雨東西散蘸霜毫心欲酸料征人鄉夢難

安听簷鈴別淚空彈也知此去身榮宦只難割的骨月情團

歡迎吳鎮守使凱旋辭

恩貢生候選直隸州州判

趙祖裔

奉天北路遼源縣官紳學警商農界爲平蒙上將吳鎮守使凱旋功勞開歡迎會其辭曰自民國以肇造萃五族於共和惟庫倫其反對助蒙虐兮惡俄痛邊疆之釁啟賴吳公其無他既勇謀之兼備亦胆氣不消磨誓斬將兮奉旂必士卒之听命能扞賊者扞

王獨操權之必勝殲梟帥之渠魁恃兵精與旅勁以我寡而敵衆迫胡馬其奔騰當是時也長槍大戟戰氣方酣疲馬羸兵鼓聲以促况復北風漠漠耳鼓颼颼朔風凌凌眼簾黯黯冰天雪地忍冷耐寒欲食無炊畏飲無泉惟我勳帥振臂一呼激創痛之皆起群舉刃以驅虜唱凱還而屈指勇足以振強胡誠足以服衆士黃沙白草塵揚師旅之鞭墨陣紅雲冷逼衆軍之戟趙子龍渾身是胆長勝將軍我吳君可媿其勇也張桓侯嚇斷當陽驚退曹兵我吳君可比其猛也王鐵鎗寸劍殺人群醜投降我吳帥可捷其功也五字立兵法何亞乎武穆千里無王庭亦猶之衛青著程李之偉績羨韓范之齊名妖氛滅而民安逆蒙逃而肅清爲百姓之保障爲鞏固之長城爲一代之名將爲千古之英雄官紳學其感戴警商農兮輸誠乃無以可報德開大會以歡迎爰爲之歌曰上馬能殺賊兮下馬兮作布露拯斯民於水火兮欣安居茲樂土無塗炭而溫飽兮民仍力田以作苦宜褒德而旌功兮膺禾章與文虎獲上將之嘉錫兮賴衆將而爲伍嘆無二而寡雙兮實同胞之幸福

趙氏家藏

義州醫學研究會開會祝辭

趙祖襄

今日是吾義州醫學研究會開會之第一日得蒙官民各界耆碩駕臨本會實爲榮幸之至這醫學立會研究可知吾人腦筋中注重醫學敦促進化之步奏將與世界文明

列國急起直追並駕齊驅達到文明術理實用效果之目的此後努力不懈吾國醫學在爭競世界必放一特色光明吾人當同有此大希望不可以爲妄想的理想漠然置之斯當開會伊始同人之歡迎向學者數百人各界辱臨贊助者又數百人都爲不期而至有如此之勝况吾會醫學之發達實可預卜於今日本會發生於城廂議事會建議案有公民魏香圃者以創辦醫學研究會請議書上城廂議事會既而由會通過蒙監督核准飭城廂董事會知會同人等張辦創立事宜於是議訂章程立會址於城內藥王廟設正副會長各一名幹事員四人研究科科長二十人分十科分科研究 一 稽古科 二 求新科 三 內科 四 外科 五 婦科 六 幼科 七 眼科 八 瘟疫科 九 針灸科 十 正骨科 共十科但同人等自知才學淺疏務當努力工作冀可收文明進步之效果方不負各界歡迎希望之厚意吾同人勉之哉抑鄙人尙有所請者本會今屬創舉凡百一切模形粗具此醫學幼稚時期跬步維艱仰祈各界先生教言時錫以匡不逮同人幸甚本會幸甚

宣統三年八月

謝履亭先生黃鶯兒詞一首

祖谷蘭

來字見交情游閩山約共行待余之意何其盛詩與人賡酒用瓢盛音成免蹉跋涉將殘

命樂無窮此恩此德何以報先生

予思此游山之事非同容易同行數人車馬草料喫飯有飯錢住店有店錢心透何
所何日歸家僧留飯喫乎不喫擾飯拜佛香錢多捨等等花費全得打算几人均分
每人若干方爲明白豈可冒昧而行

安樂清閑四字詞

光緒九年四月二十一日詞名節節高

安字詞

安安心廣體胖無妄念無迂談飲不致醉食不加餐步能行穩地事不設機關但守百
餘忍字全無半點愁煩寤寐不驚忘嗜慾何須採藥煉金丹

樂字詞

樂樂朝耕暮學處林丘勝臺閣翠柳黃鶯青松白鶴棋子任縱橫觥籌且交錯方風月
於濂溪散襟懷於伊洛詩翁瑟友不時來共歌共舞還共樂

清字詞

清清瑟韻書聲金莖露玉壺水清風水面皓月中芝蘭爲契友松柏是同盟幽館竹
牀紙帳小窗黃卷青燈老菊一枝霜後綻寒梅數點雪中呈

閑字詞

閑閑性靜心寬倚竹枕坐蒲團無些縈繞有何摧殘功名非我願富貴任人攀醉臨綠

蔭一榻覺來紅日三竿散淡逍遙忘歲月是非榮辱不相關

寄張履亭先生詞

右詞名
鷓鴣天

八旬零一受貧窮嘆我殘年運未通屋漏更遭連夜雨船遲又遇打頭風倉米盡人壽
終鄉鄰誰肯助衰翁命兒遠乞知心友庶免腸枯腹不充

凌河觀濤詞

巨浪滔天東來翻銀滾雪白茫茫不辨魚龍那分晝夜怒濤橫掃金隄裂太空倒湧銀
河瀉憶前朝曾築大凌城留餘烈霸圖休雄風歇數興亡從頭閱只賸得點點沙鷗明
滅嗚咽寫出淒涼韻奔騰淘盡英雄血得多少芳草襯斜陽銷殘劫

民國

張母劉太夫人誄詞

新亞日報社東
北大學教授

陶清濬

靈粹之蘊淑善之姿聰哲明敏溫恭仁慈維太夫人婉嫵貞正德容言工少成若性婦
式咸備母教克從如玉之立如蘭之風恭順不惰明烈備體善事尊章俾親色喜素秋
比潔青春同和雖歷艱辛無廢詠歌井臼操持針枵親執能肅閨門而盡婦職嗣君承
教克有令名民之蔭庇國之干城甲午之役戊己失防妖雲倏閃民物悽惶維太夫人
襁負而避危苦備嘗艱難載歷教子有方成其大志遇合風雲秉節施治屢擁旌旄疊

總師干政濟仁猛令合寬嚴座鎮邊疆雍容華貴人才走趨如雲之會太夫人訓毫無
寬假官閥已高心氣宜下越石有母其訓列經畧宏濟驅駕蒙蒙傑琨未盡瑯功業忽
焉維太夫人子賢於前板輿之奉引年欣欣方祝期頤永爲壽人何圖奄忽悲生風燭
儀遂慈違懿德長著昔侃母湛勉子以業截髮留賓遺鮒勵節維太夫人力戒驕盈嗣
人克劭通國咸稱德與之侔教與之同蘭幽玉穎萬古賢風嗚呼哀哉

其二

梁國棟

螽斯麟趾慶衍葛覃必有賢母迺育奇男維太夫人今之韋柳巾幗汾陽閨門秦斗及
笄作嬪德叶玗璠鹿車共輓鴻案相莊孝敬翁姑輯睦娣姒截髮留賓和丸教子門材
蔚起賈虎荀龍奎章褒寵咸號禮宗大耋稱觴封翁偕老皓首齊眉富貴壽考瑤池虛
左駕鶴西歸星沉寶婺雲黯慈幃掌上瑤琨皆領方面大壽高牙將帥齊奠歿甯存順
備極哀榮甘泉畫像雖死猶生

其三

東三省保安總司令
部副官處副處長 李汝舟

民國十七年夏曆五月十八日今輔威張將軍太夫人疾終奉天省寓正寢享壽八旬
汝舟爲將軍舊部也誼不可以無誄爰作誄曰人如過客生則有死身歿名垂爲世所
美維太夫人母儀煌煌郝法鐘禮今古比將溯自于歸料量米鹽家常屢空幾等窮檐

中夏兵亂倉皇焉走險阻艱難扶老携幼嗚呼哀哉壽母之賢聲聞疇曩內而姑嫜外而戚黨家運隆起日上三竿子爲名將孫總師干昔何艱屯今何鼎盛仁慈食報得理之正將軍柱石綜綰軍民迎養之志苦未得伸母也家居勤儉爲務恐墜家聲依然寒素喜貴惡賤人情之常毋對高官心獨徬徨垂戒驕盈無忝爾職非此母也寧具此識汝舟夙侍將軍辱承恩遇備聞懿行無德不具謂與太公定卜偕老忽來訃音神歸蓬島痛失慈雲登堂淒咽豈惟感恩實仰賢哲嗚呼哀哉

張母劉太夫人蘭花屏四幅題詞

第三四方面聯合軍團
第二十軍第七師師長 劉乃昌

教得才高智略詳家庭效果勝膠庠當年堂上和風暖吹得蘭言句句香教得德崇品亦高宛然當代作賢豪當年堂上熊丸苦換取蘭香勝濁醪教得鴻慈似雨露歡然百姓共謳吟當年堂上荻爲筆倒此澆花寄意深教得成名聲已揚官登極品福無量當年堂上萱花味較視蘭芽百倍香教得邊防指日安馳驅勿事據銀鞍當年堂上香薰染入室居然有畹蘭教得清廉事迹彰富饒專道於民藏當年堂上清香播空谷不言竟自芳教得功爲策太平旌旗所向匪徒清當年堂上栽培厚雅使根深花發榮教得心高才備全奇功宜自表凌煙當年堂上羣花嚼蘭蘂芬芬勝蕙荃教得聲威足動人居然堪敬又堪親當年堂上香雲覆擁護蘭孫奕葉春教得悃誠誰與齊一心爲國舞

聞雞當年堂上香煙繞今日堦前玉露淒

東豐縣教育月刊發刊祝詞

見前趙仲珊

粵稽豐邑山古川明蘊蓄千載毓秀鍾靈一朝開闢積久流光庶富而後教育克昌今
創月刊發揚國粹兼闡新學風行海內凡我學界羣叨教益敬祝鴻篇垂億萬禩

右辭共十
二篇

歌

晉

阿干歌

鮮卑謂兄為阿干鹿因兄吐
谷渾因馬鬮去不返作此歌

慕容廆

阿干阿干陟岡以看胡西之兮賸我形單因馬而別追悔心酸歲暮窮思寤寐難安

民國

民國十四年

縣立第一高級小學校長張景新優附生考職典史

C 調 男 校 歌 44

<u>1</u> <u>3</u>	<u>5.6</u> 5 [˙] 1	<u>1.65</u> <u>13</u>	<u>55</u> <u>65</u> <u>31</u>	2—0
北	環凌水東	倚閭 峯同	昌自古 著	名
<u>1</u> <u>3</u>	<u>5.6</u> 5 [˙] 1	<u>1.6</u> 5 <u>12</u>	<u>3.1</u> <u>2</u> <u>3</u>	1—0
山	川毓秀天	地鍾靈 英	才應運 而	生
<u>1</u> <u>2</u>	<u>3.1</u> <u>2</u> <u>3</u>	<u>1.6</u> 16	<u>55</u> <u>65</u> <u>31</u>	2—0
八	區子弟聚	我校中 朝	夕共 荷 陶	鎔
1 <u>3</u>	<u>5.6</u> 5 [˙] 1	<u>1.65</u> <u>12</u>	<u>3.1</u> <u>2</u> <u>3</u>	1—0
小	學造端遠	大前程 昂	哉日進之	功

正教員 劉書林字西山 附生
E 女師範校歌 24

<u>1 3</u> 凌	5 水	<u>6 1</u> 繞邊	5 城	3 醫	<u>5 6</u> 巫閭	5 多	<u>3</u> 奇	<u>1</u> 峯
<u>1 3</u> 山川	<u>5 5</u> 秀毓	<u>6 1</u> 女英	5 雄	<u>5 5</u> 齊	<u>6 5</u> 努力	<u>3</u> 奔	<u>2</u> 前	1 程
<u>1 7</u> 勤	<u>1 6</u> 肅	<u>5 5</u> 樸	<u>3 3</u> 潔	<u>6. 6</u> 懷	<u>5 3</u> 箴	2. 銘		<u>0</u>
<u>3. 5</u> 遵	<u>5 6</u> 校	5. 訓	<u>0</u>	<u>3. 2</u> 著	<u>2 3</u> 賢	1. 能		<u>0</u>
2 學	<u>3. 2</u> 花	5 木	5 蘭	1 媿	<u>3. 2</u> 沈	<u>1 6</u> 雲		5. 英
1. 報	<u>6</u> 親	<u>1 7</u> 報	<u>1 6</u> 國	1 人	6 欽	5. 敬		<u>0</u>
3. 同	<u>2</u> 胞	<u>1. 2</u> 女	<u>3 2</u> 兒莫	1 自	3 自	5. 輕		<u>0</u>
6. 同	<u>5</u> 胞	<u>6. 1</u> 女	<u>6 5</u> 兒莫	3 自	2 自	1 輕		0

義縣古今設治地名歌

5 5 5 3	5.5 1.1	2̇ 1̇ 2̇ 3̇	2	0
溯 吾 邑	秦地 遼西	漢 及 遼 名	宜	
1̇. 1̇ 2̇ 2̇	6. 6 5. 5	3. 3 5. 5	2 -	0
有 金 天 德	三 年 上	義 州 始 改	為	
3. 5 3. 5	6. 6 6. 5	3. 5 3. 5	6 -	0
弘 政 同 昌	開 義 縣	地 址 也 須	知	
1̇ 1̇ 2̇ 2̇	3̇ 3̇ 1̇ 1̇	6̇ 6̇ 2̇. 2̇	5 -	0
長 慶 廣 寧	後 屯 衛	何 一 不 在	斯	

義縣山川歌

凌 河 西 | 來 東 巫 閭 | 自 古 無 改 | 遷
 讀 書 山 下 | 釣 溪 邊 | 賀 欽 吾 鄉 | 賢
 虞 封 鎮 兮 | 今 修 隄 | 上 下 五 千 | 年
 一 覽 衆 山 | 皆 等 小 | 水 亦 少 大 | 川

義縣城池歌 (一)

溯 義 縣 | 有 城 原 來 | 創 自 李 唐 | 時
 明 何 浩 修 | 仍 舊 基 | 楚 勇 磚 砌 | 之
 圍 九 里 餘 | 高 三 丈 | 丈 五 尺 深 | 池
 熙 春 慶 豐 | 永 清 安 | 泰 四 門 不 | 移

(二)

右 參 將 | 胡 忠 開 鑿 | 修 復 馬 道 | 焉

時在有明 | 正德年 | 四門設同 | 前
北門安泰 | 改安遠 | 全遼志相 | 傳
嘉靖癸亥 | 增門樓 | 都司史公 | 賢

(三)

迄清乾 | 隆勅修城 | 義州在其 | 中
戊戌予以 | 五年限 | 癸卯告成 | 功
巡閱備宴 | 五里屯 | 至今說高 | 宗
民國警察 | 司鎖鑰 | 也與城守 | 同

節錄義縣古今人物 (一)明清鄉賢及翰院編檢庶常

溯 義縣 | 古今人物 | 輝映相後 | 先
 清 李鶴年 | 明賀欽 | 同祀祠鄉 | 賢
 王猷翰林 | 爲首出 | 末尾馬芳 | 田
 中間韓李 | 兩編修 | 李還在韓 | 前

節錄義縣古今人物 (二)燕國王及金明清文武臣宰

慕 容廐 | 都大棘城 | 前燕久著 | 名
 耶律辨材 | 負志節 | 絕不事逢 | 迎
 兩朝遊宦 | 推梁氏 | 明清俱顯 | 榮
 蘇澤御前 | 官侍衛 | 武第冠鄉 | 評

節錄義縣人物 (三)元清二朝及民國著有特別勳勞

加 金紫 | 光祿大夫 | 有元首王 | 珣
 李氏守賢 | 兄弟們 | 忠義冠羣 | 臣
 滿清辛珠 | 功也著 | 變故御前 | 陳
 隨討郭松 | 齡敗沒 | 民國湯玉 | 麟

劉書林

C 調 師中校歌 4/4

1 3 5 6 1̇ 5 | 3 5 6 5.3 1 | 1 3 5 5 6 1̇ 5 | 3 5 6 5 3.2
凌水湧文濤 醫巫閭呈畫稿 山川鍾毓誕英豪 齊努力喚吾曹

1̇.7 1̇ 6 5 5 3 3 | 6 6 5 3 2.0 | 3 5 5 6 5 0 | 3.2 2 3 1.0
敬勤樸兮 冠以誠 懷校訓 最分明

2 3.2 5 5 | 1 3.2 1 6 5 | 1.6 1.7 1.6 | 1̇ 6 5 0
鑄成人格造就 聲名將來 遐邇 人欽敬

3.2 1.2 3 2 | 1 3 5 0 | 6.5 5 1̇ 6 5 | 3 2 1 0
第一男兒莫自輕 第一男兒莫自輕

校長張景新

C 調 校訓歌 4/4

5 5 5 6 5 3 | 1̇ 1̇ 1 2 1 6 | 5 5 5 6 5 3 | 3 3 2 1 2 -
我們良好校風 我師訓練之功 勤樸潔慎誠恒 校訓此六字

5 5 5 6 5 3 | 1̇ 1̇ 1 2 1 6 | 5 5 1 2 3 1 | 2 1 3 2 1 -
約我數百兒童 勤則日知月能 樸則內重外輕 修學真本性

3 5 5 6 5 - | 6 1̇ 1.6 5 - | 5 5 1 2 3 1 | 3 3 2 1 2 -
清潔能卻病 謹慎可持躬 作去本乎誠意 尤不可無恒

3 5 5 6 5 - | 6 1̇ 1.6 5 - | 5 5 1 2 3 1 | 2 1 3 2 1 -
凡我諸學友 牢記在心中 果能遵此而行 遠大達前程

義縣教育所長張志先

D 調 追悼張大元帥歌 34

5	——	0		1	——	0		2	5	<u>5 4</u>		2	1	-	0		
赤				化				流	入	言		痛	心				
$\dot{1}$	$\dot{2}$	$\dot{1}$		6	5	-		4	2	4		6	5	0			
禍	國	又		禍	民			擾	亂	四		五	年				
$\dot{1}$	6	5		4	6	5		2	5	<u>5 4</u>		2	1	-	0		
貧	者	愁		富	者	恨		東	省	未		蹂	躪				
2	2	2		6	5	-		2	1	5		6	1	-	0		
功	推	大		元	帥			人	民	感		戴	深				
5	5	6		$\dot{1}$	3	-		5	3	<u>2 3</u>		5	1	-	0		
班	師	回		故	土			遭	險	在		皇	姑	屯			
1	<u>2</u>	4		4	<u>2 4</u>	<u>2 1</u>		6	1	<u>2 1</u>		2	4	1	-	0	
望	祭	本		縣	香	楮		酒	醴	追		悼	表	徵	忱		

萬國同盟中國紅十字總會正會員義縣紅十字分會顧問兼文牘
長姚鴻陸字子翔

D 調 勸募醒世歌 (和蘇武留胡韻)

紅會設立廿餘年 總會上海間 善士齊向前 省會地
邊於關 各縣恐後添 義縣隣邊界 吾儕欲爭先
醫學附醫院 恤兵醫治黎殘 人我同胞物我同與會

體捨資圓

世界衣帽年 人人名利攢 拭目看 聖經篇 合羣愛
衆焉 近來瘟蝗起 旱澇及兵燹 今勸愛衆者 惻隱
速捨銀錢 救我同胞衽席斯登立即稱聖賢
立會易中難 王夷甫不言 阿堵物 即是錢 思之亦
憎嫌 無財不養道 以何濟貧寒 除施外募化 四方
信女善男 或捐廉俸或捨脂款迅速解倒懸
會似渡生船 萬國將盟聯 高杆上 十字懸 又名慈
善團 博愛恤兵志 扶危國民顛 不分中與外 災患
一體憫憐 望我同胞大發惻隱快捨救民錢
立會非常難 報告秩序言 立醫院 請醫賢 聘禮不
惜錢 願爲受患者 手到病霍然 醫學教醫生 以備
永續延年 助資與其起死肉骨功同再造天
否運甲子前 國家多事年 民塗炭 兵顛連 皆因天
時然 紅會叛瑞士 除南脫君先 出發雖救護 莫妙
弭兵心甘 仰祈仁人謀及大同否運泰來還

立會爲救人 時把慈善存 四海內 皆五倫 痛癢相
關欽 投軍當兵士 爲國亦爲民 若遇衝鋒戰 難免
身傷血淋 我會負責担架救護努力不顧身
邦本是爲民 愛衆宜合羣 安老者 懷少人 孔子大
同心 墨翟尙兼愛 何況時賢云 人溺如己溺 拯救
餓殍奮身 生則賑糧死捨棺衾何敢稍因循
若論充官軍 爲民體於心 民亦兵 兵亦民 畛域何
嘗分 太平年尙可 荒亂戰場臨 槍林彈雨式 爲國
爲民忘身 心懷勝敵那還顧得生亡與死存
我會若思求 何以將軍酬 負走囊 野戰遊 預防血
水流 身傷須藥治 陣亡封土塚 勒碑刻銘上 以傳
萬古千秋 書及於此傷感之淚滴滴無止休
莫如息戰高 祖睡日上稍 勝似那 位尊爵 不然百
歲瞧 肉身早亡朽 惟有姓名標 治國同合義 全球
均是同胞 中國統一萬邦協和率天以仁昭
瑞士除南脫 創會萬民活 英女士 鼎鼐者 慈善志
不挪 生爲看護婦 歿存道與德 中國盛宣懷 人稱
萬家生佛 總會上海繼續賢才紀念册表白

傳

明

少師許文簡公家傳

賜進士第資政大夫工部尚書前都察院右都御史豐城

雷禮

許文簡公諱讚字廷美別號松臯河南靈寶人父諱進仕至太子少保吏部尚書諡襄毅生八子長曰詔鄉貢士次誥太子太保南京戶部尚書諡莊敏次即公也次記次詩工部主事次詞鹽運使次誌青城尹次論太子太保兵部尚書公生奇穎絕人十歲通戴氏經力學強記不煩程督弘治乙卯年方二十三歲舉河南鄉試第五明年成進士授大名府推官廉介挺特獄多平反有惡少夜殺人取其首去遺其刀於途比曉劉姓者負薪售諸市拾遺刀置薪中邏者見刀有血執以告不勝拷掠遂誣服公獨疑之曰豈有手及人而不秘其形跡者乎乃遍榜城市曰劉某殺人己服罪矣有能得死首者徵重賞未幾一人於枯柳樹中得死首以獻公曰殺人者汝也其人色變即吐因爭姦謀殺之負薪者獲釋方士以妖言誣讐家詞連開州民李志旁引十餘人公曰志且冤矣又濫及其他乎執弗捕方士竟坐誣死艾家口貿易區也貧民資之爲生有豪右植屋數百楹以專其利計逐貧民公力陳監司撤之民得不徙公暇聚秀艾親爲講校以

是科目倍前時壬戌徵拜陝西道監察御史尋以疾歸正德丙寅復蒞道戊辰襄毅公位太宰以例改翰林院編修值閣豎劉瑾竊柄御襄毅不附已矯詔罷其職調莊敏判全州公亦調尹臨淄尋丁襄毅憂庚午瑾誅起復陞浙江僉事孝豐寇湯九煽衆犯邑城公以計擒元兇反側底定戊寅陞副使巡視海道會江右宸濠反兩浙戎嚴公募丁壯扼險要待之民恃無恐未幾改山西提學校士必面授題意以驗其所蘊試畢進諸生於庭下論朝廷所以作養求才及士子讀書明理致用之要於大倫有玷者文雖高等黜之不惜凡有請託必明言責之曰父母教子弟須期遠大事業今爲子弟請託何以望其成人三晋士習爲之一變辛巳陞四川參政酉陽土寇搆兵累歲不能平公往出數語折之二寇匍匐款服嘉靖癸未陞四川按察使憫重囚淹繫相枕剖析以情脫死籍凡數十人爭繪像以祀有王親兵馬某姓者豪橫害人竟寘之於法甲申陞浙江右布政使尋轉左浙賦繁事冗吏胥善爲奸市公摘其尤者四十餘人黜革發成有差一應織造顏料悉發銀府縣擇大戶給領限完不由本司其府縣申報文移註爲號數循序散給於是杭人有許不解擔之謠丁亥召爲光祿卿瀕行以羨銀三千兩付汪公鉉汪私嘆不已至比之於楊公四知未幾陞刑部右侍郎尋爲左訓司屬詳律例於說堂時有未合者輒指駁其事時勳貴郭勛恃權擅繫邊官取充戍人犯下法司議尙書

高公友璣被科劾致仕勅公署印會同三法司再訊檢人金輅孫鐸聞旨不許用刑逼認黨助肆言無忌公上疏曰刑法所以重王章申天討也今聖明在上奸猾乃敢欺玩如此不惟臣等無顏亦於國體有損乞皇上垂鑒容臣等照常用刑平心追究上特允之獄乃成褫勛祿米三之二并追其贓餘論如律尋以公代尙書任適刁狡風熾數起大獄如總旗相虎等奏太監張永第指揮張容交結輔臣邃菴楊公潛通賄賂軍人李福奏太監崔文姪都司崔昂駢騙商價大壞鹽法舍餘羅佑奏張祿交通內臣陳德范杲周用等混賴沒官財物及訪獲勳衛徐光祀威力制人生員張紳冒薦大臣監生錢瀚妄議朝政公悉據法讞之不少徇錦衣指揮施恭與弟敬倚太監韋霖勢擅籍富商袁英家貲且控其墳墓英詣闕訴冤久弗伸尋累死止遺妻張氏再訴韋覓關節公厲言言責之按論施恭等如例發遣棍徒童源李糾挾詐張皇親不遂奏張挖斷萬壽山龍脉諸違法事及奏內閣并郎署官員數十人皆受張贓計數萬公辯悉其誣諸臣賴焉庚寅改戶部會諸省類報災傷公奏議救荒便宜因條鹽法在減價革勸罰糧地免塔配以寬報邊之商餘鹽不過正數下商免其附帶以制餘鹽之濫其屯田之壤由武備廢弛以致邊境蹂踐坐視拋荒甚或冊籍混淆勢要侵占乞責成巡撫整頓及論內府供億海戶冒濫宗室祿米十餘事俱報可御史郭弘化疏請止採珠公具覆以憂天變

憫民窮廣聖心乞俯從其請太監奏各馬房香火地土不敷供支乞照舊增添四十頃
公指摘循襲積弊請旨戒飭竟未增一畝時建言者題准有司積穀以多寡定賢否公
論積穀者即預備倉之事不宜於預備倉外又立積穀之名若不問有無罪犯以科罰
足數爲賢是利民未得先以滋病乞行有司將見在贓罰引錢稅課無礙銀兩糴穀備
賑毋一切爲侵漁計上嘉納焉壬辰以二品一考廕子僉爲國子生甲午莊敏卒母高
太夫人遘危疾公乞終養弗許特令馳驛歸省尋丁太夫人憂是歲太宰缺上屬公特
虛以待丙申詔改吏部尙書俟終制供職蓋異恩也服闋公始至視事丁酉二品兩考
加太子太保己亥加少保天子巡狩承天公扈從尋以推恩進柱國贈三代公入部以
來念襄毅公掌銓持正不撓稱名吏部深自喟曰予敢逐塵紛墜先烈耶秉公擠才授
任杜請託仰僥倖雖要人有所軒輊不輒沮却舉人盧綱訐知府孫存張一厚詞連部
院撫巡上震怒行巡按械繫下部院議公執奏差官就彼會勘以免人難上允行之東
宮應設官僚四十餘員有求進者公毅然拒之曰輔導東宮須端人正士今一講之即
是奔競何以充選集衆議僉同乃擬推數人以是輔臣御甚會己亥九廟災公上疏曰
古災異策免大臣今廟災策免宜自臣始遂擬旨免公上曲允致仕意實重公不逾歲
復召還公感上知遇益奮竭因疏銓曹積弊十餘條及防邊四事咸切機宜壬寅銜公

者以災異免公侃侃引素以用人圖治爲己任上懲邊患未寧責在巡撫大臣專恣罪
在言官各令公考察公參稽輿論擇巡撫脂韋馮法及苞苴自私者擬斥十餘人其科
道素乖風紀并建白無聞冗牘可厭者擬黜調二十餘人一時士氣復振尤念人才當
愛惜有孤特自立爲人擠棄及言事傷激遭擯者前後薦起十餘人善容人過釋私怨
或以言犯公如南科給事中會鈞等以其資深敢言不次叙其甄別流品南北各定所
宜除自一下人人稱平方面以上或以儀通問舉人監生謁選或由私徑營美缺必當
衆發其私竟抑壓示懲每大計吏治雖憑考語猶跡行履若官常素守爲上官所刺必
留之存心險詐于清議雖考無貶詞不曲貸甲辰春考察外官有一二巧宦竊虛稱公
欲黜之都院不從公指而言曰今爲公等留此人異日害民誤國陷善類雖悔無及後
果如公言尋以一品再考進兼太子太傅上歷試公知可大用勅兼文淵閣大學士典
機務公殫心翊贊恩致太平乙巳太廟完進少傅歲冬銜公者復起柄政意欲搖公公
嘗以盈滿爲懼至是去志益決連疏乞休忤旨令閑住歸至淇縣患足疾家居幾二載
歲時及萬壽節輒令人扶掖北拜且祝戊申七月疾亟呼諸子弟曰吾父子兄弟世受
國恩列上卿無可圖報今已矣爾曹毋作惡忝先人且無厚葬以重吾過遂卒距生成
化癸巳七月四日七十有六聞贈少師諡文簡公性醇厚與物無忤及當大事決大疑

卓有定識屹不可奪在位讀廷試卷者四郊廟祭告山陵從幸妃嬪册立數受錫賚寵數出諸臣上而謹畏不失尺寸子儼祇嚴訓閉門息囂無以私人僕從穿兩截布衣如農家狀故士夫羨公家法不釋口掌吏部踰八年用人不憑臆決每遇起復考滿入覲官見各令薦舉所知其薦同者注錄於心不拘疏逖用之惟恐有遺初聖駕南狩選科道禮以推官起復待銓元宰皆薦禮年資可與公然之比期禮不赴考尋求補原官選司以告公曰以風奔競者矣宜成之即補寧國府推不半載首與行取又以憂歸公歎曰天何不玉成此子耶後吏部主事有缺例用江西人公需遲四五月後禮起復謁堂之日即擬補每見輒以遠到挹獎真心懇切溢於言表以禮之戇拙寡援而勞公注念若此則公之以人事君於此亦可以槩其萬一云平素實欲少疾於古稀之年猶燈下作細楷政暇閱經史典籍至老無倦所著有松臯集讀史詩論五經題義臆言三曹奏議凡若干卷論曰國朝父子秉鈞衡惟河南許氏太宰襄毅公雄挺忠亮百折愈礪聲績著於中外載在國史天垂繁祉於嗣人使司徒司馬先後接起而文簡又由太宰位鼎鉉持衡如水使天下陰被其澤以培不厚之基是何其敷英亶秀若是其夔異耶宋人稱河南呂氏三世相業俱爲名德故雲仍聯紱與宋終始今文簡光紹襄毅名德格天其奕世彌昌豈後呂氏也哉

見許氏家譜

許院公家傳

錢塘縣儒
學生員 孔衍佑

公諱院祖籍河南靈寶人乃明冢宰襄毅公進之孫文淵閣大學士文簡公讚之次子性豪俠不羈寓居山東單縣後以事徙遼東青雲臺爲軍青雲臺者乃首山峰頂第一墩也去遼陽西南十五里其墩長之子兩司失明已十餘年公有祖傳良方視其目尙可療治因向墩長言之於邊鄙之地搆求所用藥味頗爲難得迨藥味既全製煉點敷七日內即稍見三光一月後雙睛復明如故墩長以廢疾之子忽然而愈喜不自勝深感公德願以己子代役不允所請而墩長之意實出至誠公因得脫所事即居於遼陽小西門內以治目爲生而求醫者遠近聞風而至日有多人自朝抵暮藥資可獲十餘金囊橐漸覺豐裕然裕貧困無力之輩皆施與不取分文更扶危周急不惜傾囊以贈雖家室不顧也以故壽考令終生子二皆克承父志焉

見許氏家譜

茂欝許公家傳

錢塘縣儒
學生員 孔衍佑

公諱茂欝院公之長子生三歲而母卒繼母蕭生茂欄不慈於公無容其身年八歲即單身逃往大黑山遂伴煉壙苟延八載年十六聞父病奔歸侍疾晝夜奉湯藥衣不解帶者一年有餘未嘗或懈父亡哀毀過度幾不能起維時蕭見其至誠慘痛亦爲底豫憐愛倍於親生至孝所感理固然也服闋贅于閻氏爲婿家富而無子止一女其家所

有盡歸於公因入東寧衛軍戶籍管六屯爲千夫長所有父遺舊業悉與之弟閻生子一子名登科而閻遂亡登科育於外祖家以國長公主下嫁查哈喇隨從至彼爲庄上首領創立一支其地遂亦有許氏焉繼娶李氏生登高時值我朝克遼東仍委公以舊職公即率領所管人戶投充包下勸課農桑隨征戎馬屢爲王家出力是亦賢矣然而陰功更有莫大者晚年值歲大飢斗粟八兩公家蓋藏甚厚不忍以一室之飽坐視闔村之死盡散其所有以活村人統計二百餘家救全無算未半年之間粟盡飲麥歲猶未稔麥亦相繼而空取甜根以延生終無怨悔又其村落荒涼并無園圃蔬菜如珍受饑者與受飢等公素管屯熟諳其事亦以所有濟之此則歲以爲常者也若家庭諸務以夫人李耄且病不能主中饋復娶楊氏生子巍然原偉登名凡三子壽至古稀有五而卒

清

趙母徐太恭人家傳

清進士翰林院侍讀學士彭邦疇

太恭人姓徐氏系出三韓望族爲直隸祈州司馬國琛公女奉天義州恩貢生候選教諭贈朝議大夫趙諱汝楷貢植公配蘭友太守廷熙之母也蘭友與予爲同歲生官江蘇同知揚州府事道光十八年擢知淮安府其明年入覲於京師廷對畢一日盛服手

一編詣予而言曰廷熙兄弟四人皆吾母出先府君之歿也歲在辛丑時伯兄年甫十四仲兄八歲廷熙方五歲季弟生纔三月耳賴吾母之力以養以教俾至於成人今距吾母之歿已二十有一年葬之時於禮不得表墓道瀕年兩兄先後下世廷熙與季弟僅存一旦先朝露大懼吾母生平湮沒不彰重滋咎戾此當年所述行狀吾子盍次之以爲家傳焉予惟士大夫行誼之可傳者忠孝大節毋論已即道學文苑隱逸皆得上於史氏至列女祇一端耳而決特之行君子雖傳之不欲多見之其家室和平即備嘗艱苦亦幾無以自見然如太恭人以富厚之子歸寒素之家逮事姑才太君能得堂上歡朝議公藉館穀以養親家居日少太恭人黽勉有無供甘旨操家政又鄉居務農備趁者恒數十人朝夕散饘粥皆井井長處淡泊者所不堪而以太恭人處之則尤難矣至析爨時獨以養姑爲己任襄朝議公舉母喪豐殺悉中禮兄公需次都門質田以助資斧皆能人所難能者朝議歿後家徒四壁率諸子轉徙親故間不常厥居乃教之皆有成晚猶課諸孫誦讀不少衰蘭友官中朝勗之以清白教之以慎勤是太恭人之於趙氏婦而子母而父而師者也雖然予於太恭人言行中見有一二事雖微而持論甚大者尤樂舉焉方朝議公之歿幾無以爲殮戚鄰中有欲以棺相者太恭人力卻之曰斯意良厚然未亡人有子四成立即未可知而父死不能殯其將何以爲人子耶卒謝

之去其不受人憐如此蘭友爲諸生時讀書之暇見事之有關觀懲者條疏之積二百餘籤太恭人偶見之因詰責曰爾將以爲勸世乎勸世而翹人過心先不厚矣且皆近人事設令其子孫見心奚以安行將賈禍既立命焚之嗟乎士當晚近時以激濁揚清爲己任未始非磨世勵俗之資而其後且激爲黨禍而倒行逆施之事起如以太恭人之論處之其必無患矣太恭人生子四長廷燿候選從九品次廷烜歲貢生直隸交河縣教諭今皆歿次即蘭友嘉慶辛酉科舉人辛未進士內閣中書歷官起居注主政調戶部主政現官江蘇淮安府知府次廷煦國學生現官江西贛縣長興司巡檢太恭人之歿在嘉慶二十二年卒時年八十

清道光十九年
己亥趙氏家藏

右傳

共四篇

跋

清

懷芳閣留刪小草跋

字雅峯進士
山西候選縣

文俊

予友許仲溥品行端方性情閒雅語默之間迥殊流俗年三十而始登桂籍嘯歌適志潦倒風塵生平不以文字見長亦未聞諷物興懷自矜吟咏丙子孟春偶赴城市過訪其家忽見案頭置一小本題其名曰留刪小草不覺失笑以爲仲溥乎從今欲尋雅趣

乎有此樂事何不使予知之及流覽一通見其所作皆歷年積聚與其弱歲謳吟集成卷軸其中情詞和厚寄託遙深絕非矜才使氣可比是則唱月吟風誠學人之韻事亦却俗之良方也把玩久之爰本管見妄加批點非敢謂賞識不誣也聊以誌向往云序

趙氏家譜跋

舉人天津鹽山縣知縣

趙瑜

曩者先祖志修家譜未及而逝瑜雖記憶年尚幼迨瑜父同叔阿閣公端霄公並族衆又復經營瑜年二十矣後事延未逮越七年而先君即世瑜值其艱一無所就然當春露秋霜之際益深水源木本之思今蒙祖庇倖叨鄉薦仕隸閑曹因與兄弟侄輩共勦此舉謂繼志述事哉亦聊以使吾族昌黎奉天之裔不忘所自出也若夫遠追旁紹則考據未詳疑信不敢以妄參後之子孫苟能有以溯始祖之由傳下有以聯族姓之

□衍代代而增輯之是又竟予未竟之緒先人或稍慰於九原也夫

同前

前人

家譜之作也所以示尊祖敬宗之義聯一本九族之誼而尤以啓發後人俾有所觀感而克承先緒也熙曩讀先祖握臺府君修譜後跋敬悉先高曾祖父因家譜失傳志欲創修而未逮維時府君甫逾弱冠又值其艱每當春露秋霜之際時深水源木本之思迨雍正乙卯賢書得就鹽大使以卓薦升知縣公餘之暇手自編紀時有族祖中涵

義 鼎 志
公于昌黎相助編查以成盛事分給族中家各一本行輩昭然而序中諄諄垂示屬望於後人者甚深迄今百餘年矣必須緒修以慰先人之志熙於通籍後官京師力不能辦嗣叨祖宗庇蔭外放淮陽洊升府道祿入稍豐幾番屬子姪輩編查迄未就緒因函商於昌黎仔臣春諷兩族兄遣族侄振宗逐處查訪編成草本時熙已以志病引退矣回籍後春諷兄遣子永寶出關來見出父書云現有莊坵三老姪及族衆奮興爭欲勸緒新譜聞之不勝心感亦可見祖宗之庇蔭者深且遠也因就草本詳加考訂其錯誤者改正之遺漏者添註之其遷移無可考者仍照舊譜存之以備緒查至有後人聯宗爲舊譜中所無者概不敢增入以徵實也惟族大人衆散處者不知凡幾若再逐處編查必須曠以日時乘熙與春諷兄在時乎不可失過此以往愈遠愈難是又在後世子孫有志者觀感而興起俾先緒勿墜則幸甚

民國

吳景玉傷寒論註解跋

民國元年十月

趙祖襄

吳景玉字子珍吾邑知名士棄舉子業通岐黃術一時以醫道鳴觀所著傷寒論註解於三百九十七法一百一十三方明法理於經旨之微釋方論於精義之奧學識淵卓拔萃先哲昔伊尹湯液作而內經明仲景傷寒論出而醫法備今吳氏明其明而後備

其備乃註所未註解所未解功有先賢德垂後世與王冰程無己等爭烈矣時中華民國元年雙十節日書於義縣醫學研究會

三字經註釋會纂跋

中華民國元年
三月中浣

恩貢候選州判趙祖裔

三字經宋儒王應麟所著吐辭爲經落筆成史通乎三才六合之微明乎治亂興衰之故洞乎動植生化之情究乎國家政治之理貫通乎仁爲道德之原而言正詞宏卓卓其高明悠悠乎其深遠如日月在天而莫不見其光如山嶽立地而莫不見其大世之爲經厥在是矣所宜珍重不啻若三綱八目爲入道之門而無敢忽耳奈何自宋而元而明而清歷七百餘禩正註缺然是何寥寥知賞之難也然神而明之存乎其人民國紀元春余走訪友人王子笙君見書室藏有所著三字經註釋會纂四卷並先祖魁芳先生遺著五胡十六國五代十國紀年事略記二卷披讀之餘觀其援據淵博意義完全非爲嘉惠後學廣其見聞以次博識深而譯之凡立身行己之方齊家治國之道與夫天文地理人物之論在所寓焉嗚呼吾友祖若孫瑯琊華胄科第世家通勃文章學有所自斯書一書學業益見蘊蓄經史之富未可量也又書之末頁有子笙氏附續一斑爲漢末割據隋唐宋時各僭國元明清時各僭號叙事稿實引證確詳百讀不厭爰不揣固陋敬跋數語於後

論

清

趙母徐太恭人家傳論

進士翰林院侍讀學士 彭邦疇

予讀詩至召南采芣采蘋諸章其諸侯大夫妻皆能誠敬以奉祭祀竊歎風化之美由文王后妃之德使然母亦鎬京豐水聲教固殊焉太恭人生長奉天為我朝根本本地其操行視誠敬為有加固其得天獨厚歟抑國家之流澤孔長也是凡詩禮家當效法者豈獨趙氏宜世守哉

通典首食貨通考首田賦論

義州學優附生 徐煥廷

自古善治國而愛民者必于經常法度中擇其重且急者使上勤其事以養下下竭其力以事上庶上用足而下亦不困夫重且急者何曰食貨也田賦也食為民天貨贍民用此食貨為重田以安民賦以給公此田賦為重四者皆致治急務而不可以廢也知此通典首食貨通考首田賦可詳論焉嘗考通典傳自杜君卿通考著于馬貴與是二人者蓋深知治國養民之道觀君卿歷德憲兩朝拜司空進司徒封岐國公其于民事知之熟矣又當德宗昏暗之際災凶迭見飢饉頻加斯時唐室之不亡幾繫千鈞于

一綫故謂食貨之重而不可稍緩也貴與仕于宋以蔭補承事郎後隱居教授目覩宋之亡朝廷日事戰爭而不務民事民失其業國失其本故有滅亡之禍貴與有鑒于此且潛心學問博極羣書學古治天下者歷歷皆在心目中是以知田賦之宜重也食貨田賦四者分言之則皆重合言之則田宜列首食貨賦三者次之蓋田治則食足田荒則食虧食足則貨可流通食虧則貨不暇及食貨備則賦方可取食貨乏則賦何以征故蘇子曰使天而雨玉飢者不得以爲粟孟子言王道必先井田噫是說也雖未可厚非究不可爲通論也國無民不立民無食不生無食則國失其本而不可爲貨者民所交易以給用無貨則民無交易用無所給雖有食而不足以治國若夫賦則尤重無賦則乏百官有司之祿廢宗廟祭祀之禮與大貉小貉無異惡可舍食貨賦而獨重田哉列四者于二書之首誠千古之定論治國之急務後世有治國之責者誦通典與洪範八政參觀讀通考與禹貢九州互証庶由本及末綱舉目張何必汲汲焉勤墾務講互市履畝加租哉

民國

遠東問題將來之觀測論

馬金言

世界各國因患過庶過贏始生拓殖吸利之策在中國閉關時代所謂歐美者一持內

治培養強力一守門羅蓄銳待時猶處十八九世紀神權君權迭嬗之交共和民主方興未遍之初純係強權暗固陸海爭雄之時頗近吾華戰國封建貴族之政治以進化証可云曲線生存質言之即帝國資本主義各不相下之象因國家政策經濟力展醞釀衝突始演巴爾幹之引火激成協約同盟四戰血搏其間創痛巨深之損失爲西史第一慘迹中國於此時也得均勢不遑之故偷生十四年遠東一交爭點遂無人注及羣向一巴爾幹作餓虎攫佔之目標然經此決鬥歐美有形質之變遷不可思議誠非華人所料蓋四戰二十餘國捲入旋渦非人力之爭乃物質科學之試驗列邦或踣或獲屬藩或起或併皆有莫大之改易並觸世界人類以最大和平之感覺自由平等之呼應但列強過庶之病竟因戰役而減少無量人口過贏之病竟因物質損傷半入困敝或可不向遠東致力乎曰否否因其損失始覓第三國際之富場以其資本經濟明奪暗吮不但不如前之假公道反立竿見影暴露其野心待塞嗚呼遠東孰強東西孰仁一種兼弱攻昧取亂侮亡之毒辣世界主界皆帝國主義之背影耳首當其衝者其爲中國歟自太平洋會議閉幕一時厭亂保持小康豈皆親仁善鄰肺腑相見者美以獨霸一洲之國與歐西無甚關碍明退暗進能任其擴展不越鴻溝而問鼎不阻其東下商戰自立超然况巴爾幹之糾紛已過一和會之反想國之有悔禍復氣之企圖亦

即舍其征服壓迫政策一易而爲經濟懷柔方略故遠東問題羣向一中華而伸張若日本不拒俄不南下美不越俎代謀各保其原有勢力範圍再經中國自身整頓修約圓滿二十世紀左右或可見昇平世界若反是以行因在華之利益衝突或仍引起二洲糾紛進而至於流血亦未可知是遠東之中國實爲地球上列邦最關心而消長之焦點殊有可研究之價值茲再申論大勢以作留心之參証焉夫轟轟列列之歐戰卒係公理戰勝強權歟亦弗過一時之光明及事去境遷而向日野心之伎倆又可窺破日俄亦接近弱邦又有昔日之交爭中國東北一片土已半爲二強拓殖經營此無可諱言亦吾民奇恥大恨不甯惟是遠在之大美利堅豈能甚於彼輩年之近水先得乎當協約喧抗日人藉口保持東亞和平不費一彈而獲青島及列席之投機巧占美爲會議之主腦其能漠忘乎歐戰一畢美霸於西日霸於東兩雄不並終湏決雌日英同盟足使世界注目又有陰謀煽惑早啓日美暗忌一旦破綻前途難測中國受均勢之局藉和會之機始得列席申訴以迄於今日人吞併蠶食本無他阻本無悔志徒以美之仗義暗扶遂大不得施其嫉美之心與日俱深且日以島國漸登大陸一戰勝清一戰勝俄獨未與歐美大邦作平等之角逐其決鬥首交當在美國門羅主義一破美人第一侵略目標經濟賤削國際可不出中國因日人得隴望蜀求玉求劍美人豈肯甘

讓獨沾坐此數因遠東問題早有暗確惟值中國自決求安之際美人以光明正大同等國之友邦又結已柱上下之敦睦決不肯先爲戎首以開世界紛亂之機而失太平洋會議言猶在耳之同道但美不戰遠東之中國實無障碍解除之淨絕若日勝美敗中國之地位益不可安然而列邦日不放懷之中國被種種桎梏包圍與巴爾幹十二小國同受野心之操縱則一也至若俄之於蒙因自顧不遑未得驟吞然亦未曾甘心以求共產化之漸及猶視各強對華進退以定其轉移其歸還之說殆引華人同其趨向耳一旦失望嫉害之心愈切他如英法各以最惠條文作牽鋸之緩割第在均勢曷達以定收張總日俄美不逐逐其貪遠東目前固無導火否則虎口餘生之中國靡所判斷矣抑覘自身之底定亦可樂觀歟此吾悲憤小民日日懸憂者但祈日美無形消滅中華之建設日臻鞏固使害我謀我藉我土地利權以坐兩虎爭肉之禍無所取隙則遠東二字不成問題矣是不佞之推測亦等理想洵爲吾後起民族一大慶幸亦世界人類共禱之和樂也管窺蠡測或亦有同意之度焉願安成教

化民成俗其必由學論

字小邨遼寧教育廳第一次
考試教育局局長第一名 金景芳

君子以天下爲懷每以世人皆濁爲嘆窺其志將欲化民而成俗也然亦知夫民之所由化與俗之所由成乎蓋民爲俗之本民化而後俗成學爲化之原學興而後民化是

故君子思成俗也不可以不化民思化民也不可以不興學學也者其爲化民成俗之所必由歟且夫天生蒸民固既予之以血氣心知之性矣然而有血氣則有欲有心知則有覺有欲則不能無私有覺則不能無蔽私之發爲黨蔽之發爲偏既黨且偏天下豈有不亂民俗豈有不衰者哉惟納之於學也則私者可迪之於公蔽者可牖之於明化雖一民感實百姓將見君子之德風小人之德草靡風偃淵默雷聲其流行之速固有加於置郵而傳命也淺見者不知以爲發慮憲求善良就賢體遠可矣抑知雖足以諛聞不足以動衆即足以動衆亦不足以化民然則君子有如志於化民成俗也其必由於學乎

孟子法先王荀子法後王論

民國第四屆考
取乙等知事 宿文奎

世界無萬古不變之時勢國家亦無萬古不變之法度故有時宜乎復古則以舊制爲遵循有時宜乎變法則以新章爲標準彼拘守成見不知酌古准今因時制宜者徒沾沾焉惟古道是守兢兢焉惟新法是循殆皆未明輕重緩急之要道者也知此則可論孟子法先王荀子法後王夫天生孟子非爲戰國之天下生孟子爲萬世之天下生孟子也天生荀子非爲萬世之天下生荀子爲一時之天下生荀子也孟子法先王荀子法後王或者曰孟子之學也正荀子之學也偏孟子之道崇仁尙義荀子之道則矜

奇立異嗚呼是豈知因時立言之論哉孟子主張性善推崇堯舜之神殫明精一之旨
蚩蚩者氓悉欲保其固有良知而納於衽席之上所以非先王之嘉言不敢言非先王
之懿行不敢行王道天德無黨無偏已足爲後世之法則矣而荀子則持性惡之說以
爲天賦不足恃人定可勝天禮樂修而性情可移刑罰立而人心胥正蓋性善不出自
有生之初乃默化於有生之後所以視先王之道遠大莫及不若後王之道可收速效
以經術爲治法以勵進爲前提人惟求舊政貴有恒悉不足爲識時務者道也總之各
是其是各非其非徃聖先賢取資各異一則不愆不忘深得詩言之旨一則信賞明罰不
背法家之學况乎先王之道也寬寬則得衆近於仁仁爲入聖之基後王之道也嚴嚴
以治世近於敏敏則終必有功要之二子性道雖異好尚雖殊然其有功於世道人心
上承列聖之薪傳下振後世之疲敝者則一也雖然不可以無辨辨惡在在乎時時方
操切則以先王寬大之道出之時方廢弛則以後王峻勵之道施之時至戰國百家雜
出楊子爲我墨子兼愛子莫執中申韓尚功利之說蘇秦張儀肆縱橫捭闔之謀孫武
吳起操善戰善陣之術聖道衰而邪說行使非孟子挺世而生匡而正之則堯舜禹湯
文武周公孔子之道其不至湮滅殆盡者幾希以視荀子僅以後王爲法則又相去萬
萬矣吾故曰天生孟子爲萬世之天下生孟子天生荀子爲一時之天下生荀子也緬

懷古聖遐想前賢夫豈可相提並論哉

右論共五篇

策

民國

第四屆考取
乙等縣知事宿文奎

國用出於賦稅中外相同何以外國稅重而民安中國稅輕而民困今欲增加收入以裕度支應如何規定良法使國用足而民無擾諸員或躬膺民社或來自田間國計民生宜所稔悉試詳言之

租稅均而國用足賦課偏而財政虧此必然之勢也然有國庫日見於空虛度支日形於困乏者則非善籌其課稅之方深求其生財之道必不足以濟時艱救國困而民窮財盡且釀爲國家之禍夫我中國神州四萬里生齒四百兆幅幘之廣物產之饒人民之衆甲於五洲而經濟反日形恐慌庫藏終未見充裕卒不能與列強抗衡者其故何哉夫亦曰賦稅未得其法而已矣查東西洋之所以立國者賦稅也家屋有稅牲畜有稅人頭有稅以及印花稅煙酒稅所得稅名目繁多尤指不勝數復分之爲國家稅地方稅國用以足民用以饒而富強之實效呈焉深得理財之精神朝增一稅而民不

怨夕加一租而民不苦以視中國所取之數相去何止數十倍而其蚩蚩者岷反安之若素焉此無他蓋以租稅平均而徵收有方故也而我國以薄賦爲經國之基礎以減稅爲愛民之急務林林總總早已視爲故常倘賦課稍增而閭閻即怨謗繁興加之徵收各員復舞弊營私巧立名目額外索取藉飽私囊人言嘖嘖其有益於國計民生者寥寥矣今欲足國用而民不擾或者曰整頓驗契稅也擴充印花稅也實行所得稅也辦理裁厘加稅也藉以補助一時暫爲權宜之計未嘗不善若爲國家久遠之謀終非良策今爲根本計劃其惟清理田賦之一法乎經曰經界不正井地不均谷祿不平是故暴君汙吏必慢其經界經界既正分田制祿可坐而定也唐貞觀中授田之法明洪武之魚鱗冊皆以制田產正經界爲經國之要務民國沿清舊制京畿旗地馬厰莊田往往私相販賣冊在地無名禁實墾其他如各省之地畝名目尤多混淆豪強隱佔貧弱受虧兼之河流之變遷邊垣之開拓有昔爲膏腴而今爲水衝沙壓者有舊本澤藪山場而今藝稻梁者其間契典詭密過割不清或種無糧之地或納無地之糧病國病民尙堪言哉今國家清理田賦應先由丈地入手則上中下九則之地質自分按其優劣定其租稅則國課可增收矣縮弓寬弓務歸劃一使強者無取盈於地之外弱者無虧於地之中則浮多查出而國稅可加增矣而且田畝一清租稅可使平均國庫於以

充足吾知行之數年後而富強之基將壓歐美而冠全球者又何患國用之不足哉

右策 共一篇

說

明

賀凌台先生授大學古本說

嵩陽廟 高笠僧

吾遼人也天啓末全家死於兵遂祝髮竄海濱少受學義州賀凌台先生凌台爲賀黃門欽之孫講學醫巫閭以大學古本授予曰古學之失傳由不知本也大學不云壹是皆以修身爲本乎本該體用而統心意及家國天下必正心誠意而學乃有體必齊家治國平天下而學乃有用北宋陳搏之學講性命而畧事爲則專內遺外不知有身南宋程頤之學就事物以求心性則登枝逐流并不知有本夫格物者絜量本末本諸身也致知者審度先後以身先之也中庸以誠意爲誠身孟子以存心養其大體是正心誠意無非身也先生受學心契之

民國

致知在格物說

張鴻藻

天下無一處無物無一處無理倘其心有未知之理必天下有未格之物故知古而不

知今知近而不知遠知常而不知變知正而不知奇無他未盡知之能事未盡致之能事也致知者不可知其在哉大學所列之八條目其終至於平天下其始要於致知格物吾意聖經之旨爲古之平天下者言即爲今之平天下者言則古之所謂格致可通今之所謂格致也何者物之所賅者廣即致之所用者殊有聖人者出與世推移飲茹變而火化矣羽毛變而麻絲矣巢窟變而宮室矣結繩變而書契矣神靈明聖人見其無一事之不知實無一事之不格也降及後世五方之民不一其俗而處中土者格物之精而三綱五常禮樂教化卓然自立於四夷之上而海外之國所謂格物物之粗者耳然即物之粗而格之窮乎水火金木之理收乎日月雷電之用而舟輿之制愈變愈新器械之式愈出愈奇至於山之高川之深皆得造作其間以搜窮其精甚至羽毛皮革之賤質衣服器用之常需一經手足之力變而通之化而裁之矯柔而造作之遂一新斯民之耳目於是彼爲其智我著其愚彼爲其巧我著其拙彼日富而我日貧彼日強而我日弱彼來而我不能拒彼抗而我不能爭五洲大通遂相形而見絀其格物之精以致知不若格物之粗以致知哉非也此正所謂知古而不知今知近而不知遠知常而不知變知正而不知奇也然則今日言致知格物之理其合中學西學而兼用之庶其效可推至於平天下請以是補聖經言外之旨

英雄造時勢說

見前趙仲珊

嗚呼吾嘗聞西諺至其論英雄而不禁重有感焉夫所謂英雄者必有經天緯地之才濟世匡時之略救生民於塗炭奠國家於磐石即當國勢危亡外患猖蹶之際天地腥膻山河破碎幾無一片乾淨土國勢之危誠如當此之時不有英雄果誰能起而滌洗之乎卓哉英雄奮袖而作慨然以一身任之救海內之蒼生脫水火而登衽席雖經幾許挫折若何危險而出其平素之智略以支柱之以斡旋之即湯火在前鼎鑊在後亦不少畏而竟一往直前不知擲幾許頭顱洒無數心血爲邦家贈榮光爲羣生造幸福其義勇之所伸者可以貫白虹可以垂青史其忠誠之所結者可以質鬼神可以對天地是心可與日月爭耀名可與山河並古此乃謂之爲英雄也雖然英雄之所以爲英雄者原有不同嘗披覽吾國歷史而歎英雄有爲時勢所造者有足以造時勢者由前一說則有屠狗而爲英雄者焉有織蒲而爲英雄者焉有販賣而爲英雄者焉有亡命而爲英雄者焉此皆時勢所造成者也由後一說有堯舜之禪讓而後有湯武之征誅有孔墨之著書而後有孟荀之立說有漢儒之尙訓詁而後有宋儒之講性理其餘如伊尹呂望之匡王管仲趙衰之佐霸蘇武之持節班超之定遠李郭之中興韓岳之恢復一時風氣爲之轉移有足爲當時所推崇後世所景仰者此皆造成時勢者也玩西

諺之意時勢所造之英雄似不若能造時勢之英雄即以西國論之科崙布之探險拿破崙之創霸華盛頓之獨立大彼得之興俄此乃真英雄之英雄耳然時勢所造之英雄亦不能藐視之也俾斯麥之相業也納爾遜之權變也謂爲時勢所造之英雄也可謂爲造時勢之英雄也亦無不可

讀周敦頤愛蓮說

見前趙仲珊

濂溪先生之愛蓮說章法分明局度深穩爲有道之文章固矣然詳究文中寓意實有關儒生出處之大節不可徒以文章目之也試申論之夫蓮花之君子者也菊花之隱逸者也牡丹花之富貴者也而濂溪獨愛蓮而不愛菊與牡丹蓋深合乎中庸所謂君子素位而行之深義也世之人孰不欲求富貴而富貴有合義與不合義之分苟不查合義與否而一意求之非也至於隱逸則宜以世道爲標準世道污濁固宜隱逸世道清明則不可一意隱逸而置天下蒼生於不顧苟不審世道清濁而一意欲隱逸亦非也惟素位而行因時制宜不汲汲於富貴亦不沾沾於隱逸時宜富貴則居富貴有如蓮之濯漣而不妖也時宜隱逸則即隱逸有如蓮之出淤泥而不染也然此非一日之所能爲必平素無窒塞能如蓮之中通行不邪僻能如蓮之外直且也主一無適能如蓮之不蔓不枝令聞廣譽流播無窮能如蓮之香遠益清至於卓然特立威儀可象而

不可狎能如蓮之亭亭淨植可遠觀而不可褻玩此濂溪以蓮自況即濂溪以君子自居然則世謂博學力行聞道甚早襟懷飄灑有古人風皆於此可想見即如傳道二程爲有宋一代理學之開祖夫豈獨偶然哉

右說共四篇

啓

清

馬太史芳田哀啓

宣統二年

拔貢李芝齡

哀啟者先大父身體魁梧賦性雅淡寡笑言重然諾幼承先曾祖某公庭訓聰明穎悟讀書輒能領略其旨趣成童後下筆爲文英邁不羣甫弱冠進邑諸生同治丁卯又登賢書第以家貧親老生齒浩繁讀書猶待謀生顧瞻家室乃于僻鄉設帳教授生徒或游泮水以薦膺揚或成進士而入詞林皆門下士也事父母以孝稱家雖寒儉而菽水承歡要必從豐先曾祖宿學明經常語先大父曰汝雖教養無虧然未能名登高甲爲吾邀一命榮封終屬恨事未幾先曾祖考妣竟不暇待同作仙遊先大父擘踊呼號哀毀過度祇以未償親願爲恨待諸昆倍深友愛宦遊後富貴相同憂樂與共即微時亦未嘗與之較家產爭世業惟時懷親訓耿耿不忘謂既不能顯揚于生前猶可圖報于身

後由是銳意求進益加刻厲年雖及艾手不停揮猶日模蠅楷幸天鑒厥誠不負苦衷
卒中光緒丙戌進士經入木天蒙欽點翰林苑庶吉士出身迭邀綸封終酬先志翰林
供職幾年散館後奉旨分發浙江就游作宰受篆伊始惟以清白自勵澤物利民斯邑
咸歌頌之旋蒙欽加同知升銜賞戴花翎在任幾載目擊官場旋進旋黜風波險惡乃
于光緒某年某月請假修墓退還故里無心出仕本期閉門謝客以樂餘年不意聚星
書院學款不足無力外聘名師既承紳薦推舉又蒙邑敦請爲一鄉造就人材先大父
難拂衆意勉主講席三年栽培桃李陰成預儲棟梁選用迨科停貢舉始謝斯責出歲
恭逢恩詔遵列捐升四品銜賞賜二品頂戴非爲榮身計實爲請加貤封上慰先宗也
嗣後猶冀優游杖履嘯傲林泉忽于去年又被紳民投票推舉諮議局之議員先大父
慨念時艱激于義憤意欲與諸同胞和衷共濟以挽厄運于萬一其奈外患內鬪諸多
棘手一事無成日夜焦思憂疾病成不幸于十一月十二日奄然棄世一時義城街巷
凡行道之人聞者皆潛然泣下况承重恩受含飴身當其境更何如耶嗚呼痛哉嗚呼
痛哉承重孫
暨不孝等親視含殮遵制成服不孝之罪本宜自殞奈先靈未殯不得不苟延殘喘
勉當大事茲值寢苦餘生語無倫次伏乞矜鑒

王太母姚夫人哀啟

民國五年
十二月

王作哲

哀啓者我先曾祖妣身體素健心性堅忍雖年逾九秩猶如六十許人去歲十月

不孝

回籍省視尙康健如常且殷殷以服勤軍務報國光宗相勸勉詎今不過兩月竟棄不

孝而長逝耶嗚呼痛哉不孝等兄弟二人惟不孝居長於先曾祖妣一生事迹知之略

詳不孝等德薄才疏未得顯親揚名叨請國家之封典然於先曾祖妣苦節隱德不忍

不撮其大凡以爲諸親友述焉溯先曾祖妣係出姚氏籍隸漢軍其先世効忠於清室

因駐防居於錦縣界之大張家堡故得仰承家教性情賢淑行坊言表年十九來歸于

先曾祖考諱廷贊字襄哉公比時翁去世姑在堂大姑已歸於呂姓小姑字於張姓未

嫁而先曾祖妣事親以孝聞待小姑如嫡妹鄉黨鄰里嘖嘖稱之迨廿五歲生先大父

諱富春字和岩方期得子以後克振家聲至七八學齡時即令入學讀書殷殷焉以教

子成名爲念至三十一歲析居後先大父在外讀書先曾祖妣佐先曾祖考治家鍼黹

井臼盡賴親操並勤以紡織不間昕宵儉於衣食不殊寒素然於小姑大姑兩姓艱難

不忍坐視遇有所需輒傾囊助此先曾祖妣慈善性成輕財好施之懿德相積而出至

五十二歲先曾祖考棄世悲傷莫甚致令先大父棄儒就農藉以分勞故先大父學廢

中途功名淪落然賴母教之功一鄉盡推長者厥後先大父生不孝先父兄妹三人而

含飴弄孫悲傷略減孰意六十二歲先大父又復棄世彼時先父十四胞叔十二姑母四歲兄妹三人年均幼穉零丁孤苦家中事宜賴先曾祖妣獨肩重任處宗族親友鄉黨鄰里海涵能容每有所求無不立應數年經營嗣後家道賴以充裕回憶十餘年間先曾祖考先大父相繼棄世慘淡憂傷伊何極耶幸有祖母膝下依依稍分勞苦又以孝謹稱苦哀藉以稍慰先父諱朝元字猷廷胞叔印書元字芸圃現出繼於伯祖父諱富山公胞姑于歸許氏先父生不孝等兄妹五人胞叔生堂弟等兄妹二人先曾祖妣皆視若掌上珠但愛憐雖逾恆情而訓誨不少寬假暇時常謂先父曰教子嬰孩教婦初來故於不孝等自甫學步即教以禮儀稍有不合遂嚴誡之不遺餘力前歲先父見背而先曾祖妣年已九十有一矣親見子孫棄世其哀痛較不孝等猶加甚焉幸是年不孝作哲素遵慈教得入陸軍二十七師充百六團三營十一連連長並於前藏蒙督軍兼省長張保授陸軍步兵上尉而先曾祖妣哀痛之心略爲慰解延至去冬不孝作哲因事回籍省視精神尙稱爽健方擬稍有寸進得祝先曾祖妣期頤大壽庶可酬高厚於萬一矣詎不孝等罪孽深重竟禍延先曾祖妣於丙辰年十二月十七日戌時無病告終嗚呼痛哉是時不孝作哲在奉天差次不孝作賓在山東差次皆未得親視含殮天乎何如昊天罔極不孝等之罪擢髮難數矣我先曾祖妣生於前清道光四年五

月十七日戌時享壽九旬有三不孝等奉侍無狀百身莫贖臨穎哀號語無倫次伏乞
矜鑒

義縣重修文廟捐啓

民國十四年

庠生字 漢東 齊飛翰

釋奠重春秋之典明禋昭對越之誠有功於一時者廟貌且爲之輝煌有功於萬世者
宮牆忍隳其富美雖孔子在天之靈初不以廟貌爲輕重而百千載下凡食孔子之德
者飲水思源對於孔子未有不穆然肅然而極端恭敬者也義縣有文廟一規模宏闊
殿宇崔嵬只以歷有年所風雨剝蝕半就頽圯縣長裴公愨然憂之爰集士紳擬爲修
葺惟爲工甚鉅需款綦繁大厦之將成也非一木之能爲力遠行之達道也詎一蹴所
可及明知無米之炊以發起人而思妄作何未夢說三更然以有定之鼎如衆力士而
果共擎立見功成一旦爲此量力各捐若干先爲之基然後敢告同心共襄盛舉凡我
縉紳先生文明碩士以及各界之急公好義者慷慨或捐多寡補助不計錙銖將來文
教昌明福及諸公之後發起人初無預焉不日大功成就義全倡辦之顏慈善家情斯
厚矣

參政院宋參政小濂哀啓

民國十五年
舊曆三月

宋晚哥

哀啓者吾宋氏世居直隸寶坻縣後遷奉天義縣先王父以醫術游吉林遂家焉先王

父有四子先嚴其季也幼岐嶷喜讀時邊荒初啓漢族子弟鮮就學者先嚴刻苦求學有經世之志弱冠補博士第員以家計授徒鄉理旋有友招黑龍江漠河金廠主治官文書廠隸北洋總辦李秋廷袁行南中承皆倚重之曆十年金廠成金甚優先嚴遂積勞累保知州日治公牘暇則讀書嘗謂一生致用之學皆積於此迨袁公去職後任者一反其所爲先嚴乃乞歸旋值中俄事起廠爲俄人佔有庚子亂後繼以日俄之役東三省危機岌岌不可終日先嚴游北洋以東三省善後十二策陳之袁慰亭公保大加稱異上之延議分諮軍府分別採擇施行會北派劉雲門觀察往漠河收金廠袁公遂派先嚴爲提調行抵齊齊哈爾適雲陽程雪樓將軍銳意圖治徵求邊才謂先嚴可供大事堅邀入幕遂爲黑龍江文案處總辦兼善後局總辦當是時強隣壓境主權僅存復拘束于軍府旗制艱辦新政險阻逾常然卒能使俄人撤兵所侵佔之城鎮林曠航路電報等項逐次收回又復放荒招墾整軍興學添設道府廳縣民治蔚然爲改建行省基礎清廷嘉之程公謂係先嚴之功累次保奏未及一年三遷其官雖補海倫直隸廳同知未及到任即以道員交軍機處存記適日俄議和奉外務部召入京備顧問事定奏派黑龍江鐵路交涉總局總辦局員向仰給于東清鐵路公司隱爲公司隸屬機關無交涉之可言先嚴乃拒絕經費脫然自立遇侵害主權利權之處靡不力爭前往訂

有展地伐木採煤各合同損失過鉅議廢前約相持兩年餘會議一百四十餘次始改訂新合同計收回地畝過半林區十九增加地租木煤各稅甚鉅旋升任呼倫貝爾副都統者惟種公與先嚴兩人轄境種族繁雜初頗惶惑先嚴加意撫綏帖然相安凡興學招墾牧漁獵採伐林礦或嚴予禁止或酌收租稅邊境亦極安謐中俄國界自雍正五年以後迄未查勘鄂博卡倫諸多廢弛先嚴條其利害上之徐菊人制軍周少僕中丞奉會勘中俄國界之命陸路自達爾巴幹達胡山至阿巴該圖山水路海拉爾河口起循阿爾古納河至匯入黑龍江延長二千餘里山則嶺巒錯羅水則港汊紛歧界綫標準無可依據先嚴躬自履勘復同俄員會勘炎天雪地再歷寒暑俄人所刻意經畫者欲將滿洲里車站劃入俄界先嚴終不稍讓勘訖到省城同兩國勘界大臣會議又一年而始定先是呼倫貝爾將改道治並添設府廳先嚴以蒙旂鄙儻西隣構煽力陳不可求去亦不許改任呼倫兵備道先嚴夙洽蒙情尙於安輯迨升任黑龍江民政司使遂有呼倫貝爾獨立之事民政司兼財政又兼兵備處總辦當全省衝及武昌事起江省滿漢雜處謠誣繁多漸至一夕數驚先嚴整軍撫民力持鎮靜周公乞休朝旨以先嚴署黑龍江巡撫察全國之趨勢審邊隅之近情輯和旂蒙資遣黨人雖值鼎革之際商民宴然大局定後改任黑龍江都督兼民政長國體更新人心未靖一切政治不

敢多所更張惟循程周兩公之舊漸圖近行惟其時黨爭競起外交艱棘先嚴累呈乞去民國二年始獲報可交代回籍袁大總統招致都中畀以顧問旋任參政院參政遂留寓京師杜關却掃以書史文字自娛徐大總統亦重其才強起爲東省鐵路督辦鐵路甫經收回路務窳敗幾于不能自給中俄轆轤複雜及復不能爬梳先嚴蒞任後于國家主權既多持不能少損于公司營業仍復多方護持俄及協約各國相與翕然十年辭職回京得鑑園故址葺而新之顏曰止園示終焉之志不復進取也止園僻在北郭相盤桓者惟東三省舊交此外祇陳弢庵王晉卿宋芝田林畏廬諸老輩文酒詩畫而外不及其他先嚴體氣素健前年忽患痰喘甚劇幾殆經蕭龍友丈診治得瘥自是精神稍減益以傷時事心緒不寧詩文亦不復作今春擬摒擋回吉林交通梗阻居常鬱鬱然寒食上已與詩社同人壺觴雅集于舊歷三月初八日早起猶書楹帖數事午餐後覺不適少頃忽昏迷痰喘延中西醫診治稍蘇翌晨極清醒以爲痊矣午後痰湧氣喘較甚於前羣醫束手延至初十日已刻遂棄不孝等而長逝矣嗚呼痛哉不孝永爲無父之兒矣呼天搶地百身莫贖苦塊昏迷語無倫次伏乞矜鑒

薛母趙淑人哀啓

民國十五年

字穎階方
正縣知事薛翹如

哀啓者先慈係出天水趙氏爲義縣四台村附貢生聯五公胞妹于清光緒丙子年于

歸家嚴茆汀公時趙氏富厚寒門弗及先慈不以爲意操作紡績勤苦自持偶有積蓄遇戚里族鄙貧不能自給者輒用以周急未嘗責償自奉儉約而待人寬厚布衣蔬食處之泰然事先大父母以孝能得堂上歡疾病親侍湯藥晝夜罔懈家嚴茆汀公在外設教並辦地方公益事得以無內顧憂娣之間悉皆和睦隣里有詬誶者聞先慈至則意各釋然惟恐聞知其見重於人如是家叔頌清公早失恃幼從家嚴茆汀公讀益生髮際癢不可搔先慈時爲篋櫛盥沐克盡友于暇以書史自娛無間寒暑猶憶不孝四齡時先慈即寫字方教之習字日演數回並繪山水人物花鳥魚蟲草木等類一一指示至五六歲時已識字逾千數並稍解其義迨七歲入塾略同宿悟不假繁誦而夏日苦熱逍遙河濱家人覓歸業師亦尋至將拖夏楚不孝牽先慈衣不能去先慈心雖弗忍終不曲護但訓曰吾恐汝因恃廢學將何以成名仍送之塾退惟隱泣而已是不孝讀書之始先慈已植其基嗣不孝於十歲遊學義郡弱齡稚子遽違膝下人情所難先慈毅然主持不稍緩假訓曰吾願汝空所依倚早自樹立豈可眷戀家鄉如常兒且一切衣物日用吾爲汝備正宜及時讀書無任光陰虛度不孝謹受教厥後入邑庠應鄉試肄業北京法文學堂畢業直隸法政學校知識開通較早皆先慈教之自立有以啓之也旋北京陸軍學校開辦家弟式如在籍攻讀先慈訓之曰宜隨汝兄赴京應試

陸軍爲國家後日禦侮男兒事業在文武兩途吾將于汝兄弟觀成效焉未及弟式如畢業陸軍小學中學軍官各校不孝在奉天歷充民政司諮議局科員及法政專門學校教員各職均以俸薄未能迎養民國三年不孝以考取知事分黑龍江家弟式如陸軍排長先慈訓之曰汝兄弟初入仕途宜於職務上特別注意勿紛營而妄冀升遷勿怠荒而自甘暴棄服務公家尊卑一體敬其事無計其名可也不孝等謹遵斯旨罔敢失墜及不肖到黑省後迭充克山嫩江青岡各縣知事並省長公署科員等職曾迎養到任歐戰中日共同出兵不孝承乏嫩江地屬要衝因勞致疾先慈心爲不怡旋調青岡盜匪蜂起一日數驚先慈歎曰飢民如此跳梁國運蓋可知矣乃與家嚴茆汀公携女孫玉菡漫游津京藉消積悶又值庚申之役弟式如血戰還京省於旅舍體染濕疾先慈見之汪然雪涕曰吾不圖猶見汝于斯也自茲以還每閱報紙見國內不靖輒撫案太息謂不孝曰吾老矣恐不及再見國家承平汝等壯年來日甚長能有才力福國利民便可出膺公務否當潔己以退仍不失爲守分之國民毋徒慕虛榮朝秦暮楚忘身忘親病國家以累祖宗也不孝思之至今凜凜然先慈心力之損耗已隱伏於憂畏之中矣民國十一年不孝充直隸省長公署秘書十二年任邢台縣知事時歸家省親勸進甘旨先慈曰布衣疏食吾所素安膏粱文繡性終不近非好惡拂乎人情蓋覺簡

易者可大久而國民處此者實居多數吾願從衆至美衣豐食一鄉一邑之中能有幾家人以爲樂吾以爲憂慮無以示後且難爲繼也民國十三年不孝調宣化縣任遣人迎養復值甲子之役關內外交通遽斷乘驢行四十餘里輾轉至津精力疲敝至宣化縣署而元氣未復日見衰頹家弟式如身任連長又行役於外懷念不已疾益增劇乃扶送回義十四年夏不孝解職還家方還終養旋因清理內外各債轉赴哈爾濱又因採辦木料身受牽掣幾經擬議回籍終以事故愆期家弟翰如畢業師範在家常侍湯藥全如經商本籍亦時隨侍式如任陸軍參謀聞信先期回義不孝於病函時始奔至家詢悉減進飲食已十三日增病即口不能言週身麻木延醫調治施藥施針迄不見效延至舊歷十二月二十六日戌時竟棄不孝而長逝矣嗚呼痛哉不孝侍奉無狀不能體察病機早爲調護而積歲遠遊久廢溫清因循迷誤罹此鞠凶不可爲人不可爲子搶地呼天百身莫贖祇以窀穸未安家嚴在堂不得不苟延殘喘勉當大事苦塊昏迷語無倫次伏乞矜鑒

張母劉太夫人哀啓

民國十七年

字輔忱吉林督軍兼省長張作相

哀啓者先妣秉性慈祥氣體素健爲義縣劉公鴻儒之長女年十九嬪於家嚴景泉公時先曾祖母于太夫人猶在堂主持家務先祖父母侍奉維艱自先妣來歸凡先祖母

項太夫人服勞奉養之務皆先妣自代之以故深得于太夫人歡六親三黨交口稱賢
吾家自清初由直隸深州移居奉天義縣雜木林村耕讀綿世宗族漸繁大先曾祖母
于太夫人持家時食指至五十餘人薄田所入時虞不足先妣繼之艱難楮柱辛苦備
嘗至光緒八年析居不孝作相生甫二齡家計益窘先妣親操井臼勤紡織以繼饗殮
而於不孝作相之教養恩勤備至光緒甲午中日構兵遼西當徵調孔道兵民俶擾時
不孝作濤方在襁褓先妣提携稚弱避兵逃亂其艱辛有不忍言者不孝作相年十六
感慨時艱矢志從戎出隨大元帥張公馳驅戎馬間大元帥積功授前路巡防統領擢
不孝作相爲騎兵一營管帶官每歸省先妣必勉以爲國宣勞及善事大元帥以報知
遇泊大元帥特任奉天督軍兼省長不孝作相已由團長洊升至二十七師步兵旅長
旋擢充東三省巡閱使署總參謀長兼二十七師師長先妣諭之曰汝官閱已高心氣
宜下自來建牙樹戟之門未有不敗於驕盈者汝其戒之不孝作相敬聆慈訓兢兢自
守不孝作濤歷營團長洊升旅長長孫廷蘭廷樞亦各任營長先妣均有訓詞諄諄然
以報國衛民相期勉民國十三年不孝作相署理吉林督軍兼省長以先妣年高未克
迎養仍居奉宅嗣以兵戈未息不孝作相出任鎮威第四第五方面軍團長率師進駐
灤榆不孝作濤於十四年被簡爲吉林全省印花稅處處長次孫廷樞亦升充十二師

師長數年來父子兄弟常在兵戎間雖不時遣人問先妣起居而先妣以連年用兵骨肉不得團聚人民困於徵輸憂蘊於中氣體因以不適本年夏間聞大元帥停戰言和移節東歸不覺喜形於色不意六月四日變起倉卒中外震驚時不孝作相作濤暨次孫廷樞皆阻在榆關以西先妣驚疑盼想輒廢寢食八十高年何以堪此而病根乃從此深矣及不孝等同次孫越險歸來先妣慈懷欣慰病以少間但以二十餘日未進飲食元氣既傷葭苓罔效羣醫束手禱天無靈延至二十八日子時竟棄不孝等而長逝矣嗚呼痛哉先妣生平慈惠爲懷戚友困窮時有周卹於地方慈善事尤喜倡導資助以促其成治家以勤律身以儉晚歲境履雖豐依然樸素年逾七旬不孝等欲奉回家嚴祝雙壽懇請再四始允舉行蒙徐大總統題頒極媵并曜匾額清皇室題頒福壽隆貴匾額一時榮之生子不孝作相作濤二人女三人長適周次適王三適梁孫八人廷蘭廷樞廷範廷舉廷祿廷禹廷楨廷颺孫女七人曾孫二人家庭之樂人以爲不可及方期與家嚴百歲相偕蔚爲家慶乃以不孝等侍奉無狀與世長辭搶地呼天百身莫贖祇以家嚴在堂年高待養不得苟延殘喘勉當大事苦塊昏迷語無倫次哀此叩啟伏維矜鑒

李母李夫人哀啓

民國十七年

北京蒙藏院參事

李芳春

哀啓者先慈生而靜穆慈孝性成外祖李氏爲吾義漢軍望族世循禮教先慈秉彝之厚有由來也年十七歸於先嚴時先曾大父母均在堂先慈追隨先大母先意承志侍奉維謹里鄙稱賢孝焉先曾大父性強剛毅治家最嚴家人小有過失輒呵責不少寬假而於先慈獨鐘愛雖盛怒時往往得先慈一言而顏爲之霽其深得老人歡心有如此者先曾太母晚年病癱瘓飲食便溺均需人扶掖臥病年餘先慈侍之彌謹始終無怠容先曾大父嘗歎曰孫婦賢孝天必昌汝後以報是時不孝芳春已生先大父春秋漸高家務一任先慈大而殯祭婚嫁之重小而醢醢瓶甌之微無不躬親曲處井井有條而先曾大父母兩次喪葬先大父母之盡哀盡禮則亦以先慈仰贊之力居多迨不孝芳春年長使遊學京師肄業籌邊學校歲一歸省先慈雖倚閭望切未嘗形於顏色每歸必諄諄諭勉向學冀有所成就且曰吾家道小康賴汝先曾大父艱難締造始有今日汝輩青年在外宜力戒奢靡毋負汝先曾大父貽謀之苦心也不孝芳春仰承母訓迄不敢稍自侈縱殆習久成自然耳民國元年夏先大母無疾而逝先慈悲痛異常是年秋不孝芳春畢業適蒙藏局成立得委任主事先慈聞之稍有欣色是年冬不孝隨陸宣慰使鍾岱宣慰熱河蒙旂返京過家先慈見之喜曰吾兒今果能自立惜汝曾大父母大母皆不及見也言下不勝感慨又因不孝初任事恐有偷惰再三以勤慎勗

之至二年秋先嚴先慈携兒婦來都就養逾年旋里自此每年必來京撫視屆夏日即回畏熱故也三年夏蒙藏局改院不孝僉事薦升僉事任科長先慈愈喜孰料禍福靡定天道難知是年秋歸霍氏妹芳瑩竟以病殤逾二年冬先嚴又復見棄當時不孝芳

洲

均尙幼先慈鬱鬱憂傷遂至痰嗽大作至是病根潛伏精力頓衰矣先姑母二十六歲

始歸紀氏與先慈友愛最篤不幸於八年春逝世十二年先大父又棄養此亦皆痛心事也先慈母對不孝等言余晚年迭遭變故何不幸之甚唏噓飲泣情不自已不孝等慰藉再三乃稍解先嚴昆弟二家伯老而無子先慈召不孝等曰爾父已逝余不知早晚亦歸地下矣汝伯父母膝下猶虛芳春旅宦在外不常家居宜令芳林入嗣俾待晨昏以慰晚年吾雖死亦無憾矣其用心之苦慮事之周非深明大義曷克臻此十三年春不孝芳春迎接來京原期久奉晨昏藉伸烏養不意抵京數日不孝突患猩紅熱幾瀕於危次女東珏長子東藩次子東實相繼夭折先慈觸目傷心極形焦灼而醫生復謂先慈年高痰嗽深虞傳染不得已急送歸家倉皇就道兩地心懸眷念兒孫至廢寢饋自此以後不孝芳春每言迎養先慈輒不許蓋前此之傷感深矣客春不孝芳春簡補蒙藏院參事自審居官十餘年稍有寸進皆先慈訓勉之力也是冬因事赴藩迂道歸省見先慈痰嗽不似往年之甚深爲慶幸復請來京就養先慈諭之曰汝現已進官

參事宜以國事爲重勿以我爲念吾老矣明春或到京看視孫輩不孝聆之喜甚及回京後迭接家報均言平安方期歲轉春回慈暉得託依依膝下稍慰遊子寸草心也適不孝芳洲由熱河回京共商迎接日忽于夏曆二月初一日下午接母病電報不孝等即晚登車次日抵家乃知先慈得病在正月二十六日寒熱交作痰嗽頓止延醫診治均稱老病日久羸憊已極身燒過甚痰結喘作極難用藥不孝等抵家時先慈雖尙能辨認然已哭無淚言語甚微及至初四日微見痰嗽家人竊喜以爲將有轉機謂痰能吐出可望施治矣而醫生仍皆束手至初五日病益沉困不孝等侍奉在側未敢稍離然先慈猶自謂無慮時囑不孝等退去休息乃延至初六日巳時熱喘劇甚竟棄不孝等而長逝矣嗚呼痛哉先慈生不孝兄弟及女弟八人以教以養劬勞鞠育未得一日安晚年方幸不孝等漸次成立聊可優游暇豫娛樂桑榆乃復迭遭憂傷心力俱悴無復佳境矣先慈自得病至彌留神志始終清明對於家中各事一一指示詳盡惟念及不孝芳圃僅三尙未成人於婚學兩事尤爲關心叮嚀不已不孝芳洲雖聞電馳歸猶得聆遺命然侍奉無狀子職多虧厥罪終不可追矣先慈淑德懿行不可無述謹就所及知者銓次概畧倘蒙賜以誄詞用光泉壤感切不朽苦塊昏迷語無倫次伏乞矜鑒

義縣志中卷

藝文志著述弁言

立言為不朽之一自來名流碩雋著書立說刊於當時傳於後世其藝文有不可湮沒

者也所以上起國史

如明史藝文分類若干各詳書目并若干卷及撰者姓名

中及省志

如黑龍江通志藝文列書目詳著人氏籍分二篇一松漠紀聞契丹國志平定羅刹方略龍沙紀畧

東三省政畧及各縣志二述本堂存梅堂龍沙物產詠龍江百五鈔龍江詩選及近人詩草

下迄邑乘

如雙城志藝文列撰著一門曰雙城鄉土志張爾銘著聽命軒詩稿毓謙著東泉記張選升著退求菴詩集王之鄰著湖北民軍起義第

一年紀念會代表日記翟文選著

類皆於著述者務標明某書若干卷某人氏撰以表明之也義雖屬邊鄙

之隅自元明以來名公卿之論撰騷人墨客一家之言工者深醇大雅卓卓可傳即間

有駁雜出乎其間亦足以考其風氣之正變辨古學之源流識大識小一邑之掌故備

焉故搜求吾邑各家著述彙錄成目殿藝文後俾免埋沒凡卷數莫考疑信未定者寧

闕而不濫云

民國十七年二月二十三日鶴識

國朝不道不道

...

...

...

...

...

...

...

...

...

義縣志中卷

藝文志

著述

北朝魏

馮氏燕志

十卷韓麒麟 孝友傳

十卷前 人

元

雙溪醉隱集

八卷耶律鑄

芮城宋職官題名記

存芮城縣堂壁

李守忠

明

醫閭集

九卷賀 欽

清

羣言瀝液

八卷梁顯祖 敎家編

二卷前 人

靜中吟

一卷前 人 雜著

一卷前 人

學辨

一卷前 人 述懷詩

一卷前 人

徽音集

一卷梁 儒 仕學要編

一卷梁文科

勸農教民書

二卷前 人 清容堂詩集

一卷梁文瑄

元亨詩集

一卷王猷奏議

一卷前人

巡視東城北城紀事畧

一卷前人 甲午乙未丁酉巡視漕務記

一卷前人

七省漕務匯錄

二卷前人 豫軍紀畧

二卷李鶴年

味蔗軒詩集

一卷韓文鈞鑑略註解

四卷韓曉春

國統便覽

一卷前人 黷宮實錄

一卷前人

學庸貫解

二卷前人 詩品註解

一卷前人

戎疆瑣記

一卷德印官箴錄

一卷王士芳

魯豫宦遊記

二卷前人 曹州軍事記

一卷前人

樂亭課士文稿

一卷王士昉次南詩稿

一卷王仲

宦遊紀事始末

二卷前人 習春秋文集

二卷前人

滄州事略

一卷前人 五代十國紀年事略

一卷王國梅

五胡十六國紀年事略

一卷前人 三字經解字

一卷王鶴齡

鄉土紀聞稿

一卷前人 三字經白話句解註釋會纂

四卷前人

學竹山房詩草

四卷愛辛保滿漢合璧學庸

二卷前人

寸香詩草

四卷蕭家麟懷芳閣留刪小草

一卷許文惠

東閣官梅十詠

一卷金朝觀

三槐書屋詩鈔

四卷前 人

六陣法

一卷劉文雄

影諫目錄

一卷金慧麟

熱腸一笑錄

一卷金慧麟

用中錄

一卷吳國珍

行軍要略

二卷李蓉鏡

守城粗規

一卷前 人

傷寒註解

一卷吳景玉

蝴蝶詩三十韻

一卷趙鴻儀

石琴鐵硯軒餘稿

一卷前 人

雁子詩三十韻

一卷趙 瑜

知足自壽詩十首

一卷趙汝桂

治家要訓

一卷王君召

讀史餘稿

一卷王 佐

責躬錄

一卷王旭齡

偶園小稿

一卷李葆恂

偶園讀書志

二卷前 人

偶園書畫錄

一卷前 人

讀水經注志疑

一卷前 人

擊楫集

一卷前 人

讀畫詩

二卷前 人

然犀錄

十卷前 人

猛菴文略

二卷前 人

三邕萃墨移題跋

四卷前 人

猛菴雜著

二卷前 人

舊學菴筆記

一卷前 人

庚癸小草

一卷前 人

紅嬴山館遺詩

一卷前 人

津步聯吟集

一卷前 人

詠菊三十韻

一卷楊春元

紅絲硯齋詩集

一卷李兆蓉

宣講警衆篇

四冊王永陞

刀弓石練習解說

一卷王 霑

訓士規則

一卷戴三公

曲陽月課會編

一卷楊 森

課士錄

一卷方 勳

學古篇

一卷劉廣澍

自警詩草

一卷李應時

課餘文稿

二卷劉麟奎

課徒草文集

二卷王旭齡

課徒詩文集

二卷王友善

治家遺訓

一卷王 佑

讀書述聞

一卷王 基

詩餘

一卷王松齡

義州雜志

一卷王乾齡

初仕銘

一卷王錫齡

詠世詩

一卷王士南

逸興詩稿

一卷王 柱

煮石齋詩集

一冊郭式莊

大清一統輿地臥遊圖

一冊前 人

零金碎玉雜集

一卷李魁麟

民國

唾餘存稿

三卷劉鳳揚

草草吟詩稿

一卷劉仲山

留紫菴全集

一卷前 人

雙城縣鄉土志

二冊溫廣泰

奉熱文獻待徵錄

一卷張新翹

丙辰叢報雜誌

一卷宋文林

孫子兵書淺註

二卷王桂林 統一政策

一卷前 人

四雨堂詩稿

一卷劉兆麟 惜墨軒詩集

一卷前 人

鋤古齋雜誌

一卷李兆澤 碎錦零金日集

一卷前 人

芸閣雜集

二卷劉炎武 雪梅詩社吟稿

一卷前 人

仙鬼詩話

二卷前 人 格言聯珠

一卷宋兆麟

詩稿

一卷宋小濂 榆陰書屋詩集

一卷劉正山

定神學講義

二卷劉笑佛 衛生行政系統

一卷前 人

定神學疑問寶典

一卷前 人 衛生行政施行法

一册前 人

禁煙實施法

一卷前 人 課餘待質錄

一卷李如蘭

營川金綫跡

一卷前 人 束鐸筆記

一卷前 人

兩京遊記

一卷趙仲珊 古豐遊記

一卷前 人

烏桓遊記

一卷前 人 春明漫載

二卷前 人

中國墾殖問題

一卷前 人 課餘隨筆

一卷前 人

病理學

一卷趙祖襄 診斷學

一卷前 人

病理問答

一册前 人 車後童子傳

一卷郭兆麟

名譽館長敖瑞徵 蕙軒

趙福永 椿葛

總纂王鶴齡 子笙

趙日生

編輯王鶴齡 子笙

李兆澤 兩臣

經理張志先 一忱

繪圖徐芳烈 襄閣

趙連甲 乙青 遼寧義縣東北小鉄廠人奉天東北大學工科土木系畢業

名譽編輯敖恩溥 渥亭

張濟寬 祇嚴

張九卿 相臣

高維翰 芷蘅

張志先 一忱

王及時 子賢

義縣創編縣志人員表

職別 姓名 次 纂 籍

貫

履

歷

監修 趙興德 子馨

遼寧黑山縣人歷充東三省巡閱使署收發信件員奉天清丈局委員陸軍部調查員鎮威軍總司令部秘書東三省保安總司令部秘書京兆尹公署顧問兼秘書鎮威上將軍公署秘書保准薦任
職前義縣知事

濮良至 青孫

江蘇溧水縣人清附貢生留奉補用直隸州知州交政事堂存記交財政部任用傳令嘉獎三等嘉禾章一等金質麒麟章歷任黑龍江國稅廳籌備處坐辦東三省官銀號監理官吉林國稅廳籌備處處長江西財政廳廳長歷充錦州稅捐局總辦奉天清鹽財政局審數科科長東三省鹽運使會計科科長奉天造幣廠幫廠長財政部帛幣司會辦全國財政討論委員會秘書全國菸酒事務署檢察會專任委員稅務處提調東北籌賑會救濟部主任委員遼寧財政廳整理財政委員會主任委員前義縣縣長

孫維善 乃剛

遼寧海城縣人北京中國大學法科畢業歷充哈爾濱地方審判廳書記官吉林地方審判廳推事奉天第四署省議會議員東北陸軍第十一軍秘書署台安縣知事充遼寧省警務處視察長署柳河縣長前義縣縣長

宋德謙 勛剛

遼寧海城縣人國立瀋陽高等師範學校數學理化部畢業歷充海城縣立中學校學監主任兼理教員東北大學繪圖技手輯安臨江長白縣視學營口縣視學瀋陽縣教育公所所長瀋陽縣教育局局長八等嘉禾章現署義縣縣長

館長 薛俊升 芑汀

王鶴齡 子笙

教育講演稿

一卷前 人 遺民淚

一卷前 人

詩聯存稿

一卷前 人 漂凌詩集

三卷濮良至

柳氏日記

一卷佛爾國春 物類考原

二十二卷王鶴齡

論說示範

二卷翟濂匯 南陽廬詩鈔

一卷 前人

右著述共一百四十種

義縣志中卷之十五藝文志下終